

6284

9(56)

U-25

U. D.

91406

Ը. Ն. ՄՐՆԳԵԼՅԱՆ

Պոլսոյ Ռուսական Կայսերական Կենսաբանութեան և Գիտելիքի  
Առաջին Կրթութեան, Անդամ-Աշխատակից Միջազգային  
Իրաւունքի Ինստիտուտի

# ԵՐԻՏԱՍԱՐԴ-ԹԻԻՐԲԵՐԻ

## Պ Ե Տ Ո Ւ Թ Ի Ի Ն Ը

*Պատմա-քաղաքական ակնարկ*

Թարգմանութեամբ եւ յառաջարկով

Վ. ՆԱԻՍՍԱՐԴԵԱՆԻ (Դ.Ն.)



Ս. ԷԶՄԻԱԾԻՆ

Ելեքտրաշարժ Տպարան Մայր Աթոռոյ

1916

3(56)

15-25

ագ

Ս. Ն. ՄԱՆԿԵԼՅԱՆ ✓

Պոլսոյ Ռուսական Կայսերական Դեսպանութեան ճախիկն  
Առաջին Դասգուման, Անդամ-աշխատակից Միջազգային  
Իրաւունքի Ինստիտուտի

228

17447) 16552-58 +

# ԵՐԻՏԱՍԱՐԴ-ԹԻԻՐՔԵՐԻ

## Պ Ե Տ Ո Ւ Թ Ի Ի Ն Ը

Պատմա-քաղաքական ակնարկ

Թարգմանութեամբ եւ յառաջաբանով

Վ. ՆԱԻԱՍԱՐԴԵԱՆԻ (Դ.Ն.)



12830

Ս. ԷՋՄԻԱՄԻՆ

Ելեբորաշարժ Տպարան Մայր Աթոռ

1916



33980-4.4.

ՀԱՄԵՍՏ ԳՈՐԾՍ ՆԻՒՐՈՒՄ ԵՄ

ՀԱՄԵՍՏ ԳՈՐԾՍ ՆԻՒՐՈՒՄ ԵՄ  
ԸՆԶՍԱԶՈՒՐԿ ԵՒ ԻՐԱԻԱԶՈՒՐԿ ԱՇԽԱՏԱԻՈՐԻ  
ԿԵԱՆՔԻ ԵՒ ԻՐԱԻՈՒՆՔԻ ԿՈԹՈՂԸ  
ԴԱՐԲՆՈՂ ՄԵԾ ՀԱՅԻ

ՄԻՄԵՆ ՋԱԻԱՐԵԱՆԻ

ԱՆՄԱՐ ՅԻՇԱՏԱԿԻՆ

Գրադարան

2004



2004

16552-58

ՀԱՄԵՍՏ ԳՈՐԾՍ ՆԻՒՐՈՒՄ ԵՄ

ԸՆԶՍԱԶՈՒՐԿ ԵՒ ԻՐԱԻԱԶՈՒՐԿ ԱՇԽԱՏԱԻՈՐԻ

ԿԵԱՆՔԻ ԵՒ ԻՐԱԻՈՒՆՔԻ ԿՈԹՈՂԸ

ԴԱՐԲՆՈՂ ՄԵԾ ՀԱՅԻ

ՄԻՄԵՆ ՋԱԻԱՐԵԱՆԻ

ԱՆՄԱՐ ՅԻՇԱՏԱԿԻՆ

Մեր «Յառաջաբանը» տպագրւած էր արդէն ու գրքային էր շարւում, երբ համայն Ռուսիայում փետրւարեան գէպքերը տեղի ունեցան: Ու եթէ երեկ անհնար էր ամենն ասել, ասել՝ համարձակ ու բացձակատ, այսօր արդէն, թւում է, որ անհնարին պիտի համարել թէ թիկունքային գործն ու հրապարակային լուսթիւնը ու թէ հին ներւած կարգերին յատուկ՝ գրելու արգահատելի ոճը:

Յարի խորտակուած գահը այսօր հնարաւորութիւն է ընձեռել և՛ մեզ՝ գրի առնելու այն ամենը, ինչ իր անպատիժ պտոյտն է արել «հայ Սիոնի» շուրջը սահմանի թէ մէկ ու թէ միւս կողմը. նա կապանքներն է քակել մեր բերնի ու գրչի ազատօրէն ասելու՝ թէ որքան կոշտ ու հմտօրէն ամենուր իր շարանենգ դաւն էր նիւթած մի փոքրաթիւ ու ազատասէր ժողովրդի տենչերի հանդէպ աշխարհի հօրըր, — թէ ցուրտ հիւսիսում ու թէ սուլթանների ոճրանիւթ հայրենիքում: Բայց հնարաւորութիւնից գատ այդ ամենը մի առ մի գրի առնելու հրամայական պարտականութիւնն է դրւած այսօր հրապարակի վրայ: Պէտք է, ժամանակն է, վերջապէս, ձեռք քաշելու մեր հնաւանդ սովորութիւնից, — գործել ու չխօսել, պատմութիւն կերտել՝ առանց վերջինս գրի առնելու: Գործի հետ մէկտեղ այսօր մենք և՛ գրչին պիտի իր բաժին յարգանքը բերենք: Ու այդ պիտի անեն առաջին հերթին նորա, որոնք մեր պատմութեան յատկապէս վերջին կրողն ու կրողն են եղել: Թողէք մեր հասարակական անգաստանի գործիչներն իրենց գործերը, տեսածներն ու լսածները հրապարակեն, որպէսզի ապագայ պատմաբանն ի վիճակի լինի այդ ամենը մէկտեղելու ու հայ հողի և ժողովրդի ճշգրիտ պատմութիւնը տալու: Թողէք նորա Սազոնովների ու Վորոնցով-Չաշկովների, Յարի ու նրա արբանեակների, Ահմեդ-Տիգանների ու Թալաթների դաւողական խոստումներն ու նոցա արած գործերը հանուրին ցուցադրեն, որպէսզի ամենի համար էլ ակներև լինի այն, թէ ով մեր պիտին այսօրւայ Մեծ Ոճիւրը երկնաց:

«Պատմութիւնը — սովորեցնում է». աւէք այդ պատմութիւնը:

## Յ Ա Ռ Ա Ջ Ա Բ Ա Ն

Անվիճելի ճշմարտութիւնների արասներէց մէկն էլ թերևս, այն է, որ քանի այդ ճշմարտութիւնները շատ են անառարկելի՝ այնքան աւելի կրկնելու պէտքն ունին նորա: Այդ ճշմարտութիւններից մէկն ու առաջինն էլ—սոցիալական—հումանիտար, աւելի ստոյգ՝ սոցիոլոգիական գիտութիւնների երերուն ու լաւապէս հիպոթեթիկ գրութիւնն է: Ոչինչ—վերջնական, ոչինչ—հաստատուն, բոլորը լոկ ենթադրութիւններ՝ հիմնւած ենթադրութիւնների վրայ: Ահա գիտական մտքի այդ բնագաւառում մինչև օրս ձեռք բերած «ամուր» զիրքերը: Ու, հարկաւ, այդ գրութեանն է մասնակից, ի թիւս այլ հարցերի, և մեր օրերի խոշոր սոցիալական կնճիոր: Ի՞նչ է ազգը, ո՞ր է ցեղի ակունքն և որտեղ—նրա վախճանը, որպիսի՞ արգասիքների ծնունդ է ազգութեան այս կամ այն բարդ շաղախը, արդեօք նա, այդ առեղծւածային ֆերմենտն, արդիւնք է պատմութեան ու բնութեան զատ—զատ ու զուգակցւած այլ ու այլ գործօնների, թէ խնուն է այստեղ և մեզ մինչ օրս անգիտակ կարող ոյժերի մատը, թէ յաճախ ու շատ քան ի ծնէ է բնատուր մարդկային խմբաւորումներին է վիճակւած՝ գրեթէ նոյնութեամբ անցնելու ժառանգականութեան բարդ խողովակով դարերի ճամբից սերնդէ—սերունդ: Հարցեր են ստքա, որոնց պատասխանն դուք իզուր պիտ հայցէք այսօրուայ գիտական մտքի գերազանցօրէն ամուր վիճակից: Իւր հաւատի մոլեռանդն, անշուշտ, չի տարակուսի հաւատացեալին յատուկ կուրութեամբ ձեզ մի շարք տաղտուկ մտքեր թոթովել, որպէս ճշգրիտ ու վերջին խօսքը գիտութեան: Բայց, դժբախտաբար, նրա «գիտութիւնը» չի դադարի ուղղափառի հաւատը լինելուց, համոզեցուցի՞ լոկ իրեն ու իւր նմանների համար ու վերստին—թոթովանք լաւապէս:

Ինչիցն է, որ Ասիայի վաչկատուն նոմադն, այսօր-

ւայ թիւրք ցեղը, մի ամբողջ պատմութիւն թեակոխեց առանց իւր կերպը փոխելու: Ի՞նչն է պատճառը, որ առաջինն երբեմնի հզօրներից այսօր իւր հին փառքի փլատակներին կառչած՝ ամենանողկալի վիճակի տնօրինողը դարձաւ: Ո՞ւր է բանալին այն ողբերգական պրպտումի՞ թէ այդ ինչպէս է, որ մօտ հինգ դար Եւրոպայի ամենագեղեցիկ հողաշերտում հիւրընկալւած իշխող տաճիկը տակաւին չ'փոխւեց—մնաց նոյնը՝ նոյն արնոտ թաթով, արնոտ ուղեղով: Այդ ինչպէս է, որ բեղութիւնների, սելջուկեան թիւրքերի, օսմանների, թամբուրանի ու էլի օսմանների անփառ ու անբաւատ միտքը համայն մարդկութեան ու իւր յետնորդ սերունդներին թէ՛ Ասիայի անապատներում ու թէ՛ Վեննայի պարսպների տակ, թէ՛ Ոսկեղջիւրի գեղածիժազ ափերին ու թէ՛ հայ հողի արիւնաներկ դաշտերում ու ձորերում, թէ՛ իւր վատ ու թէ՛ լաւ օրին, թէ՛ երեկ ու թէ՛ այսօր— ոչինչ չ'թողեց, ոչինչ չ'ստեղծագործեց: Ինչպէս է, որ նա այսօր էլ—նորէն դէպ Ասիա արտամերժւած՝ իրեն հետ ոչինչ չ'պիտի տանի, իւր յետեղ ոչինչ չ'պիտի թողնի: Չ'պասենք պատասխանի: Մենք էլ չ'նետուենք սոսկ ենթադրութիւնների խաբուսիկ գիրկը, բաւականանաք միայն եղածը փաստագրելով ու այդտեղ էլ կանգ առնենք: Այդպէս է թիւրքը: Այսօր աւելի քան երեկւայ նման, ու երեկ ոչ այնքան որոշ՝ որքան այսօր: Ու եթէ կասկածում էք դեռ,—թերթեցէք հէնց մեր պատմութիւնը, հայի պատմութիւնը:

Ի՞նչն է, որ մեզ իրաւունք պիտի տայ երեկն այսօրից տարբերելու ու ներկային որևէ բանում անցեալի հանդէպ գերակշռութիւն տալու: Ու այդ երբ է,—որ թիւրք տիրողը խաղաղ կենցաղի շատագոյն է եղել, եղել է խթանը քաղաքակրթութեան, ազդակը համայն պրոգրեսի: Մի սոսկալի կարծրութեամբ ու անյազուրդ կարծես բնածին վրիժառու բնազդով նա մեր պատմութեան գոգն է իւր ստքը դրել ու իւր աւեր ու արիւնի առաքելութիւնն մոլեղնօրէն այստեղ ի կատար ածել: Խորամուխ եղէք մեր արիւնոտ անցեալի մէջ ու ասացէք՝ թէ ինչիցն է,—որ թէ հայ շինա-

✓ Կանն ու թէ հայ քաղաքներն, թէ հայ աշխատաւորն ու թէ հայ արհեստաւորը, վաճառականն ու պաշտօնեան, թէ հայ համայնքի խաղաղ անդամն ու թէ նրա ըմբոստ զաւակը, թէ մեր անցեալի ապոլիտիկ շրջանում ու թէ նրա ընդ-վզումների պահուն—մենք միշտ էլ, ու մենք բոլորս, համայն հայութիւնը, թիւրք տարրի տիրապետութեան տակ անփոփոխ նոյն խեղճ վիճակն ենք ունեցել: Տաճիկը ոչ պետութիւն կարողացաւ ստեղծել, ոչ պետական կեանք ու ոչ էլ ընդունակ եղաւ պետականօրէն ապրելու: Ու նա չ'հանդուրժեց, որպէսզի իրենն ստորադաս հայ ցեղն իւր մտճ ու արօրին յենած հայ գրի ու գրականութեան անարիւն գարունը պատրաստի: Եւ զարմանալին ու ճշմանա-կալիցն այն է, որ նա չ'կարողացաւ այդպիսին լինել անգամ վերջին տարիներին, սահմանադրական դրօշի տակ: ✓

1908 թւի յուլիսի 10 ու 11-ին Պոլսի երանի անդորրը պահ մի վրդովեց պարլամենտի հրաւիրման կոչը, իսկ 1909 թւի ապրիլի 14-ին արդէն՝ Սան-Ստեֆանօ չւած տաճկական պարլամենտը, համաձայն Շէյխ-ուլ-իսլամի ֆեթվայի, զահրնկեց ազգարարելով Աեծ Բանակալին, երկրի տէր ու տնօրէնը դարձրեց նոցա, որոնք Աբդուլի սճրագործ քաղաքականութեան դէմ իրենց դաւն էին նիւթել: «Ես ինձ պատկերացնում եմ,—գրում էր Ռուսիայի տաղանդաւոր պետական գործիչ Ս. Իւ. Վիտտէն,—որ կայ նացիոնալիզմ առողջ, համոզւած, ուժեղ, և ազդու՝ ոչ երկչոտ, ձգտող՝ կայսրութեան պատմական կեանքի պտուղները, ձեռք բերւած ժողովրդի արեան ու քրտինքի գնով, պաճպանելու, ու հասնող—այդ նպատակին. ու կայ նացիոնալիզմ,—հիւանդոտ, ետական, ձգտող, ըստ երեսյթին, միևնոյն նպատակին, բայց որպէս ենթարկւող աւելի կրքերի, քան գիտակցութեան, որը յաճախ յանգում է բոլորովին հակառակ հետևանքների: Առաջին նացոնալիզմն է՝ դէպ աւեալ ժողովրդի հայրենիքը կազմող կայսրութիւնը տաճաճ սիրոյ ու նւիրւածութեան ամենավեհ արտայայտութիւնը,—երկրորդը կազմում է նոյնպէս արտայայտութիւնը նոյն զգացմունքների, բայց միայն զազազւած վրէ-

ժով, կրքերով, և այդու՝ այդպիսի նացիոնալիզմն երբեմն հանդէս է գալիս XX-րորդ դարի համար վայրագ ձևերով:

Բիւսմարկն առաջին տեսակի նացիոնալիստ էր, իսկ Աբդուլ Համիդը—երկրորդ: Ես կարծում եմ, որ առաջին տիպն աւելի է ցանկալի մեր հայրենիքի բարօրութեան համար»<sup>1)</sup>:

Թերևս նման երկրնորանքի ծնունք էր և՛ Թիւրքի-այում տեղի ունեցած մարտը տարբեր տարրերի մէջ: Մեծ Թոկիչքներ չէր, որ Ահմէտ-Քիզաներն ու Թալաթները պիտի անէին.—չէր պահանջւում նոցանից մէկէն ի մէկ Թիւրքիան վերածնել ու քաղաքակիրթ աշխարհների շարքը դասել, չէր էլ պահանջւում որպէս զի նոքա տիրապետող ազգերին «սուկեայ աշխարհների» խոստումներն անէին ու այդ խոստումների անյապաղ իրականացմանն անցնէին: Բայց անհրաժեշտ էր գտնէ Համիդից մինչ Վիլհելմեան Բիւսմարկը եղած տարածութիւնն անցնել, պատմութիւնը պահանջ ունէր Թիւրքերից—ապրելու ու յարատեւելու համար դէթ քաղաքակիրթ ուստոստումներ անել: Բայց, զրժբախտաբար, բոլորովին այլ բան կատարւեց: Տաճկական յեղաշրջումից յետոյ Եւրոպայի ու մեր հայրենիքի հասարակական կարծիքն առժամապէս լրջօրէն զբաղւեց այն հարցով,—թէ տեղի ունեցած երեսյթն որքան է էական ու թէ նա որքան յարատե պիտ լինի: Եւ ինչպէս միշտ, ու մանաւանդ այս հարցում, էլի «կարծիքների պարլամենտը» ծնունդ առաւ ու այսօր, զժբախտաբար, վերջնական ու լիակատար յազթանակը յոռետեսներին մնաց: Աբդուլն-Ահմետին, զառամեալներն—«երիտասարդներին», հին Թիւրքիան—«նորին» իրենց տեղերը զիջեցին, բայց նորէն իրականութիւնը նոյնը մնաց, կրկին երկրի կենսատու խթանը թրքական եաթաղանը դարձաւ: Ու անա այսօր, 16 երկար ու ձիգ տարիներ Տաճկաստանում ապրած ու նրա կեանքին, գործիչներին ու սոցա գործերին

1) Гр. С. Ю. Витте. По поводу национализма. Нац. Экон. и Фридрихъ Листъ. СП. 1912 г., изд. 200, кр. 4—5.

լաւատեղեակ ու ձեռնհաս դիւանագէտը գալիս է իւր քսա ամենայնի հետաքրքիր գրքոյկի մէջ մեզ գրադեցնող ցաւոտ հարցերին իւր հեղինակաւոր պատասխանը տալու: Հազիւ մի ուրիշն ի վիճակի լինէր այդքան քիչ երեսներէ վրայ նման հմտութեամբ ու համոզեցուցիչ շեշտով ցուցահանելու— թէ թիւրք ժողովրդի սնանկութեան աղբիւրը, թէ երիտասարդ-թիւրքերի իսկական դիմակը, թէ դիւանագէտների մարդասիրութեան արժէքն ու թէ թղթեայ սահմանադրութեան ողբերգական անբովանդակութիւնը: Հազիւ է պատահում, որ դիւանագէտն այդքան անկեղծօրէն իւր գրիչը շարժի ու քիչ են դէպքերը, երբ այդ գրիչն ապիկար չէ հանդիսանում նման կարողութեամբ դէպքերը լուսաբանելու:

Բայց մեզ հետաքրքրում է պ. Ա. Ն. Մանդելշտամի ուսումնասիրութիւնն առանձնապէս երեք տեսակէտից: Թնթերցողը, նախ՝ կը գտնի այստեղ տաճկական հին ու նոր քաղաքականութեան— Համիդից առաջ ու համիդից յետոյ— օրեկտիւ լուսաբանութիւնն ու համեմատական գնահատումը. երկրորդ՝ այստեղ նա կ'հանդիպի թիւրքիայում իւր ժամանակին ասպարէզ իջած ու ներգործօն դեր կատարած քաղաքական կազմակերպութիւններին ու կարող կ'լինի իւրաքանչիւրին իր արժանի տեղը տալ ու մի վերջին անգամ էլ դատաւորը լինել հայ մեծ քաղաքական հոսանքի դէպ երիտասարդ-թիւրքերն ունեցած գործելակերպի, և, վերջապէս, մի երկու խօսք կըլսի անմիջապէս այն մարդուց, որը մի ցաւոտ հարցի սպասաւորն է եղել ու հարթել է ճանապարհը շարաքոտախիկ համաձայնագրի:

Մենք կ'ցանկանայինք միայն վերջին երկու կէտերէ շուրջը մի փոքր կանգ առնել: Ընթերցողն յիշում է անուշտ, թէ որպիսի յարձակումներէ էր ենթակայ հայ մեծ կազմակերպութիւնն այն գործակցութեան համար, որն ունեցել էր նա մի որոշ շրջանում թիւրքիայի գլխաւոր քաղաքական հոսանքներից մէկի՝ երիտասարդ-թիւրքերի հետ: Հայ մամուլի մի մասը իւր ցատումն էր գալիս յայտնելու, նա դժգոհ էր՝ որ այդ գործակցութիւնը տարւում է «Միու-

թեան և Յառաջադիմութեան», այլ ոչ՝ ազատականների, ապակենտրոնական «Իթթիլաֆի» հետ, որի փառաբանութեան գովքն էր նա անում: Մեղադրանքներ լաւում էին և ուրիշ շրջաններից, որոնք դէմ լինելով «Իթթիլաֆին», դէմ էին և երիտասարդ-թիւրքերին ու վերջիններին հետ կայացած «բարեկամութեան» մէջ սկզբունքների վաճառումն էին տեսնում: Հարկաւոր էր, նախ՝ ապացուցել, որ «Իթթիլաֆի» յետեւը Համիդն էր թագնւած և, երկրորդ որ երիտասարդ-թիւրքերին ցոյց տւած աջակցութիւնը վերջին փորձն է հայ սարսի կողմից Թիւրքիան կորսից փրկելու համար: Ռուս հեղինակաւոր դիւանագէտն այսօր արդէն գալիս է անվերապահօրէն յայտարարելու, — որ «Իթթիլաֆին» գործի մղողն ու ոգևորութիւն ներշնչողը Համիդեան օսկիներն էին, որոնք կարողացել էին այդ կազմակերպութեան ճիւղերը մինչ Իլդիզ քաջել ու այնտեղից՝ այլ ու այլ տիտղոսների տակ դէպ գաւառի ու Պօլսի անկիւնները տարածել: Նա գալիս է նոյնպէս խոստովանելու, որ երիտասարդ-թիւրքերն էին միակ տարրը ամբողջ թիւրքիայում մնացած բոլոր քաղաքական խմբակցութիւնների հանդէպ, որոնք օժտւած էին, թէև աննշան, բայց մի քանի զբաղան գծերով: 1908 թւի սահմանադրութիւնը յայտարարելուց յետոյ երկրի քիչ-շատ աչքի ընկնող գործիչները մտել էին «Միութեան և Յառաջադիմութեան» կուսակցութեան շարքերը, այդ հոսանքն էր, որ կարողացաւ ցուցահանել եռանդ, որոշ կազմակերպչական ընդունակութիւններ, և, վերջապէս, նա էր, որ ստեղծեց թիւրքիայում գէթ ժամանակաւորապէս որոշ կուսակցական-քաղաքական կեանք: Բայց չ'զրանանք ճշմարտութիւնն ամբողջովին ասելու. չ'մոռանանք, որ երիտասարդ-թիւրքերն էին, որոնք չորս տարւայ ընթացքում երկրին կարողացան տալ բիւջէ, հին հարկերի քիչ թէ շատ տանելի կանոնաւորում, ընդհանուր զինւորական ծառայութիւն, անցազրի վերացում ու մի շարք անշան բարենորոգութիւններ: Անկասկած շատ քիչ էր այսքանը. քիչ՝ մասնաւանդ «բմբոստ» խմբազրնների ու «խոհուն» քաղաքագէտների համար: Բայց

ինչ որած, երբ ակելին անկարելի էր ստանալ: Հարկաւոր էր վատ զերի հետ հաշուել, ստիպւած «ըմբոստի» սիրասուն տիտղոսից հրաժարուել, եթէ միայն այդ տիտղոսի կուրորէն «սէրը» Մալոնիկեան կարմիր Սիլուէտին նորէն դէպ Բոսֆորի ափերը կարող էր բերել: Իսկ այդ վախը կար: Համիդի ուրւականն արդէն սկսել էր Պոլսի փողոցներում շրջել: Տրիպոլիս, Մակեդոնիա, Յունաստան, Արաբիա, Եւրոպական ակրոքատների մի ամբողջ շրախումբ, համիրական «Թթիլաֆ» ու մութ խոռոչներում ծւարած օտար ու ոչ օտար «ալքանացիներ» երիտասարդ թիւրքիայի համար վատ ու դժնդակ օրեր էին ստեղծել: Իսկ ճիւղ արբանեակները նորից գլուխ էին բարձրացրել ու անկարող իրենց սյժերին վստահանալու, նրանք յետադէմ, աւատական ու պետական կեանքին անսովոր Ալքանիային մեծ մեծ խոստումներով ասպարէզ էին նետել: Հայ պատգամաւորներն ինչպէս վարւէին: Յարել Ալքանիայի «աւտոնոմիային» ու «Թթիլաֆին» աջակցել, — բայց չէ որ Համիդն էր սրանց յետևը թագնւած, իսկ երիտասարդ-թիւրքերին վստահութեան քէ տալը «անկաշառ հայրենասէրի» աչքում պիտ մեկնաբանւէր որպէս շովեն կենտրոնացման վաւերացում և ազգային շահերի գերազոյն գաւաճանութիւն: Հարկաւոր էր շարիքներից փոքրագոյնն ընտրել: Չէ որ մի Մակեդոնիա վաղը դժւար ժամին կարող էր երեսը դէպ Բուլղարիա դարձնել, սերբը՝ Սերբիա, յոյնը՝ Յունաստան, արաբը հանգիստ իր տանը նստել, ալքանն իւր «աւտոնոմիայի» մասին երազել, իսկ հայն ինչ անէր: Նա չէ որ կեանքի «խաղաղ» թւերին իւր լաւ ապագան թիւրքիայում պիտ փնտռէր: Չէ որ հայը Վանից ու Բիթլիսից, Մուշից ու Էրզրումից ուրիշ տեղ չունէր գնալու: Նա չէ որ տասնեակ տարիներ իր կաշի վրայ էր կրել արիւնոտ սուլթանի զիւային լուծը, — հարկաւոր էր ամեն ինչ անել, միայն թէ բռնակալի ուրւականը հետու մնար հայրենի վայրերից: Այո, հարկաւոր էր վստահութեան քէ տալ անգամ երիտասարդ-թիւրքերին: Այդ էր պահանջում ազգային շահերի նւիրական և անկաշառ պաշտպանութիւնը,

այդ էր թելադրում անկեղծ սէրը դէպ մի շարատանջ ժողովուրդ: Քաղաքական դաւանանքի տարբերութեան տեղ չէր և ոչ էլ հաշիւներ մաքրելու ժամ, — ցաւն ընդհանուր էր, ընդունակ՝ մի վեհ ապրեցման մէջ ընդգրկելու բոլոր անկեղծ ու շիտակ մտածողներին: Տաճկական պարլամենտի հայ պատգամաւորներն անխտիր տանջւած «հայ» խօսքի չորս կողմն հին բոլորած: Կար անաբեկւած հայ ու անաբեկող սուլթան. կար մի ամբողջ ազգային պանթէոն, արիւնալուայ հայրենիք, մահասարսուռ թւականների մի ամբողջ շարան ու պատմական պատասխանատու բոլէ: Ահա թէ ովքեր էին անհրաճներն ու երիտասարդ-թիւրքերը, ու երբ կամ ինչո՞ւ վերջիններիս հետ հայ գործիչները գործակցեցին ու նոցա դժւարին ժամին իրենց աջակցութիւնը ցոյց տւին: Եւ, վերջապէս, անկախ այդ բոլորից հայ տարրն իրեն կոչւած պիտ զգար ի սպաս դնելու «երիտասարդ» թիւրքիային յանուն իւր ժողովրդի ակնկալած բարօրութեան այն բոլորն, ինչ նա ունէր իւր արամադրութեան տակ՝ քանի դեռ շարադէտ չակերտներն էին բացակայում, քանի դեռ սպասողական դրութիւնն էր թագաւորում: Անհրաժեշտ էր լաւատեսութեան վերջին հեւումին փարել, անհրաժեշտ էր վերջին ճիգը թափել թիւրքիայում պետութիւն, պետական կեանք ու քիչ-շատ տանելի կենցաղաձև մշակել, կարկաւոր էր այսօր՝ վաղւայ տեսչերի ու յոյզերի անարիւն ճանապարհը հարթել: Հեշտ է այսօր «արկածախնդրական բնագոյնները» վատաբանել, շատ հեշտ՝ պատմականօրէն «կանխատեսողի» ու գիտականօրէն «կանխորոշողի» քղամիզը հագած բարձրից նայել հայ ժողովրդի թափած ճիգ ու ջանքերին, երբ նա շարունակ որպէս Միգրիֆն է աշխատել ու որպէս Տանտալը — ձեռնունայն մնացել: Բայց որքան դժւար՝ ստեղծագործական աշխարհում սեփական արդասաւոր խօսքով ու գործով հանդէս գալը... Ինչ պիտ անէր հայ ժողովուրդն ու նրա ղեկավար մտաւորականը, երբ Արզուլն էր տապալւած ու Բեշիզը նրա տեղը բազմած, երբ երկրի միակ ընդգրկմադիր ու շկենսունակ տարրը՝ Բիզաններն ու թալաաթները,

Նազիրներն ու Էնվերներն այսօր խարուսիկ ու խոստում-  
նալից «երիտասարդ-թիւրք» տիտղոսով զարգարւած, այլ  
ևս Պարիզի վտարանդիները չէին ու Սոլունի զաւաղի-  
ները, այլ դրութեան տէրերն էին, զարբնողը Թիւրքիայի  
ապագայի: Մի ամբողջ բողոքի հնոց յանձնել էր նոցա՝  
փորձուած շիջող էր հարկաւոր: Այն պատմութիւնը զիջող  
չէ իւր օրինականութեան մէջ: Պետական մեխանիզմն,  
իրօք, անցաւ երիտասարդ-թիւրքերին, բայց միայն ուժեղի  
հոգեբանութեամբ: Սկզբունքներին հաւարիմ մնալը միայն  
թոյլին է վիճակուած, միայն նա է, որ գիտէ նկատել՝ թէ  
որտեղ են վերջիններս անարգում ու որտեղ՝ խնկարկում:  
Ուժեղը մոռացկոտ է, համակերպող, ասուածներ հրկիզող,  
եթէ նա անգամ միայն այսօր է ուժեղ: Կենտրոնացման ու  
համաթիւրքութեան ցաւով բռնեց և Միութեան ու Յա-  
ւաջադիմութեան» կոմիտէն: Ազգային իրահաւասարու-  
թեան, ազգայնօրէն կուլտուրական զարգացման հրամայա-  
կան կարիքը մոռացութեան տրւեց, ու օսմանների պե-  
տական կեանքն սկսեց շովինիզմի տենդով տառապել:  
Առանց երկրի արդիւնաբերական գործօններին զարկ տալու,  
իրաւահաւասարութեան տարրական սկզբունքները կիրա-  
ւելու, ժողովրդի տնտեսական տազնապը բուժելու, նա  
կասկածների ու սին խոստումների ճանապարհը բռնեց,  
մոռանալով որ այսօր դրա համար չէ, որ այդ կազմա-  
կերպութիւնն պետական յուրանի գազաթն է բարձրացել:  
Հարկաւոր էր համիդական բնազդների դէմ յարատև ու  
համարձակ կռիւ, — ու այդ կռիւը տարւում էր թէ երկրի  
ներսում ու թէ պարլամենտի չորս պատերի մէջ: Բողո-  
քողների առաջապահ շարքերում էին և հայ գործիչները,  
— կուում էին՝ որքան ոյժ ունէին և ինչպպէս կարող էին:  
Բայց չէ՞ որ երիտասարդ-թիւրքերն որքան և շովին, որքան  
և հարուստ համիդական բնազդներով, յամենայն դէպս,  
իրենց զարթօնքի պահուն զեռ Համիդ չէին: Լաւ-վատ,  
բայց ամբողջ Թիւրքիայում միայն նրանք էին, որ շահա-  
գրգուած էին իրենց հայրենիքի բարգաւաճման գործով,  
նրանք էին, որ գիտէին գոնէ սահմանադրական ոստոս-

տումներ անել ու այդ ոստոսումները սիրել: Ի՞նչ անել,  
եթէ ոչ՝ հայ աստղաթափ երկնքի վերջին շողին չ'ապա-  
ւինել: Ինչպէս վարել, եթէ ոչ՝ վերջին փորձին չ'անցնել  
ու վերջին հաւատը չ'ընծայել Թիւրքիայի ծննդին, եթէ  
ոչ՝ մի անգամ ևս նրան օգնութեան ձեռքը չ'մեկնել: Չէ՞  
որ բողոքող լինել՝ այդ դեռ չի նշանակում լինել այբալի-  
սին միջո՞ այսօր, վաղը, յաւէտ, ամեն հարցում ու ամեն  
տեղ: չէ՞ որ նման թիւր հասկացողութիւնը խեղկատակին  
միայն յատուկ է: Քաղաքական հասունութեան վկայականը  
նա ունի միայն, ով գեղեցիկ սինթեզը կարող է տալ  
Թախչի ու հանդարդիկ էւոլիւսիոնի, ով տկար չէ միայն  
մէկն ըմբռնելու ու միւսը՝ քաւութեան նոխազ զարձնելու:  
Ու գերազանցօրէն իրաւացի է ռուս հրապարակախօս-  
գիտնական Գ. Վ. Պլեխանովը, երբ ուղղամիտ շրմբոստ-  
ներին» Լուկիանի երկախօսութիւնն է յիշեցնում՝ տեղի  
ունեցած կոչկակար Միքելի ու նրա աքաղաղի միջև: Աքա-  
ղաղը մարդկային լեզուով էր սկսել իւր տիրոջ հետ խօ-  
սել, որովհետև մինչև աքաղաղ դառնալը պատիւ էր ունե-  
ցել Պիֆագորը լինելու. ու տիրոջ նոր թերահաւատու-  
թեան՝ թէ Պիֆագոր լինել նա չէր կարող, որովհետև տա-  
րօրինակ թռչունը մեծ ախորժակով բակլա է գործածում  
այն ժամանակ, երբ իւր հանճարեղ նախորդը այդ խստիւ  
արգելում էր, հանգիստ պատասխանում է, — որ «ինքը չի  
կարող իւր նոր դրութեան մէջ առողջապահական հին  
օրէնքներին հետևել, և որ մի դէպքում փաստակարը կա-  
րող է օգտաւէտ լինել մի ուրիշում»<sup>1)</sup>: Դժւար է, իրօք,  
ամեն ժամանակ ու ամեն դէպքում նոյն օրէնքներին հե-  
տևել, երբ յարափոփոխ կեանքն այսօր Պիֆագորին աքա-  
ղաղ է զարձնում, իսկ աքաղաղին՝ Պիֆագոր: Դժւար  
է ու յանցանք, — անարօր դոգմաներին փարած աջ ու ձախ  
բանալ՝ մտքեր թոթովել ու կեանքում՝ անազանագոյն  
խելամտեցնողներից լինել: Առաջին իսկ օրից Երիտասարդ  
Թիւրքիայի» գերեզմանը փորելը շատ էր պատասխանատու:

1) „Современный миръ“ 1916 № 5—6, էր. 53.

Նու, վերջապէս, ում հետ պիտ միանար և որք դէմ պայ-  
 քարէր հայ գործիչը: Չէ որ Թիւրքիայի բոլոր հպատակ ազ-  
 գութիւններն ուրիշ երազներով էին տարուած, — չէ որ  
 յոյնը, մակեդոնացին, բուլղարն ու արաբը, ալբանացին  
 ու սերբը, մի խօսքով՝ ազգային այն հաւաքական միու-  
 թիւնները, որոնք պարտական էին Թիւրքիայի դէմ իրենց  
 հարւածները, որոնք պարտական էին Թիւրքիայի դէմ իրենց  
 հարւածները մէկտեղելու՝ բոլորովին այլ իդէերով էին տա-  
 չորւած: Թիւրքիայից անկախ եւ ո՛չ նրա հովանու տակ,  
 — պատմութիւնն ու սերունդների պայքարը այս դեւիդն  
 էր նոցա ժառանգութիւն թողել ու, հետևապէս, նոքա  
 իրենց բարօր ապագան ամենևին էլ Թիւրքիայի ծննդի մէջ  
 չպիտի տեսնէին: Թիւրքիայի ճես ու կիսալուսնի աղօժ  
 փայլի տակ, — այս էր, ընդհակառակն այդ օրերին հայի  
 փրկութեան փարոսը: Ու, թերևս, ճիշտ էր պ. Միլի-  
 կովն, երբ իւր «Балканский Кризисъ» աշխատութեան մէջ  
 գալիս էր յայտնելու, — որ գրեթէ միայն հայ ժողո-  
 վուրդն էր, որ պաշտպան պիտ հանդիսանար երիտասարդ  
 — Թիւրքերին, որովհետև վերջիններին ցենտրալիզմը նրան  
 վտանգելու պարագաները չունէր, քանի նա, հայ տարրը,  
 ըստ հեղինակի ասութեան, իւր հարագատ հողի վրայ կոմ-  
 պակտ մասսա չ'ներկայացնելով, ազգային ինքնօրէնական  
 ձգտումներ չունէր: Թողնենք հանգիստ պ. Միլիկովի բա-  
 րացատրութիւնները, որովհետև նրա «առողջապահական»  
 օրէնքները, նայած տեղին ու պայմաններին, շատ ու շատ  
 յաճախակի են փոխութեան ենթարկելի, բայց և չ'ոգնենք  
 ճշմարտութեան հանդէպ մեր աչքերը, չ'մոռանանք, որ,  
 իրօք, գրեթէ միմիայն հայ ժողովուրդն էր հպատակ ազ-  
 գերից, որն անկեղծօրէն պատրաստ էր Թիւրքիայի ծննդի  
 գոհասեղանին դնելու այն ամենն, ինչ նա ունէր: Բայց,  
 դժբախտաբար, պատմութիւնն այս անգամ էլ եկաւ հայ  
 ժողովրդի յոյսերն իգուր ու գոհերն ապարդիւն դարձնե-  
 լու: Անգամ «երիտասարդները» չ'կարողացան գառամեալ  
 երկրի հիւժախտն ամօքել, նա շարունակեց դէպ անդարձ  
 կորստի անդունդը զլորուող երկրի վերջին հիւթերը ծծել՝

այսօրայ Մեծ Ռճիւրն ու Թիւրքիայի գերեզմանն երկնելու  
 համար:

II

Պակաս արժէքաւոր չէ պ. Մանդելշտամի գրքոյն  
 նոյն Թիւրքիայի ու նոյն երիտասարդ-Թիւրքերի արտա-  
 քին քաղաքականութիւնը բնորոշելու տեսակէտից: Թու-  
 ցիկ դիտողութիւններ են արւած այս ու այն երեսների  
 վրայ, բայց ընթերցողն ինքը կզանի, — թէ նոքա որքան  
 են տեղին, որքան՝ արդարացի: Բայց մենք մեր յառաջա-  
 բանում նպատակ ունինք միայն մի երկու յիշեցումն անել  
 չէ թէ երիտասարդ-Թիւրքերի արտաքին քաղաքականու-  
 թեան, այլ մեր ապարախտ ժողովրդի արիւնոտ դատի  
 վերջին ֆազայի՝ յունւարի 26-ի Համաձայնագրի մասին,  
 որի անմիջական սպասաւորներից է եղել և ինքն՝ Ա. Ն.  
 Մանդելշտամը: Մենք խորը հաւատն ունինք այն բանի,  
 որ հայ ժողովուրդն արդէն յստակօրէն է իւրացրել այն  
 տարրական ճշմարտութիւնը, — որ դիւանագէտների, վե-  
 հաժողովների ու համերգների արդարութիւնը, խիղճն ու  
 իրաւունքը և այլ նման ձևի կատեգորիաները լաւապէս  
 ու խորապէս պայմանաւորւած են այնպիսի գրութիւննե-  
 րով ու պարագաներով, որոնք ոչ մի, աւելի ճիշտ, և՛ ոչ  
 մի կապ չունին վերը յիշատակած բարեմասնութիւնների  
 հետ: Դոքա օրնամենան են՝ փխրուն ու խաբուսիկ, այն  
 հիմնական շէնքի, ուր մտնելու համար եօթ անցք կայ,  
 — որոնցից առաջինի գլխին «շահ» ցուրտ խօսքն է գրւած,  
 երկրորդի վրայ՝ կրկին նոյն խօսքը, երրորդի վրայ՝ նորէն  
 նոյնը, ու այդպէս — միշտ նոյնը՝ անխաիր բոլոր եօթ անց-  
 քերի վրայ: Ու դուք այսօր բնակիչը կլինիէք այդ շէնքի,  
 եթէ հզօրների գէթ ժամանակաւորապէս հաւատարակչու-  
 ւած «շահը» թոյլ կտայ ձեզ «Համաձայնագիր» ու նման  
 այլ ձևի տիտղոսների տակ ոտք դնելու նրա շէնքին, ու  
 դեռ չտեղաւորւած դուրս կվտարւէք այնտեղից, երբ մեր  
 օրերի այդ ամենակարող Աստուածն իւր ուժեղ ու իրա-  
 ւատէր հաւատացեալներին՝ սպրելու ու էլ աւելի հզօրա-

նալու ուրիշ աշխարհներ, ուրիշ աշխարհներ ցոյց կտայ։  
Ու որքան հրահանգիչ են պ. Մանդելշտամի հետևեալ տողերը. — «Յունւարի 26-ի ակաի ամենամեծ նշանակութիւնը Ռուսաստանի համար կայանում է նրանում, որ այդտեղ Դուռը պատշտապէս ընդունում է ռուսական հովանաւորութիւնը սանկահայերի վրայ, այսինքն՝ Բերլինի դաշնագրի 61-րորդ յօդւածից մենք նորից վերադառնում ենք Սան-Ստեֆանոի 16-րորդ յօդւածին»։ «Քուչուկ-կայնարգի դաշնագրութեամբ. — գրում է արևելեան հարցի մի ուրիշ մասնագէտ 1774 թւի յուլիսի 10/22-ին համանման գիւղում կայացած հաշտութեան առթիւ, — Եկատերինա Մեծին յաջողեց իրականացնել ոչ միայն Պետրոսի ուխտած երազը՝ Սև ծովի շրջերով մեր առևտրի համար ազատ ու անարգել նաւագնացութիւնն ստեղծել, այլ և ձեռք բերել մի ուրիշ ոչ պակաս կարևոր արածնութիւն, ըստ որի միայն Ռուսաստանին էր վերապահւում Բարձր Դուռն գործերին միջամտելու իրաւունքն՝ արեւելի ֆրանսոսեայ ժողովրդներին պատշապանելու նպատակով»<sup>1)</sup>։ Թւում է, թէ արևելեան հարցով հետաքրքրւողների կարծիքների ու ըմբռնումների շարանն երկարելու կարիքը չկայ, որովհետև մենք միշտ նոյն անայլայլ իմաստութեանը պիտի հանդիպենք, եթէ անգամ տարբեր բաներ փնտռելու լինենք։ Այդ հարցը քաղաքական տեսակետից այն չափով է եղել մղիչ ու ազդու, ինչ չափով հնարաւոր է եղել «քրիստոնեայ ժողովրդների» միակողմանի պաշտպանութեան առհաւատչեանները ստեղծել ու տարած յաղթանակն այնքան աւելի մեծ ու բախտորոշող, որքան յաղթողներն ի վիճակի են եղել յիշատակած «միակողմանիութիւնն» իւր ծայրայեղութեան հասցնել։ Ու եթէ մենք 1698 թւի Կարլովիցի հաշտութիւնն ընդունենք որպէս անշրպեարը, որից պարզօրէն սկսւում է Եւրոպական մեծ պետութիւնների միջամտութիւնը Ռուսաստանի և թիւրքիայի արևելեան հարցի

շուրջը պատուող փոխ-յարաբերութիւնների խնդրին, կատանենք, — որ մէն-մենակ այդ կէտն, այսինքն այն հանգամանքը՝ թէ ով է «հովանաւորողը» քրիստոնեայ ժողովրդների, կարողացել է հզօրապէս գատել ու զօրել, բարեկամացնել ու թշնամացնել աշխարհի տէրերին, նա հանդիսացել է, եթէ կուզէք, միակ առանցքը, որի շուրջն են պտուել արևելեան քաղաքականութեան բոլոր վերիվայրումները։ Քուչուկ-կայնարգիում միայն Ռուսաստանը, իսկ 1840 ու 41 թւերի Լոնդոնի կոնվենցիաներից յետոյ 1856 թւի Պարիզի կոնգրէին գրեթէ ամբողջ Եւրոպան. Սան-Ստեֆանոյում — կրկին միայն Ռուսաստանը, իսկ Բերլինում նորէն ամբողջ Եւրոպան. 1914 թւի յունւարի 26-ի Համաձայնագրով — էլի միայն Ռուսաստանը. . . ու միշտ էլ. . . նոյնը՝ նոյն կախարդական շրջանում։ Իսկ թէ այն, ինչ այդքան գերազանցօրէն արժէքաւոր է իրենց՝ «հովանաւորողների» համար, որքան է աղէտաբեր ու շարադիւթ «քրիստոնեայ ժողովրդների» կենսական շահերի տեսակէտից, պերճախօս կերպով ցոյց են տալիս հայ ցեղի զլխին պայթած այսօրւայ անյուր Ռճիրն ու ռուս դիւանագէտի հետևեալ իմաստակիր խօսքերը. — «Երբ մեծ վեզիր Սայիդ-Հայիմ փաշան 1914 թւի յունւարի 26-ին ռուս հաւատարմատար Կ. Ն. Գուլկովիչի հետ միասին ստորագրեց այն ակտը, որով Տաճկաստանը պարտաւորւում էր դիմել պետութիւններին Հայկական բարենորոգութիւնների նոտայով, հին սուլթանը, որ դիտում էր այս տեսարանը Բոսֆորի ափում Բեյլերբեյի գեղեցիկ պալատի պատուհաններից, կարող էր լիակատար իրաւունքով բացականչել. — «Ալլահը մե՛ծ է, սրա համար չարժէ՛ր կառավարութիւններ փոխել»<sup>1)</sup>։

Մի խօսքով՝ արժէ կարգալ պ. Մանդելշտամի գրքոյկն ու առաւել ևս — դառը խորհրդածութիւնների նիւթ դարձնել նրա մէջ արձանագրած մերկ ճշմարտութիւնները։

1) Креницынъ, Н. В. „Восточный вопросъ на почвѣ его исторіи и политики“ СПб., 1900, стр. 21. ընդգծումներն իմն են. Գ.ն.

1) Ընդգծումը մերն է։ Գ—ն.

# ԵՐԻՏԱՍԱՐԴ-ԹԻՒՐՔԵՐԻ ՊԵՏՈՒԹԻՒՆԸ

I

## ԱՔԴԻԻԼ-ՀԱՄԻԴԻ ԺԱՌԱՆԳՈՒԹԻՒՆԸ.

1908 թ. յուլիսի 10 և 11-ին մակեդոնական բանակի երիտասարդ տաճիկ սպաները զրեթէ առանց արիւնահեղութեան վերջ տուին թիւրքական պատմութեան ամենամուսուլ շրջաններից մէկին: Ռեանայում, Օխրիդայում, Մոնաստիրում, Սալոնիկում, Ուսկիւրում որոտացին թնգանօթներն ի պատիւ սահմանադրութեան վերականգնման: Սերբական, բուլղարական և յունական ջոկատներն յողթականօրէն մտան մակեդոնական քաղաքներն ու ընկերացան թիւրքերին, իսկ Պոլսում Արզիւլ-Համիդը—Կարմիր Սուլթանը—զողոջուն ձեռքերով իւր կնիքը (թուրքան) դրաւ իրեն առաջադրած պարլամենտի հրաւիրման ուկազին, որի մէջ ի զուր արիւնհեղութիւնն և օտարների միջամտութիւնը կանխելու մտահոգութեամբ՝ ընդունւում էր ժողովրդական շարժման զիջելու անհրաժեշտութիւնը:

Որպիսի՞ ժառանգութիւն էր թողել Արզիւլ-Համիդն ըմբոստացած երիտասարդ թիւրքիային:

Երկիրը ներքուստ ներկայացնում էր մի քայքայուող ժառանգութիւն, որի տնօրէնը մէկն էր ամենամեծ բռնակալներից, որոնց հրը և է ճանաչել է Արեւելքը: Սկսած 1876 թ., այսինքն այն ժամակուանից ինչ Արզիւլ-Համիդը ցրել էր առաջին տաճկական պարլամենտի անդամներին, իւրաքանչիւր մի հասարակական և անհատական նախաձեռնութիւն ճնշել է ամենամեծ վայրագութեամբ: Զարարատիկ սահմանադրութեան հեղինակ Միդհատ-փաշայից յետոյ հազարաւոր թիւրքեր, առաւելապէս

երիտասարդ սպաներ, զրկել են կեանքից իրենց վերագրած ազատամիտ համոզմունքների համար: Ուրիշ հազարներ փթել են բանտերում և տառապել աքսորավայրերում, և այդ էլ շատ դէպքերում շինծու ամբաստանութիւնների շնորհիւ: Կրտսեութիւնը (խաֆիելը) դարձել էր պետական հիմնարկութիւն, որի պահպանութեան համար սուլթանը չէր խնայում և ոչ մի ծախք,— հիմնարկութիւն, որը սահմանադրութեան վերականգնումից յետոյ Աբդիւ-Համիդը յատուկ ուկազով (1908 թ. յուլիսի 17-ից) ստիպւած էր վերացնելու: Ամենավտանգաւոր բարոյական թոյնը կաթիլ-կաթիլ ներս էր ծծւում ժողովրդական ուղեղն և դանդաղորէն, բայց պարզապէս թունաւորում նրան: Համարձակ կարելի է ասել, որ «ժուլնալ» (ամբաստանութիւն) խօսքը նշանակ էր դարձել արդիւ-համիդեան շրջանի: Աբդիւ-Մ. զիզի բոլոր օգտաւէտ բարենորոգութիւններն առ ոչինչ էր յայտարարել: Գաղաքային ու շրջանային ինքնավարութիւնները գոյութիւն ունէին միայն անւանապէս: Չէր տարւում կանոնաւոր պետական տնտեսութիւն. բիւջէ ամենեւին չէր յայտարարւում: Աբդիւ-Համիդն առանց քաշելու անդադրում պահանջում էր վալիներից (գնեւրալ-նահանգապետներից) խոշոր վճարներ յօգուտ սուլթանական գանձարանի, իսկ վալիներն էլ իրենց հերթին ապօրէն տուրքերով ծանրաբեռնում էին ազգաբնակչութիւնը: Տարեկան հաշուապահասն այդ իսկական աւազակային տնտեսութեան հասնում էր մօտ երկու միլիոն լիրայի, որը ծածկւում էր փոխառութիւնների և ամենաանհրաժեշտ ծախքերի կրճատման գնով: Զինւորները շարունակ քաղցած էին: Պաշտօնեաներն ու սպաները շատ անկանոն ոտճիկ էին ստանում, երբեմն տարւայ մի քանի ամսանը միայն,—այդ պատճառով էլ նոքա սովորաբար վաճառում էին ոտճիկ ստանալու իրենց իրաւունքը վաշխառուներին՝ 50, երբեմն՝ 30, մինչև անգամ և 150/0: Դրա հետ միասին կաշառակերութիւնն այլանդակ չափերի էր հասել, մանաւանդ դատարանում: Այդ վաճառուած գատարանը, գտնւում էր բացի դրանից, սերտ կախման մէջ պալատից ու վարչութիւնից, առաւելապէս, ի հարկէ, քաղաքական գործերում: Տաճկական մամուլը տնքում էր նախնական անագորոյն գրաքննութեան լծի տակ և ամենեւին չէր կարողանում մօտենալ կառավարութեան ոչ ներքին և ոչ արտաքին քաղաքականութեան.—նրան թոյլատրւում էր միայն ամենաքծու դարձւածներով սողալ Սուլթանի առջև և պատմել նրա սելամլիքի այցի մասին: Ժողովրդական լուսաւորութեան գործը կենտրոնացած էր ամենագոհեղի ձեռքերում, և ստորին ու բարձրագոյն գպրոցներից անխնայ հալածւում էր ճշմարիտ-գիտական ոգու ամեն մի առկայծում.—անգամ մի քանի թրքական սուրբ գրքերի

վրայ Սուլթանի հրամանով արգելք էր դրւում, նոցա մէջ արժարժուած՝ խալիֆի դէպ ժողովուրդն ունեցած պարտականութիւնների «ազատ» մտքերի առթիւ:

Ինչ վերաբերում է, մասնաւորապէս, Սուլթանի քիստոնեայ նպատակներին, այստեղ արդէն եկեղեցական, դպրոցական և իրաւական (պսակադրութեան և կտակների սահմանում) արտօնութիւնները, որոնք հնուց պատկանում էին պատրիարքութիւններին, թէպէտ և ձեւականօրէն նոցանից խլւած չէին, բայց և յաճախ ոտնահարւում էին: Աբդիւ-Համիդի կառավարութիւնն անգամ չէր բացասում պատրիարքների իրեն ուղղած հարցապնդումների իրաւունքը: Բայց թէև պատրիարքների բողոքներն արտօնութիւնների խախտման դէմ, առաւել ևս երբ այդ բողոքներին հետևում էր եկեղեցիների փակումը, երբեմն և ունենում էին որոշ հետեւանքներ,—նոքա երբէք նպատակին չէին հասնում, երբ Սուլթանը որևէ պատճառի շնորհիւ գտնւում էր կարևոր դիպչելու չէ թէ այդ արտօնութիւններին, այլ իւր քրիստոնեայ հպատակների կեանքին: Հարկը հաղարաւոր դժբախտ հայեր՝ խողխողւած 90-ական թւականների վերջերին իրեն՝ Աբդիւ-Համիդի անձնական հրամանով, տասնեակ հազարաւոր մակեդոնացիներ՝ նահատակւած գահիճների ձեռքերով, որոնք գործել են էլի նրա թելադրանքի ու սաղրանքի շնորհիւ, վկայում են պատմութեան առաջ Աբդիւ-Համիդի դէպ իւր քրիստոնեայ հպատակներն ունեցած իսկական վերաբերմունքի մասին:

Օտարերկրացիներից ոմանք գտնւել են սուլթանական իշխանութեան կարողութեան սահմաններից դուրս: Միանգամայն հասկանալի է, որ քանի շատ էր ծանրանում ու վատթարանում տաճկական ուժովը, այնքան աւելի նախանձախնդրօրէն օտար պետութիւնները պահում—պահպանում էին իրենց հպատակների իրաւունքները, ապահովւած հնօրեայ դաշնադրութիւններով և անգամ ձգտում էին ըստ կարելոյն նոցա շրջանակների լայնացման: Ինչպէս յայտնի է, ըստ այդ դաշնադրերի իւրաքանչիւր օտարերկրացի թիւրքիայում կեստերիտորիալ է. նրա տունը տաճիկ ոստիկանութիւնն առանց նրա հիւպատոսարանի համաձայնութեան չի կարող ոտք դնել, առանց այդ համաձայնութեան էլ նա չի կարող բանտարկւել: Օտարերկրացիների մէջ եզած գործերն ենթակայ են չէ թէ տաճկական, այլ հիւպատոսական գատարանների իրաւասութեան: Թիւրքերի և օտարերկրացիների մէջ տեղի ունեցած խառը գործերը քննւում են տաճկական գատարաններում, բայց նոցա առթիւ եզած որոշումներն անվաւեր են, եթէ նոքա հաստատուած չեն ներկայ գտնուող հիւպատոսական ներկայացուցչի կողմից: Նախնական բանտար-

զելութիւնն եւ պատիժը օտարերկրացին պիտի կրի չէ թէ տաճ-  
կական, այլ հիւպատոսական բանտերում:

Այդ այսպէս անւանեալ իրաւական դաճնագրերը<sup>1)</sup> ամենեւին  
էլ չեն սպառում Տաճկական Պետութեան օտարերկրեայ հպատակ-  
ների արտօնութիւնները: Ըստ դաշնագրերի, օտարերկրացիներին  
տրել է թիւրքիայի սահմաններում տգաւ առեւտրի լիակատար  
ապահովութիւն, և արտահանման մարտերն որոշւած են եղել 80/0  
ad valorem. միայն 1907 թ. Դուռը կարողանում է պետութիւններին  
համաձայնութեամբ բարձրացնել մինչև 110/0, ու այդ էլ այն  
պայմանով, որ եկամուտների աւելորդը գործադրել մակեդոնական  
բարենորոգութիւնների վրայ: Հարկեր չեն կարող վերցնել օտար-  
երկրացիներից առանց իրենց պետութիւնների համաձայնու-  
թեան. — այսպէս, օրինակ, ըստ տաճկական 1867 թ. անշարժ  
կայքերի օրէնքի՝ նոքա վճարում են հողային տուրք շնորհիւ այն  
հանգամանքի միայն, որ այդ օրէնքն ընդունել է պետութիւնների  
կողմից: Դուռն տնտեսական կախումը պետութիւններից ուժե-  
ղանում է և նրանով, որ կառավարութիւնը մեծաւորների  
հաստատման իրաւունք չունի: Վերջապէս, ինչպէս յայտնի է, մեզ  
հետ ունեցած վերջին պատերազմից յետոյ անակացած Տաճկա-  
տանը ստիպուած էր 28 մուհարեմի 1299 (1881 թ. գեղեւոն-  
բերի 20) հրովարտակով թոյլ տալ հիմնելու Պոլսում յատուկ  
յանձնաժողով, բաղկացած Դուռն օտար պարտաւէրերի ներկա-  
յացուցիչներից, օսմանեան պետական պարտք (Dette Publique  
Ottomane) ծածկելու համար: Այդ յանձնաժողովին էին տրւած  
վեց պետական հարկերից (ծխախոտից, աղից, ձկնորսութիւնից,  
մետաքսագործութիւնից, օդուց, նոյնպէս և դրոշմային հարկից  
ստացւած մուտքերը, իսկ այդ մուտքերն էլ Dette Publique-ի  
վարչութիւնն էր հաւաքում իւր սեփական մարմինների միջոցով:

Տաճկական պետականութեան ստորին մակարդակը միան-  
գամայն բնականօրէն Եւրոպական միջամտութեանն էր ենթար-  
կել օսմանեան կառավարութեան և ուրիշ շրջանները: Այսպի-  
սով, XVIII դ. վերջին տաճկական հողի վրայ առաջ եկան  
օտարերկրեայ պոստային հիմնարկութիւններ, լուեիայն ճանաչւած  
Դուռն կողմից: 1840 թ. Պոլսում հիմնեց օտարերկրացի ու տաճիկ  
անդամներից՝ միջազգային սանիտարական խորհուրդ, որի նպա-  
տակն էր պաշտպանել Տաճկաստանը, իսկ նրա միջոցով և Եւրո-

1) Մանրամասն նկարագրութիւնը ժամանակակից զաշնագրական  
սեփմի (капитуляционный режимъ.) կարելի է գտնել իմ գրքում  
«La Justice Ottomane dans ses rapports avec les Puissances Etran-  
gères». Paris, 1911.

պան, վարակիչ հիւանդութիւններից. — խորհուրդն առևտրական  
նաւազնայութիւնից յօգուտ իրեն տուրք է վերցնում և ունի  
ամբողջ Պետութեան մէջ իր տրամադրութեան տակ բազմանդամ  
սանիտարական կազմ: Կայ նոյնպէս փարոսների միջազգային  
յանձնաժողով և քրեի վրայ վերկուրեան միջազգային յանձնաժողով:

Իմ մատնանշած տանկական գերիւստութեան սանձաւար-  
կումները տարածւում էին սակող Պետութեան վրայ: Բացի  
դրանից, առաւելապէս արգահատելի Արդիւլ-Համիդի ու նրա  
արբանեակներին քմահաճ կառավարութիւնն այս կամ այն ասպա-  
րիղում՝ առաջ էր բերում Եւրոպական միջամտութիւն Պետութեան  
և այդ մասի գործերի մէջ: Այսպէս, 1895 թ. հայկական կոտո-  
րածն առաջ բերաւ Ռուսաստանի, Փրանսիայի և Անգլիայի միջա-  
մտութիւնն և ստիպեց սուլթանին տալ 1895 թ. հոկտեմբերի 20  
հայկական բարեկորագրութիւնների հրովարտակը, որը, սակայն,  
մեռած տառ մնաց: Իրերի դրութիւնը Կրետայի վրայ պետութիւն-  
ների ստիպեց յատուկ ռեզիւմենտ մշակել, ըստ որում կառավա-  
րութիւնը տրւում էր պետութիւնների համաձայնութեամբ Սուլ-  
թանի կողմից նշանակւած գեներալ-նահանգապետին: Սուլթանը  
ռեզիւմենտն ընդունեց 1896 թ. օգոստոսի 27-ին: Այդ ժամանակ-  
ւանից չորս պետութիւններ (Ռուսաստան, Փրանսիա, Անգլիա և  
Իտալիա) իրենց հովանաւորութեան տակ են առնում Կրետայի  
ինքնավարութիւնը. 1898 թ. նոքա ստիպում են թիւրքիային դուրս  
տանել իւր զօրքերը, իսկ 1899 թ. մասնակցում են կրետական  
սահմանադրութեան մշակման: Մակեդոնիայում քրիստոնեաների  
հալածանքների քաղաքականութիւնը նախ բերեց 1903 թ. ապրս-  
տամբութեան, յետոյ՝ Ռուս-աւստրիական հսկողութեան, տաճկա-  
կան գեներալ-ինսպեկտորին քաղաքացիական ներկայացուցիչներ  
տալու ճանապարհով, իսկ յետագայում՝ Մակեդոնիայում միջազ-  
գային ժամգարմերիայի և միջազգային ֆինանսական յանձնաժո-  
ղովի հաստատման:

Այսպիսով, ի մի բերելով համադրեան Բալքանականութեան  
արդիւնքները, կարելի է ասել, — որ նա զարգացրեց մինչ ծայր  
աստիճան այն բոլոր բացասական կողմերը, որոնք յատուկ են  
ընդհանրապէս տաճկական պետականութեան. — բռնապետութիւն  
բոլոր հպատակների նկատմամբ, առանձնապէս անողորմ հալա-  
ծանք, իսկ երբեմն և շարժ քրիստոնեաների. ժողովրդի մէջ  
տգիտութեան եւ կրօնական մոլեռանդութեան պահպանութիւն:  
Նման քաղաքականութիւնը միանգամայն բնականօրէն ամբողջ  
թիւրքիայում թէ օտարերկրացիների իրաւունքների Եւրոպական  
պաշտպանութիւնն ուժեղացրեց ու թէ կառավարութեան որոշ  
շրջանների վրայ միջազգային հսկողութիւնը հաստատեց:

Բայց անկախ այդ համաեւրոպական միջամտութիւնից, որն իրագործուում էր յանուն իրաւունքի և ցիւրիլիզացիայի շահերի, Արդիւլ-Համիդը թոյլ տուաւ և մի ուրիշ ազդեցութիւն, արդէն միանգամայն ետական, որի զարգացումից պիտի կործանուէր նրա պետութիւնը: Այդ—Գերմանիայի ազդեցութիւնն էր:

Արդիւլ-Համիդի ժամանակ էին հրաւիրած գերմանական զինւորական վարժիչները: Նրա ժամանակ Վիլհելմ կայսրն երկու անգամ այցելեց Թիւրքիան և յայտարարեց իրեն բարեկամ բոլոր մուսուլմաններէ: Նրա ժամանակ գերմանական ընկերութեան՝ Բողդազի երկաթուղագծի առանձնաշնորհումը տրւեց: Նրա ժամանակ գերմանական զարգացման շնորհիւ արեւելքն Ասիան հեղեղեց: Ոչ այլ ոք, եթէ ոչ նա, բաց արաւ գերմանացիներէ առաջ տաճկական տան առաջին, արտաքին դարպասները: Երիտասարդ-Թիւրքերը բաց արին երկրորդը—ներքինը: Մուսուլմանական աշխարհի աչքում նոյն մեծ անարգանքն ընկնում է թէ Սուլթանի ու թէ երիտասարդ Թիւրքիայի վրայ: Երիտասարդ-Թիւրքերից ոչ պակաս մեղաւոր է Արդիւլ-Համիդն այն բանում, որ գերմանացիները ներս մտան ոչ միայն սուլթանատի հնացած վերնատունն, այլ և իրենց աւազակային ձեռքերով հանեցին այնտեղից խալիֆաների կանաչ դրօշը:

II

ԵՐԻՏԱՍԱՐԳ-ԹՐԲԱԿԱՆ ԲԱՂԱԲԱԿԱՆՈՒԹԻՒՆ

I. ԵՐԻՏԱՍԱՐԳ-ԹՒԽԱՐԵՐԻ ՆԵՐՔԻՆ ՔԱՂԱՔԱԿԱՆ ՆՈՒԹԻՒՆՆԵՐԸ:  
ԱՌԱՋԻՆ ՇՐՋԱՆ

(1908 թ. յուլիսի 10—1909 թ. ամբիլի 13)

Երիտասարդ-թրքական յեղափոխութիւնը պայթեց չէ թէ Պոլսում, այլ զաւառում—Մակեդոնիայում: Այդ ամեններն էլ պատահական երևոյթ չէր, այլ արամաբանօրէն բղխում էր համիդեան սեծիմի պայմաններից: Մի կողմից՝ սուլթանն աննկուն քշում էր քիչ-շատ կասկածելի տարրերը դէպ զաւառ, որը վերջ ի վերջոյ վխտում էր դժգոհներով: միւս կողմից՝ Մակեդոնիան հարուստ էր՝ ոյժի միջոցով իր անարգած իրաւունքները պաշտպանելու վարակիչ օրինակներով: Երկար տարիների ընթացքում հետամուտ լինելով չեանիկներին, կուր դուրս

զալով թոյլերի դէմ, երիտասարդ տաճիկ սպաները շատ բան էին սովորել իրենց սլաւոն և յոյն հակառակորդներից: Ամենականաւոր երիտասարդ-թիւրք գործիչներից ինձ պատանել է լսել, որ «Միութեան և Յոռաջադիմութեան» գաղտնի ընկերութեան սկզբնական կանոնադրութիւնն ու նրա ամբողջ կազմակերպութիւնը նոքա ընդօրինակել են ոչ այլ ոքից, եթէ ոչ տաճկական տիրապետութեան ոխերիմ թշնամուց—մակեդոնական Աեքիմ կազմակերպութիւնից:

Վտարանդի երիտասարդ-թիւրքերը, այսպէս կոչւած „Jeunes Turcs“, սովորաբար մնալով Փրանսիայում և յեղափոխական գրքերոյններով այնտեղից հեղեղելով իրենց հայրենիքը, ի հարկէ, նոյնպէս աջակցել են ազատագրական շարժման յաջողութեան, առաւելապէս մեծ են այդ տեսակէտից Թիւրքիայում շատ տարածւած պարիզեան «Մեշվերետի» հրատարակչի, Ահմեդ-Ռիզայի 1) ծառայութիւնները: Ես պէտք է, այնու ամենայնիւ, մատնանշեմ որ Արդիւլ-Համիդին յաճախակի յաջողում էր կաշառքի միջոցով էմիրանտներից շատերին համոզել Պոլիս վերադառնալու: Այսպէս, թուամորթ գտնուեց գայթակղութեան պոռճ անգամ քուրմը տաճիկ ազատամիտ երիտասարդութեան, «Միզանի» հրատարակիչ Մուրադ-բէյը: Այսպիսով, տաճկական էմիրանտութիւնն եթէ որ և է դեր կատարել է Թիւրքիան Արդիւլ-Համիդից ազատագրելու գործում, այդ եղի է, յամենայն դէպս, ոչ ղեկավարող գեր:

Պոլսական զինւորական դպրոցից դուրս ելած Օսմանեան, բանակի երիտասարդ սպաները, անկասկած, Թիւրքիայի ամենատաջադէմ տարրն էին ներկայացնում: Այդ ուսումնարանը միակ դպրոցական հիմնարկութիւնն էր, ուր Սուլթանը կարիքից ստիպւած թոյլ էր տալիս եւրոպական գիտութիւնների դասաւանդումը,—այդ պատճառով էլ սպաները տիրապետում էին որոշ կրթութեան: Միւս կողմից՝ դպրոցում գոյութիւն ունեցող կարգերը լցնում էին նոցա սրտերն ամենախոր ատելութեամբ դէպ Սուլթանը, որը հաշտուում էր այդ կիրթ սպատանիների հետ որպէս անխուսափելի շարիքի, իր լրտեսների միջոցով հետամուտ էր լինում նոցա իւրաքանչիւր մի քայլին և ամեն շրջանաւարտներից գատելով անվստահելիների մի որոշ մաս՝ քշում էր նոցա կամ Աֆրիկայի խորքերը, կամ թէ ենթարկում էր մահաւան պատժի: Այսպիսով, ճոզպարած տաճիկ երիտասարդ սպայութիւնը միանգամայն բնականօրէն իրեն կոչւած էր համարում ազատագրելու հայրենիքը համիդեան սեծիմից:

Մակեդոնական սպայութեան այդ զգացումներին միացաւ,

1) Յետագայում պատգամաւորների պալատի նախագահ:

սկսած 1903 թ., և մի ուրիշը: Տեսնելով թէ ինչպէս բարենորոգութիւնների ներմուծման հետ միասին Մակեդոնիան ընկնում է օտար հսկողութեան տակ, ինչպէս քաղաքացիական աստիճանաւորներից յետոյ երևան են գալիս օտարազգի ժանդարմական սպաներ և օտարերկրեայ ֆինանսական յանձնաժողով, տաճկական սպաները, որպէս ջիւրմ հայրենասէրներ, անկարող էին, ի հարկէ, չզգալ իրենց խորապէս վիրաւորուած: Նոցա թւում էր, թէ Սուլթանը վաճառում է հայրենիքն օտարազգիներին: Իսկ երբ կայանում է ռեվելեան տեսակցութիւնն և լուրեր են տարածուում ի լրումն մակեդոնական բարենորոգութիւնների՝ լայն լիազօրութիւններով քրիստոնիայ գեներալ-նահանգապետ նշանակելու մասին, այդ ժամանակ արդէն տաճիկ սպաների և «Միութեան ու Յառաջադիմութեան» գաղտնի կազմակերպութեան և ուրիշ մասնակիցների համբերութեան բաժակն է լցւում: Էնվեր ու Նիազի «ազատութեան հերոսները» բարձրացնում են ազատամբութեան դրօշը, մի քանի օրւայ ընթացքում շարժումը ծաւալուում է ամբողջ Մակեդոնիայում, — և Արդիւլ-Համիդը՝ մշտապէս յառած լինելով իւր ուշադրութիւնը մայրաքաղաքի վրայ ու չնկատելով մաքերի պատրուածը դուրսը, աւելի խոհեմ է գտնում ժամանակաւորապէս զսպել իր թոյնն ու զիջել: 1908 թ. յեղափոխութիւնն երկրին նստում է մի քանի կեանք միայն:

Գոյութիւն ունի մի այնպիսի կարծիք, որի համաձայն երիտասարդ-թիւրքական յեղափոխութիւնը գլխաւորապէս մատոնների գործ է: Կասկած չկայ, որ Սալոնիկում եղած մաստնական ժողովարանները մեծապէս օգնել են երիտասարդ-թիւրքերին, որոնցից շատերն անգամազբւած են եղել այդ ժողովարաններին: Բայց մասոնների այդ մասնակցութեանը չպէտք է վերազրել չափազանցեցրած նշանակութիւն: Իմ մատնանշած պատճառները կատարելապէս բաւ էին շարժում ստեղծելու համար, իսկ մասոնական, գլխաւորապէս, նիւթական օժանդակութիւնը կարող էր միայն բռնկուումն արագացնել:

Երիտասարդ-թիւրքերը, գտնալով թիւրքիայի լիակատար տէրերը, այնու ամենայնիւ, վճռականութիւն չունեցան բաց ճակատ երկրի կառավարութեանը ձեռնամուխ լինելու: Սկզբնական շրջանում նոքա պիտակալ իսլամութեան գաղտնի նախնի գերը գերազատեցին: Սուլթան Արդիւլ-Համիդին նոքա թողեցին իր գահի վրայ, բայց տարագրեցին նրա մտերիմներից նոցա, որոնց ամենից շատ էին ատում ու մտցրին սուլթանի ապարանքն իրենց նւիրւած մարդկանց: Ճիշտ նոյն ձևով էլ նոքա մեծ եպարքոսի պաշտօնին զբին զառամեալ Քիւսմիլ-փաշային, որը քանիցս եպարքոս էր եղել Արդիւլ-Համիդի ժամանակ, և սահմանափակեցին միայն մի

քանի պորտֆելներ տալով իրենց կողմնակիցներին, ինչպէս Խակի ու Մանիասի-Չադէ-Ռեֆիկա-բէյերն էին: Գաւառներում էլ համիդեան կարգերի բոլոր փայլուն ներկայացուցիչները պաշտօնանկ եղան, բայց նոցա տեղերը արւեցին չէ թէ յեղաշրջման գործիչներին, այլ նոցա, որոնք անցել էին իրենց կողմը յեղափոխութիւնից նոր յետոյ միայն:

Երիտասարդ-թիւրքերի գործկալերպի նման զգոյշ ձևը բացատրուում է, իմ կարծիքով, նոցա շարքերի նօսրութեամբ, և լուրջ պետական գործունէութեան համար իրենց լիակատար անպատրաստականութեան գիտակցութեամբ: Այդ բոլոր երիտասարդ սպաները, ժողովրդական դպրոցների ուսուցիչները, այդ բոլոր էնվերները, Չալիլները, Կալիլներն ու Քալապները հաւասարաչափ ոգևորւած էին և հայրենասիրական գաղափարներով, և իշխանութեան տենչով: Բայց նոքա իրենց անցումը մակեդոնական գեոնափոր նկուզներից դէպ Բարձրագոյն Գուռը որոշեցին կատարել չէ թէ միանգամից, այլ աստիճանական քայլերով:

«Միութեան և Յառաջադիմութեան» (Իթթիհատ-վէ-Թերաք-քի) կուսակցութեան զլուխ ֆուսայ կանգնած Սալոնիկեան գաղտնի կեներալական կոմիտէն, որը հրահանգներ էր տալիս կազմակերպութեան հատուածներին կամ տկոււմներին, որոնցով պատած էր ամբողջ երկիրը: Բա թէ և կենտրոնական կոմիտէի անդամների անունները չյայտարարուեցին, բայց նոքա շուտով հանրածանօթ դարձան, շնորհիւ իրենց հրապարակօրէն երևան գալուն: Ոչ ոքի համար նոյնպէս գաղտնիք չէր, որ կոմիտէի Պուլսի ներկայացուցիչներն ամեն օր «խորհրդակցում են» կառավարութեան անդամների հետ, այսինքն թելադրում են նրանց իրենց կամքը: Շրջանային ակումբների անդամները միանգամայն բացարձակ խառնուում էին վարչութեան գործերին, պահանջում էին նահանգապետներից փոխել իրենց անհաճոյ պաշտօնեաներին, և կարողանում էին կենտրոնական կոմիտէի միջոցով հրաժարեցնել անհնազանդ նահանգապետներին: Գերակշռող գերն ակումբներում կատարում էին սպաները:

1908 թ.ի սեպտեմբերին «Միութեան և Յառաջադիմութեան» կուսակցութիւնը հրատարակեց իր քաղաքական ծրագիրը, ըստ որի պահանջուում էր 1876 թ. սահմանադրութեան փոփոխութիւնն աւելի ազատամիտ ոգով. — այսպէս, առաջադրւել էին՝ միսիստրական պատասխանատուութեան, պալատներին օրէնսդրական նախաձեռնութեան իրաւունքի վերապահման, սենատի 2/3 ժողովրդից ընտրելու, ընդհանուր ձայնատուութեան իրաւունքի պահանջները. ազդարարւել էր բոլոր քաղաքացիների լիակատար հաւասարութիւնն օրէնքի առաջ անոնց ցեղի և հաւատի խտրութեան.

ընդունել էր միութիւններէ ազատութիւնն և դասաւանդութեան ազատութիւնը. ընդհանուր զինւորական ծառայութիւնը տարածուել էր բոլոր մուսուլմաններէ վրայ: Երազիրը կրում էր իւր մէջ նոյնպէս և սոցիալական կարգի դրութիւններ, ցոյց տալով գիւղացիական հողատիրութեան ուժեղացման և գործատէրերի ու բանւորների յարաբերութիւնների կարգաւորման անհրաժեշտութիւնը: Մի խօսքով՝ երիտասարդ-թիւրքերն ազդարարեցին, որ նոքա ձգտում են տանկալակ բռնակալական մուսուլմանական աստուածապետութիւնը փոխարինել օսմանեան ազատամիտ իրաւական կայսրութեամբ, որը պիտի կառավարէր պարլամենտական հիմունքներով:

Կասկած չկայ, որ երիտասարդ-թիւրքական շարժման պարարագլուխները սկզբնական շրջանում անկեղծօրէն նւիրւած էին իրենց ծրագրին և հաւատում էին նրա իրականացման կարելիութեան: Հաւատաց նոցա ու նոցա ծրագրներին և ամբողջ Եւրոպան, հրաժարելով մակեդոնական բարենորոգութիւնների վրայ իւր ունեցած հսկողութիւնից, յետ կանչելով՝ քաղաքացիական պաշտօնեաներին, ժանդարմական սպաներին և ֆինանսական յանձնաժողովին: Բայց երիտասարդ-թիւրքերին վիճակւած էր իրենց ճանապարհին հանդիպելու ահագին դժւարութիւնների, որոնց յաղթանարելը վեր էր այդ միջակ մարդկանց ոյժերից ու որոնց շնորհիւ նոքա պիտի շեղւէին իրենց կանոնաւոր ընթացքից:

Բուլղարիայի անկախութեան յայտարարութիւնն ու Բոսնիայի և Հերցեգովինայի միացումն Աւստրիային ամենից առաջ խաւարեցրին երիտասարդ թիւրքիայի արշալոյսն ու ստեղծեցին նրա համար մի շարք արտաքին խոչընդոտներ: Բայց երկրի ներսումն էլ, և, զլիւսւորաբար, մայրաքաղաքում՝ սահմանադրութեան ազդարարմանն ուղեկցող ցնծութիւններից արդէն մի քանի ամիս անց, սկսել էր ուժեղ իրարանցում:

Երիտասարդ-թիւրքերի սկզբնական գործողութիւնները չէին կարող, ի հարկէ, չհարւածել շատ շահեր, որոնք կ'ալ ունէին նախկին կարգերի հետ: Արձակւած պաշտօնեաները, տապալւած պալատականները, լրտեսների արտաքսւած ահագին բանակը՝ դոքա բոլորը միացած էին ընդհանուր ատելութեամբ դէպ երիտասարդ-թիւրքերը: Դժգոհների զլուխ էին անցել Մուրադի պէս մարդիկ, որոնք, շնորհիւ իրենց մութ անցեալի, չէին ընդունել «Միութեան և Յառաջադիմութեան» կազմակերպութեան շարքերը: Արշաւանքն երիտասարդ-թիւրքերի դէմ սկսեց Մուրադի Միզան թերթից, որը զալիս էր երիտասարդ-թիւրքերին մեղադրելու ճեթաքիւն (մուսուլմանական սրբազան իրաւունքին) դաւաճանելու մէջ. շուտով դրանից յետոյ տեղի է ունենում սոփոների ցոյցը Սուլթանի

ապարանքի առաջ. պրովոկատորներն առաջ են բերում ամբօխկողմից յոյն ու նրա կողակից-թիւրքուհու սպանութիւնը. իմամները մի քանի քաղաքամասերում ներս են խուժում սրճատներն ու թատրոնները և պահանջում վերջ տալ իբր թէ շերիաթին հակառակ ներկայացումներին. մի խօսքով՝ հին կարգերի արբանակներն ամեն կերպ զրգում էին խուժանի մուսուլմանութիւնը: Երիտասարդ-թիւրքերն ձեռնամուխ են լինում վճռական միջոցների, ձերբակալում են աղմկարարներին, լրագրներում ապացուցում են իրենց հաւատարմութիւնն իսլամին, բայց, այնու ամենայնիւ, սև ու մութ ոյժերն հասնում են իրենց նպատակին: Մուսուլմանական ամբօխին ներշնչել էին այն միտքը, որ նոր կարգերը դէմ են իսլամի սղուն:

Մի ուրիշ, գաղափարական, հակառակորդն երիտասարդ-թիւրքերի հանդիսանում է Փրանսիայից վերադարձած քառորական պրինց Սաբան-էդ-Ինը, Աբդուլ-Համիդի աղագահանը՝ մօր կողմից Պրինցն իրեն յայտարարում է ամենից առաջ սոցիալական բարենորոգիչ, նպատակ դնելով արթնացնել դարաւոր քնից տաճիկ ժողովրդին ու զարգացնել նրա մէջ անհատական ձեռներեցութիւնը. բացի դրանից, Սաբան-էդ-Ինը ներկայանում է որպէս ջերմ ջատագով քաղաքական ապակենտրոնացման (աղեմի-մերքեգիթ): Ուրիշ խօսքով՝ պրինցը սուր կերպով գնում է երիտասարդ թիւրքիայի համար տեղական ինքնավարութեան ամենից փափուկ և վստահաւոր հարցը՝ լութեան տրւած երիտասարդ-թիւրքական ծրագրի մէջ, որը միայն խոստացել էր 1876 թ. սահմանադրութեամբ արդէն կանխատեսած շրջանային իշխանութիւնների (թեվսիթ-մեզուլիթ) «իրաւագորութիւնների լայնացում» ասել է՝ վարչական ապակենտրոնացում: Այդ պատճառով էլ պրինցի հիմնած «Անհատական ձեռներեցութեան ու ապակենտրոնացման» լիզան առաջ է բերում ուժեղ դժգոհութիւն երիտասարդ-թիւրքերի մէջ, որոնք մեղադրում են այլազգիների մէջ բաւականին հմայք ունեցող պրինցին վերջիններիս դէպ շրջանային ինքնօրէնութիւնը տաճած ձգտումների հովանաւորութեան մէջ, — ձգտումներ՝ որոնք հաշտ չէին երիտասարդ-թիւրքական օսմանականութեան գաղափարի հետ: Սաբան-էդ-Ինի ասպարէզ գալը ստիպում է երիտասարդ-թիւրքերին այդ հարցում անյապաղ դիմել աւելի որոշ քաղաքականութեան: Պրինցի, անկասկած գաղափարական, բայց անհոգ տեսարանի ու թուլկամ մարդու վրայ ճնշումն է գործադրում, ու նա յայտնում է իւր հրապարակական դասախօսութեան մէջ, որ միանում է «Միութեան և Յառաջադիմութեան» ծրագրին, որովհետև իբր «ապակենտրոնացումն» ընդգրկում է «իրաւագորութիւնների լայնացման»

գաղափարով: Հաշտութիւնը, հարկաւ, արտաքուստ էր, սակայն, Սաբան-էդ-Դինը կորցնում է իւր ժողովրդականութեան մեծ մասը: Այսպիսով երիտասարդ-թիւրքերը յաղթանակ են տանում, բայց միայն իրենց ապագայ քաղաքականութեան համար ճակատագրական հարցի վարադոյրի բացման գնով:

Շուտով Սաբան-էդ-Դինի լիզայի քայքայումից յետոյ, 1908 թ. նոյեմբերին, Կոնստանտնուպոլիս, ինչպէս սկսել էին ամենուրեք անուանել «Միութեան և Յառաջադիմութեան» կազմակերպութիւնը, վաստակում է մի նոր թշնամի—ի դէմս անհրաճելի (ազատականների) միութեան: Այդ կուսակցութեան մէջ մտնում են շատ քիչ թիւրք, էլի, գլխաւորապէս, «Միութեան և Յառաջադիմութեան» վիրաւորածների շարքերից, բայց անհամեմատ շատ աւելի այլազգիներ, առաւելապէս՝ յոյներ և հայեր: Կուսակցութիւնը մտնում է դադանի յարաբերութիւնների մէջ Սաբան-էդ-Դինի հետ, բայց, խրատած փորձից, առաջադրում է այնպիսի ծրագիր, որը ոչնչով չի տարբերում «Միութեան և Յառաջադիմութեան» ծրագրից: Սակայն անհարմարութիւնները պնդում են, որ միայն նոքա են տոգորւած իսկական ազատամիտ ոգով, իսկական համբերատարութեամբ դէպ ոչ-մուսուլմանները. իսկ երիտասարդ-թիւրքերն, ըստ նոցա համոզման, թեքւել են դէպ նեղ առճիկ ազգայնամուտութեան կողմն ու դիմում են ամենամահանդուրժելի արմատականութեան բոլոր միջոցներին:

Այս մեղադրանքների մէջ ճշմարտութեան մի խոշոր մաս կար: Երիտասարդ-թիւրքերն, ըստ երևոյթին, հաշտ էին առիւ իրենց սկզբնական նկատումների ժամանակ այն վտանգը, որը թագնւած էր օսմանականութեան մէջ՝ օսմանեան պետութեան համար, ուր նոքա փոքրամասնութիւն էին կազմում: Այլազգիների բռնած զրգուկների ընթացքը, յատկապէս յոյների, պարլամենտական ընտրութիւնների ժամանակ, շատ շուտով առաջ բերեց նոցա մտքերի մէջ համապատասխան ունեցիտ: Մէկը երիտասարդ-թիւրքական ազանաւոր գործիչներից, Հիւսէյն-Ջահիդ-Բէյը, հոկտեմբերի 25-ին հանդէս եկաւ իւր թանկն լրագրում մի ազգաբարութեամբ,— թէ տիրապետող ազգը երկրում (միլլեթի խախտն) է և պիտի մնայ տանկականը: Ու թէ և շատ երիտասարդ-թիւրքական գործիչներ Հիւսէյն-Ջահիդի յօլւածն երևան գալու բովէին քննադատեցին նրան նրա աւելորդ սրութեան համար, սակայն յետագայի դէպքերն հկան ասելու, որ հեղինակը մեծ հոտառութեամբ կանխազգացել ու արտայայտել է երիտասարդ-թիւրքերի դէպ Պետութեան ուրիշ ազգութիւնները տածած արամադրութեան մէջ առաջացած փոփոխութիւնը:

Ճիշտ է, այդ նոր արամադրութիւնը որոշակի ոյժով շանդրա-

դարձաւ այլազգիներին պարլամենտում տեղեր յատկացնելու վրայ: Հայերի և յոյների յարձակումներն երիտասարդ-թիւրքերի վրայ ընտրութիւնների ժամանակ վերջիններին կողմից կատարած կեղծիքների առթիւ թուում են չափազանցած, որովհետև մերուսների պալատի 275 ընտրւած անդամներից,— 60 արաբներ էին, 25 ալբանացիներ, 23 յոյներ, 12 հայեր, 3 սերբեր, 4 բուլղարներ, 1 կուրդուլախ և 5 հրեաներ. այսպիսով գրեթէ կեսը պալատի բաղկացած էր այլազգիներից: Մայրաքաղաքում, որտեղ թիւրքերն ունէին բացարձակ մեծամասնութիւն, «Միութեան և Յառաջադիմութեան» կուսակցութեան անդամներն անց են կացնում 5 թիւրքի, 2 յոյնի, 2 հայի և 1 հրէայի: Բայց կուսակցութիւնը ձեռք է առնում բոլոր միջոցները, որպէսզի քիւրճ-մերուսները գրեթէ ամենեւն էլ իւր կազմից լինեն.— պալատում ազատամիտներից և անկախ թիւրքերից լինում են հազիւ տասը մարդ: Այստեղ հարկաւոր է յիշատակել, որ «Միութեան և Յառաջադիմութեան» անդամները յատուկ եղանակով պարտաւորել էին ամեն բանում ենթարկւել կենտրոնական կոմիտէին. կուսակցութիւնից դուրս գալը, ինչպէս ինձ իւր ժամանակին, ոչ առանց հեգնանքի, բացատրել էր նրա յայտնի անդամներից բժիշկ Բենադդին-Բեյը, կապւած էր «որոշ ընկի» հետ: Այսպիսով, կուսակցութեան կոմիտէն յոյս ունէր պահել իւր անժխտելի իշխանութիւնը պարլամենտական Փրակցիայի վրայ ու նրա օգնութեամբ զրաւել և օրէնսդիր իշխանութիւնը, ինչպէս նա տէր էր դարձել արդէն և գործադիր իշխանութեան:

Տանկական պարլամենտը բացւեց 1908 թ.ի դեկտեմբերի 4/17-ին: Նստաշրջանի սկիզբը շարդարացրաւ, սակայն, «Միութեան և Յառաջադիմութեան» կուսակցութեան սպանելիքները: Չնայած նրա բոլոր ճիգերին, նրան չյաջողեց դէպ իւր շարքերը թեքել՝ ոչ արաբներին, ոչ հայերին և ոչ ուրիշ այլազգիներին. բռնկ չկազմուով իրար հետ, նոքա այնու ամենայնիւ ձայն էին տալիս հակառակ երիտասարդ-թիւրքերի: Ու միանգամայն անսպասելի կերպով կուսակցութեան շատ անդամներ, չնայած իրենց տւած երզման, սկսում են պահանջել ազատ ձայնատուութեան իրաւունք: Այդ պտտճառով էլ, այն արշաւանքը, որը վաղուց արդէն սկսւած էր կուսակցութեան կողմից մեծ եպարքոս Բեամիլ-փաւայի դէմ, որին ոչ առանց հիմունքների կանխածում էին երիտասարդ-թիւրքական կարգերի դէմ յարուցած խարդախութիւնների մէջ, կրում է կատարեալ ֆիասկո.— Դեկտեմբերի 31-ին պալատը յայտնում է Բեամիլ-փաշային իւր վտանգութիւնը:

Կոմիտէի թշնամիներ յաղթանակը, սակայն, շատ կարճատև է լինում: Մեծ եպարքոսը մեծացնում է այլազգիների ձայների

օգնութեամբ տարած իւր յաղթանակի նշանակութիւնն, և որոշում,  
 —որ արդէն հասել է իրեն ատելի կուսակցութեան խորտակման  
 ժամը, որը մի անհասկանալի թիւրիմացութեամբ իրեն է վստա-  
 հացել կառավարութեան դեկը: Նա նախ փորձում է հեռացնել  
 Ստամբուլից Կոմիտէին նւիրւած սալոնիկեան գնդերը, իսկ երբ  
 այդ չի յաջողում, ինքնակամ հեռացնում է մինիստրութիւնից  
 «Միութեան և Յառաջադիմութեան» ամենից փայլուն կողմնակից-  
 ներին—զինւորական և ծովային նախարարներին:

Քեամիլի նման վարեցողութիւնը ստիպում է կուսակցու-  
 թեան ի մի բերել իւր բոլոր ոյժերն՝ նրան տապալելու համար:  
 Պայքարն ունենում է լիակատար յաջողութիւն: Նախարարները՝  
 ներքին գործոց Հիլմի—փառեան և արդարադատութեան Ռեֆիկ—բէյը,  
 զուրս են գալիս կարինետից, իսկ պաշտօնանկ նախարարները՝  
 բողոքով դիմում են պալատին—ընդդէմ իրենց հակասահմանա-  
 դրական արձակման: Նաւատորմիդը յայտնում է պարլամենտին,  
 որ հրաժարում է ենթարկել նոր ծովային նախարարին. 1909  
 թւի յունւարի 31-ին Քեամիլ—փաշային հարցապնդումն է ուղղում  
 նրա գործադրած միջոցների առթիւ: Մի շարք երիտասարդ—թըր-  
 քական հետորդներ, զոցա թւում և պատելի ուլիմ Մուստաֆա  
 Ասիմը, կրակոտ ձառերով ազգարարում են պարլամենտին կա-  
 ռավարութեանը ստորագասելու սկզբունքը: Իսկ մերուս մայեոր  
 Խաբիբ—բէյը յայտարարում է, որ տաճիկ զօրքի սեփնները կլսան-  
 դարեն Քեամիլի դիտաւորութիւնների իրագործմանը: Օթեակնե-  
 րում և նրբանցքներում երիտասարդ—թըքական սպաների մեծ  
 թւի ներկայութիւնը Խաբիբի յայտարարութեանը տալիս է հա-  
 մապատասխան նշանակութիւն, ու յունւարի 31-ի նիստը վերջա-  
 նում է «Միութեան և Յառաջադիմութեան» լիակատար յաղթա-  
 նակով: Քեամիլ—փաշային 198 ձայնով ընդդէմ 8-ի յայտնում է  
 անվստահութիւն, ու նա իւր հրաժարականն է տալիս.—մեծ  
 եպարքոսութիւնն անցնում է Մակեդոնիայի նախկին զենեակա-  
 թնսպետեր Հիւսէյն Հիլմի—փառայիւն:

Բայց իշխանութեան համար մղւած կռիւը ոչ միայն չի վեր-  
 ջանում, այլ և աւելի կատաղի ձևեր է ընդունում: Մի կողմից՝  
 ահաւանդ (ազատականները) ու նրանց թիկունքում կանգնած  
 սյլազգիներն ամէն օր բազմաթիւ թերթուկների մէջ յարձակում  
 էին «Միութեան և Յառաջադիմութեան» կազմակերպութեան  
 վրայ, մեղադրելով նրան՝ եազուրականութեան, պրետորիակա-  
 նութեան և կառավարութիւնն իր գրեկատարութեանն ենթարկե-  
 լու մէջ. միւս կողմից՝ մուսուլման ստորին հոգևորականութիւնը  
 նոր կարգերին թշնամի «Մուհամետական միութիւն» կազմակեր-  
 պութիւնն է ստեղծում. իսկ սոփտաները աստուածաբանութեան

այդ յաւիտենական ուսանողները, ժողովրդի մէջ երիտասարդ-  
 թիւրքերի թիւրքիան ու իսլամը դէպ կործանումը տանող հա-  
 ւատադրժութեան լուրերն են տարածում: Ու թելերը, որոնք  
 տարածում էին այդ հակոսանեաներից—սոփտաներից ու ահրար-  
 ներից, կենտրոնանում էին նոյն մարզու՝ Սուլթան Արդիւ-  
 Համիդի ձեռքերում:

Այժմ կարելի է հաստատուած համարել, որ Կոմիտէի դէմ  
 դիւթած ամբողջ զաւաղութիւնը մտածւած է եղել ապարանքում,  
 Իլդըզում, և ի կատար ածւած նրա ղեկավարութեամբ: Ի հարկէ,  
 ինչպէս այլազգիներն ու ահրարները՝ որոնք ձգտում էին ապա-  
 կենտրոնացման, նոյնպէս և մուհամադ սոփտաները՝ որոնք ցան-  
 կանում էին դարձը սահմանադրութիւնից դէպ շերիաթ, նպատակ  
 ունէին տապալելու իրենց ընդհանուր թշնամուն—«Միութեան և  
 Յառաջադիմութեան» կազմակերպութիւնը: Բայց միայն նամիդեան  
 ոսկին նոցա իրենց ծրագրների իրագործման հնարաւորութիւնն  
 ընձեռեց: Այդ ոսկին թոյլ տուաւ սոփտաներին ձեռնամուխ լինել  
 զաւաղութեան ամենաստանգաւոր մասի ի կատար ածման, այ-  
 սինքն՝ պոլսական բերդապահ զօրքի զինւորներին դէպ Իլդըզի  
 կողմը թեքելուն. ու այդ նոցա յաջողեց, որովհետև ներշնչել  
 էին զինւորներին,—որ նոցա սպաները ֆրանմասոններ են, որոնք  
 կերակրի հետ գործ են ածում խողի միս, ու ամրապնդել էին այս  
 պատճառարանութիւնները սուլթանական հնչուն զրամով: 1909  
 թւի մարտի 31-ին մի դէպք պատահեց, որը երիտասարդ—թիւր-  
 քերն անւանում են Խաղիսի մուխիմե, այսինքն՝ տխուր անցք,  
 իսկ նոցա հակառակորդները՝ ինքիլաբի օեթի—յեղաշրջում յանուն  
 սրբազան իրաւունքի: Վաղ առաւօտեան զինւորներն ըմբոստա-  
 նում են իրենց սպաների դէմ, կոտորում նոցա մի մասն ու  
 բռնում սր. Սոփիայի հրապարակը, պահանջելով՝ որ կարինետը  
 հրաժարական տայ, երիտասարդ—թըքական պարագլուխներն քշեն  
 հայրենիքից ու շերիաթը վերականգնել: Որ այդ թշուառական  
 զինւորներն իրենց պահանջների ու գործողութիւնների մէջ ամե-  
 նափօքրիկ հաշիւն անգամ չէին տալիս իրենց, ակներև է դառ-  
 նում հենց այն ծիծաղաշարժ փաստից (որն ինձ վիճակել է  
 անձամբ դիտել), որ միւսմամանակ շերիաթի վերականգնման  
 պահանջների հետ միասին այդ իսլամի մուհամադները բացական-  
 չում էին քրիստոնեայ մերուսների իրենց առաջուց թելադրած  
 անունները որպէս նախարարական թեկնածուներ:..

Երիտասարդ—թըքական պարագլուխները, յանկարծակիի  
 եկած, փախուստի են դիմում. պարլամենտը չի ցուցահանում  
 քաղաքացիական քաջութիւն ու քաղաքի խողարար զինւորների  
 համազարկերի տակ դիմումն է ուղղում երկրին, ուր յայտարարում

է, որ ընդունում է այդ զինուորները—ժայռները՝ զաւակներին պահանջները. իսկ Սուլթանը ցուցարարներին ներումն է շնորհում ու յանձնարարում դառամեալ Թեմալիկ—փառային հրաւիրել նոր կազմ, որին և հրահանգում է սրբութեամբ հետեւել շերիաթին:— Արդիւլ—Համիդը փայլուն կերպով իւր վրէժն է լուծում երիտասարդ—թիւրքերից, տապալելով նոցա մի հարւածով,—որը նոյնքան անսպասելի և տպաւորիչ էր, որքան և իրեն գահավիժող 1908 թւի յուլիսի 11—ի հարւածը:

Ինն ամսւայ իրենց ոչ հրապարակական տիրապետութեան ընթացքում երիտասարդ—թիւրքերը չկարողացան հասնել զրական հետեւանքների, որոնք կարողանային Եւրոպայի՝ դէպ իրենց տաժած վստահութիւնն արդարացնել: Ճիշտ է, մեքուսների պալատի լուսաւորեալ փոքրամասնութիւնը տեղաշին կերպով աշխատում էր նոր կարգերի ստեղծման վրայ. պալատն իւր հաւանութիւնն էր տեւ պետութեան ու հասարակութեան կեանքի ամենակարեւոր կողմերին վերաբերող մի շարք հարցերին,—ու սակայն Հայաստանում, Քիւրդստանում, Ալբանիայում, Սիրիայում, Եմենում ու Հիջասում մուսուլմանների ու քրիստոնեաների թշնամութիւնն, անգամ միայն մուսուլմաններին իրար մէջ շատ յանախ փոխարինում էր բացարձակ երկպառակութեամբ. անգամ Մակեդոնիայում նորից աւազակիւմբերն են երեւն գալիս:

Զպիտի, հարկաւ, մոռանալ՝ որ Երիտասարդ—թիւրքերի համար այս շրջանն ռազմական էր ամենալիակատար իմաստով և որ նոքա ամբողջովին կլանւած էին իշխանութիւն ձեռք ձգելու համար իրենց հակառակորդների դէմ մղած կռուով, որոնց լոյսութիւնը ստիպում էր շատ բան ցանկանալ: Անկասկած է, որ երիտասարդ—թիւրքերն ազատութեան առաջին օրերին մասածում էին փրկել Թիւրքիան՝ նրան Եւրոպայից անկախ օսմանակալ կայսրութեան վերածել, ուր բոլոր քաղաքացիները պիտի լինէին հաւասար օրէնքի առաջ. բայց հասկանալի է, որ այդ ծրագրի յաւանտար օրէնքի առաջ, զայց հասկանալի է, որ այդ ծրագրի, ոչ սլաւոնաշողութիւնը չէր կարող հրապուրիչ լինել՝ ոչ յոյներին, ոչ սլաւոններին, ոչ հայերին և ոչ էլ արաբներին համար, որոնք վաղուց ի վեր չէ թէ Թիւրքիայի վերածնունդն էին երազում, այլ միացումն իրենց ցեղակից պետութիւնների հետ, անգամ՝ իրենց անկախութիւնը.—այդ պատճառով էլ նոքա ձգտում էին ապակեմուսուլման, որի մէջ երիտասարդ—թիւրքերն չպիտի յապաղէին տեսնելու սկիզբն իրենց վախճանի: Այսպիսով, շատ շուտով երիտասարդ—թիւրքերի ու այլացեղեցի յարաբերութիւններն ընդունեցին անվստահութեան բնոյթ, իսկ յետոյ և՛ թշնամութեան:

Սեղբորդ՝ երիտասարդ—թիւրքերին վիճակւած էր վճռել մի ուրիշ մեծ խնդիր,—տաճկական իրաւական ու սոցիալական կեանքի

ազատագրելն իսլամի կապանքներից: Շատ բնորոշ է, որ բաւականին հայրենասէր բարձր հոգեւորականութիւնը—ուլեմներ, այդ հարցում նոցա կողմն էր ու մեծ պատրաստակամութեամբ համաձայնեցնում էր նոր կարգերը Ղուրանի գերազանց առաձգական սուրաների (տաղաչափութիւնների) հետ: Յեղաշրջման մօտալուտին Շէյխ—ուլ—Իսլամը յայտարարում է, որ շերիաթն ոչ մի վտանգի չի ենթարկւում.—և, վերջապէս, նրան չէր կարող վտանգ սպանալ մի պարլամենտ, ուր բազմած էին մինչև 80—ի չափ ուլեմներ: Բայց երիտասարդ—թիւրքերի բոլոր վեհերոտ քայլերը դէմ քիչ թուլացնել մուսուլմանական յետամնաց ոգու՝ կեանքի վրայ ունեցած եղծիչ ազդեցութիւնը, առաջ էր բերում իսկոյն և եթ բազմաթիւ ստաթին հոգեւորականութեան շարքերում ու յատկապէս սոփոսաների՝ նկատելի յուզում, որովհետև նոր կարգերն ուժեղ կերպով դիպչում էին այս շահերին. այսպէս, օրէնսգիրք, որի համաձայն սոփոսաներն ենթարկւում են զինուորական ծառայութեան, եթէ որոշ տարիների ընթացքում աստուածաբանական քննութիւնները չտան, առաջ բերւաւ նոցա մէջ պահգին խոտովութիւն, որը և ուժեղ չափով անդրադարձաւ յեղաշրջման մէջ ունեցած նոցա մասնակցութեան վրայ. —այդ նոյն սոփոսաներն ու նրանց մոլեռանդացրած խուժանն արգելք հանդիսացան տանիկ կնոջ ազատագրման, որին ձեռնամուխ էին եղել արգէն երիտասարդ—թիւրքերը: Ես ինքս եմ տեսել, թէ ինչպէս սոփոսաներն ու խուժանը յարձակւում են փողոցներում այն երիտասարդ—թիւրքերի վրայ, որոնք յանդգնութիւն էին ունեցել իրենց կանանց, աղջիկների և քոյրերի հետ միասին երևալու, ու ձեռնում նոցա:

Վերջապէս, երբորդ, չպիտի աչքաթող անել տանիկ հատարակութեան արտասովոր յետամնացութիւնն ու տգիտութիւնը: Երիտասարդ—թիւրքերի պարագլուխներն ու սպաները այդ ժամանակ անկեղծօրէն բարենորոգութիւններ էին ցանկանում. բայց յեղափոխութիւնից յետոյ նոցա յարածների մեծամասնութիւնը միայն անհատական բարիք էր փնտռում ու պատրաստ էր առաջին իսկ անաջողութեան ժամին լքել նոցա.—յեղաշրջումից յետոյ պարլամենտի բռնած խայտառակ գիրքը դրան փառաւոր ապացոյց է ծառայում:

Այսպիսով, արգէն իսկ մարտական շրջանում երիտասարդ—թիւրքերն իրենց սրբեզակալ գրութեան մէջ գտան Սուլթան Արդիւլ—Համիդն օգտուեց նոցանից մի հրաշալի ճարտկութեամբ: Բայց հենց որ երիտասարդ—թիւրքերը նոր Մեկկայից—Մտամբուլից—փախան ու ոտք դրին իրենց հարազատ Մեղքիայի—Սալոնիկի—հողի վրայ, նոքա նորէն տէրը դարձան իրենց նախկին ոյժի: Արդիւլ—Համիդը հաշի չէր անել երիտասարդ պատասխան

1004 (1904) 16552-58

7. ՀԱՅԱՍՏԱՆԻ ԳՐԱԳԻՏՈՒԹՅԱՆ ԿԵՆՏՐՈՆ ԵՒ ԳՐԱԳԻՏՈՒԹՅԱՆ ԿԵՆՏՐՈՆ ԵՒ ԳՐԱԳԻՏՈՒԹՅԱՆ ԿԵՆՏՐՈՆ



— ըստ նոր սահմանադրութեան նախագահի ու նրա օգնականի ընտրութեան մասին սուլթանին միայն զեկուցուում է (յօդ. 77): Ըստ նոր սահմանադրութեան օրենսդրական նախաձեռնութեան իրաւունքը պատկանում է իւրաքանչիւր նախարարի, ժերակուտականի և մերուսի, այն ժամանակ, երբ հնի համաձայն նա կենտրոնացած էր միայն կառավարութեան ձեռքում, որին պալատը ներկայացնում էր միայն օրէնքներ հրատարակելու կամ փոփոխելու միջնորդազրեք (յօդ. 53):

Մինչպէս հին, նոյնպէս և նոր սահմանադրութեան համաձայն՝ պալատներից ընդունւած օրէնսգծերն օրէնքի ոյժ են ստանում սուլթանի կողմից հաստատուելուց յետոյ միայն: Բայց 1909 թւի սահմանադրութիւնը մտցնում է երկամսեայ ժամանակամիջոց, որի ընթացքում օրենսգծեր կամ պիտի հաստատուեն, կամ քե պիտի վերադարձնեն պալատ վերստին քննութեան առնելու համար: Պալատի վերադարձրած օրէնսգիծը համարուում է ընդունւած երկրորդ անգամ միայն այն ժամանակ, եթէ յօգուտ նրան կարտայայտելի անգամներ ի երկու երրորդ մեծամասնութիւնը: Օրէնքը ոչինչ չի ասում, սակայն, այն մասին՝ թէ ի՞նչ կլինի, եթէ սուլթանն երկրորդ անգամն էլ մերժի իւր հաւանութիւնը տալ (յօդ. 54):

1876 թի սահմանադրութիւնը վերապահում էր նախարարական խորհրդին, պարլամենտի նստաւերջանի փակման ժամանակ, որոշումներ հրատարակելու իրաւունք, որոնք սուլթանական օրէնսդրոյցի հիման վրայ ժամանակաւոր օրէնքի ոյժ են ստանում, մինչև մերուսներ պալատի այս առթիւ եղած որոշումների հրատարակութիւնը. նախարարական խորհրդի այդ իրաւունքը ծայրայեղ անհրաժեշտութեան պարագաներով էին նախապայմանւած, — երբ ժամանակ չկայ պալատի նստաշրջանը հրաւիրելու և երբ այդ իրաւունքի կոնկրետ կիրառումը հակասական չէ սահմանադրութեան: Նոր սահմանադրութիւնն անելացնում է, որ «նախարարական խորհրդի որոշումները ներկայացնում են պալատին, հենց որ նա հաւաքուում է (յօդ. 36):

Նախարարական պալատախաւանութիւնը 1876 թւի սահմանադրութեամբ ձևակերպւած է միանգամայն ընդհանուր դարձւածներով, ու այն էլ առանց ուէ հաւանութեան յիշատակման: 1909 թի սահմանադրութիւնը յայտարարում է. — նախարարները պալատի առջ կրում են փոխադարձ պատասխանատուութիւն կառավարութեան վարած ընդհանուր քաղաքականութեան համար. իսկ այն հարցերում, որոնք վերաբերում են միայն նոցա վարչութիւններին, նոցանից իւրաքանչիւրը պատասխանատու է անհատապէս (յօդ. 30): Նախարարին անվստահութիւն արտայայտելը

պարտաւորեցնում է միայն հրաժարական տալու, իսկ նախարարական խորհրդի նախագահին անվստահութեան քէ տալը կրում է իւր հետ և ամբողջ կազմի տապալումը (յօդ. 38): Այսպիսով, պալատի արտայայտած անվստահութեան հետևանքները, որոնք Արևմուտքում կազմում են պարլամենտական սովորոյքների օրենքի մի մասը, թիւրքիայում սահմանադրւած են հենց իրեն սահմանադրութեան բնագրի մեջ:

Վերջապէս, ըստ 1876 թւի սահմանադրութեան՝ նախարարութեան հետ եղած ընդհարման դէպքում սուլթանին վերապահած պալատը ցրելու իրաւունք, — մի իրաւունք, որը նա կարող էր իրագործել անորոշ անգամներ, նոր սահմանադրութեամբ ուժեղ սեղմւած էր: Այսուհետ սուլթանը կարող էր ցրել պալատը միայն մի ու խստօրէն որոշակի դէպքում, — այն է՝ երբ նախարարութիւնը, մտնելով ընդհարման մէջ պալատի հետ, չի ցանկանայ նկատելել վերջինիս որոշման ու իւր հրաժարականը կտայ, իսկ նոր նախարարութիւնը հնի տեսակետի վրայ կկանգնի: Ընդհարման դէպքը շրջանում սուլթանը կարող է, ու նա էլ միայն սենատի համաձայնութեամբ, ցրել պալատը՝ նշանակելով նոր ընտրութիւններ ի հաստատայ ժամանակամիջոց: Իսկ նախարարութեան ու նոր պալատի մէջ տեղի ունեցած ընդհարման ժամանակ, այս վերջինի որոշմանն ենթարկելը զառնում է պարտադիր (յօդ. 35): Այս 35-երորդ յօդւածն երիտասարդ-քիււրերը տանկական պարլամենտատիգմի շեմի անկիւնաւարն էին համարում:

Հաստատուելով արմատական սահմանադրութիւն, որից յետոյ այնքան ուժեղ տուժում էին սուլթան-խալիֆի իրաւունքները, երիտասարդ-թիւրքերը, խրատւած դառը փորձից, դիմեցին բոլոր միջոցներին՝ սրբազան շերիաթի խախտման նոր մեղադրանքները կանխելու մտահոգութեամբ: Սահմանադրութեան բնագրի մէջ մուծուում է մի յօդւած (7), որով շերիաթը պահպանողը սուլթանն է հանգիստանում, և մի ուրիշը (118), որի համաձայն՝ օրէնքներ հրատարակելիս հիմք պիտի ընդունեն այդ շերիաթի սկզբունքները: Բայց ամենամեծ օգնութիւնը լիբերալիզմը իսլամի հետ հաշտեցնելու գործում երիտասարդ-թիւրքերին ցոյց է տւել նոցա համակիր բարձր հոգևորականութիւնը: Շէյխ-ուլ-խալամ Սահիբ-Մոլլան մի կոչով դիմում է ժողովրդին, ուր յայտարարում է՝ որ միայն կառավարութեան սահմանադրական ձևն է հաշտ շերիաթի հետ:

Իսլամակցութիւնն ուլիմների նետ, որոնք մեծ հմտութեամբ գիտեն մեկնել Ղուրանն ու սրբազան գրքերը յօգուտ ժողովրդական գերիշխանութեան, շատ շուտով պէտք եկաւ երիտասարդ-թիւրքերին հենց իրեն պարլամենտի մէջ, այն է — սկստում:

Արդէն 1910 թւի փետրուարին սենատոր Դամադ-Տերիդ-Փաւսան, ըստ երևոյթին, առանց կանխապայմանի թագաժառանգ Իւսուֆ-Իզեդդինի հետ, մի նախագիծ է մտցնում սենատ նոր սահմանադրութեան այն յօդուածները փոփոխութեան առթիւ, որոնք սուլթանի իրաւունքներն էին շօշափում: Մատնանշելով որ սուլթանը ոչ միայն աշխարհական թագաւոր է, այլ և խալիֆ է երեք հարիւր միլիոն մուսուլմանների, որին յատուկ է հրամայել, բայց երբէք հպատակել, Դամադ-Տերիդ-Փաւսան գտնում է սուլթանի իշխանութեան սահմանափակումը շիւրիաթին ոչ համաձայն. — բացի այդ, փաշայի կարծիքով, ժողովրդական գերիշխանութեան ուսմունքն անկիրառելի է մի քանի ազգութիւններից բաղկացած օսմանեան կայսրութեան նկատմամբ, որովհետև նա կարող է տանել դէպի կայսրութեան նկատմամբ, որովհետև նա կարող է տանել դէպի ապակենտրոնացում ու կայսրութեան կազմալուծում: Դամադ-Տերիդ-Փաւսանի նախագիծն ենթարկուում է նախկին Շիյա-ուլ-իսլամ Մուսա-Քեազիմի կողմից անողոք քննադատութեան: Մուսա-Քեազիմը վճռականօրէն յայտարարում է՝ որ ժողովրդական գերիշխանութիւնը բղիտում է թէ Դուրանից և թէ Մահմետ մարգարէի գործունէութեան ոգուց, որը միշտ ենթարկել է օրհնիքին, և որ այդու անկարելի է հանդուրժել՝ որպէսզի մարգարէի յետնորդն իրեն լիակատար հպատակութեան պահանջներն առաջադրի, առանց որևէ պայմանի: Ի վերջոյ սենատը միջն է անգամ թոյլ չի տալիս Դամադ-Տերիդ-Փաւսանի նախագիծն ըստ էութեան քննելու:

Դնելով այդպիսով, նոր կարգերն իսլամի պաշտպանութեան տակ, երիտասարդ-քիւրճերն աստիճանաբար հետաձուլում են իրենց աշխարհիկ կայսրութեան սկզբնական դիրքից և շուտով դառնում են Աբդուլ-Համիդի պանիսլամականութեան ոգու հետևորդներ: Մօտիկից ճանաչելով երիտասարդ-թրքական գործիչներին, ես ինձ վրայ համարձակութիւն եմ վերցնում պնդելու՝ որ պանիսլամականութիւնը նոցա համար ճիշտ նոյնպիսի էտիկետ էր, որպիսին էր առաջ՝ Ֆրանմասոնութիւնը. — մարտի 31-ի յեղաշրջումից յետոյ նոցա իսլամի մէջ այն ոյժը գտան, որը հարկաւոր էր ունենալ իրենց հետ, բայց ոչ իրենց դէմ: Եւ այդ պատճառով էլ թալլաթի գործակալները սկսեցին երևան գալ այնտեղ, որտեղ առաջ Համիդի պատիրակներն էին խոռովութեան սերմերը ցանում: Ու յետամնաց սրբազան շերիաթի որոշումները, որոնք տրւած էին Մահմետ մարգարէի ժամանակների բեղունիքների համար, շարունակեցին նախկին ձևով ճնշել տաճիկ ժողովրդի քաղաքացիական կեանքը: Երիտասարդ-թիւրքերի նման թեքումը դէպ շերիաթ քեֆեց նոցա եւ դէպ քիստոնեաներն ու բնդիւնապիս, դէպ այլազգիներ կիրառած հետեւայ համրեան բաղաճակաւորեան: Մակեդոնական չեանիկներն ի դուր թափեցին իրենց արիւնը Ստամբուլի փողոց-

ներում: Հանդէպ ապակենտրոնացման ու բաղկանեան պետութիւնների ոտնձգութիւնների ունեցած վախն երիտասարդ-թիւրքերին ոչ միայն թոյլ չտուաւ բարենորոգութիւնների անցնելու Մակեդոնիայում, այլ և հարկադրեց նոցա անգամ վերջ տալու այն հասարակական կեանքին, որը սկսել էր այնտեղ նոր օրերի առաջին ամիսներում: Այսպէս, աստիճանաբար գոցեցին մակեդոնական տարրեր ազգութիւնների բոլոր կազմակերպութիւններն ու ակումբները: Հրաժարելով բարենորոգութիւններից, երիտասարդ-թիւրքերը դարձան համիդեան քաղաքականութեան հին ձեւերին՝ դէպ ժողովրդի զինաթափումն ու կուր չեանիկութեան հետ, ու այս նպատակով էլ նոցա հրատարակեցին՝ «Ռումելիական նահանգներում աւազակութիւններին վերջ տալու» արտակարգ դաժան օրէնքը (1909 թ.): Դժբախտ մակեդոնական ժողովուրդը շուտով զգաց իրեն ճիշտ նոյն վիճակի մէջ, ինչ վիճակի մէջ նա եղել էր Աբդուլ-Համիդի օրօք. — աւազակների հետ կուրու պատրւակով սքողւած, սկսեցին մուսուլմանների քրիստոնեաների վրայ գործադրած կոտորածները, թալանն ու ամեն տեսակի բռնութիւնները համաճարակի բնոյթ ստանալ, որոնց մասին, ի միջի այլոց, պերճախօս կերպով վկայում են նոյնաման թաքրիբները, 1911 թ. յունիսի 4-ին ներկայացրւած արդարադատութեան նախարարին տիեզերական պատրիարքի ու բուլղարական էկզարխատի կողմից:

Ալբանիայում ևս զրութիւնը սրուում է շնորհիւ ընդհանուր հարկատուութեան և հանուրի պարտադիր զինւորական ծառայութեան օրէնքները սահմանելուն, որոնց հետ ազատասէր ժողովուրդն ոչ մի կերպ հաշուել չի ցանկանում: Երիտասարդ-թիւրքերը չէին կասկածում իրենց դէմ կանգնեցնել մի ժողովուրդ, որը նոցա բնական դաշնակիցն էր սլաւոնների դէմ մղած կուրում: 1910 թւին Ջալիլ-Փաւսայի պատժողական խումբն աւերում է հիւսիսային Ալբանիայի մեծ մասը, քարուքանդ անելով մեծ թւով ալբանական կուլիններ (ղզեակներ): 1911 թւին Նեֆկետ-Թորդուփաւսան ստիպւած էր խաղաղացնելու միջրդիթներին ու մալիսորներին. — իսկ 1912 թւին, բալկանեան պատերազմի սկզբին, ամբողջ Ալբանիան արդէն կլանւած էր ազգային շարժումով ընդդէմ երիտասարդ-թրքական կարգերի:

Ինչ վերաբերում է հայերին, — այստեղ էլ երիտասարդ-թիւրքերը վերջ չգրին այս դժբախտ ժողովրդի ծանր տանջանքներին, այն երիտասարդ-թիւրքերը՝ որոնց հետ հայ դաշնակցականները մի ժամանակ ձեռք-ձեռքի աշխատում էին Աբդուլ-Համիդին գահընկէց անելու համար: Ընդհանրապէս, Ալբանիայի կոտորածից յետոյ մասսայական շարժեր չեղան, բայց հայկական նահանգներում ամեն մի հայի կեանքը, պատիւն ու ունեցուածքը առաջայ

պէս քրդական բեկերի քմահաճոյքից էր կախած.— 1896 թւի կոտորածից յետոյ հայերից խլած հողերը յետ շտաբէցին իրենց, ու հայ պատրիարքարանի բոլոր գանգատներն անհետեանք մնացին:

Երիտասարդ-թրքական զլխաւորները չկարողացան դժգոհութիւնները հարթել և կայսրութեան ամենախոշոր թիւ ունեցող մուսուլման տարրի—արաբների հետ: Միրիայի ու Միջագետքի արարական ցեղերը շարունակական բարոստացման գրութեան մէջ էին գտնուում: Եմենում և Ասսիրում երիտասարդ-թիւրքերը շարունակեցին Արդիւլ—Համիդի անկաշուն քաղաքականութիւնը, կամ կռիւ մղելով Եհայի և Իգրիսի շէյխերի դէմ, կամ թէ ինքնօրէնութեան հարցի շուրջը նոցա հետ բանակցութիւնների մէջ մտնելով: Սրա հետ միասին նոքա ապարդիւն ձգտում էին և միւս շրջանների արաբների մէջ յօգուտ ինքնավարութեան ծաւալող շարժման պատւար հանդիսանալ:

Նման վերաբերումն դէպ այլացեղերի ազգային ձգտումներն, ի հարկէ, պարտաւորեցնում էր երիտասարդ-թիւրքերին արդարացնելու իրենց օսմանակամութիւնը, ասել է՝ մոցնել բարեկրօնօգութիւններ, որոնք անխտիր բոլոր օսմանեան հպատակները շահերին ընդառաջ էին: Ի՞նչ արաւ այդ ուղղութեամբ երիտասարդ-թրքական կառավարութիւնը 1909—1912 տարիների շրջանում:

Նա մշակեց՝ մամուլի, ժողովների ու միութիւնների ազատութեան վերաբերեալ բաւականաչափ լիբերալ օրէնքներ. դժբախտաբար, այդ օրէնքները սովորաբար չէին գործում, որովհետեւ մայրաքաղաքում և կայսրութեան շատ քաղաքներում, փոքրիկ ընդմիջումներով միայն, գինւորական գրութիւնն էր տիրապետում: Որոշ թարմացում մուծել էր միայն քաղաքացիական ու զինուորական վարչութիւնների մէջ: Հրատարակեցին «պատուօնեաների ետատում քողնելու» խելացի օրէնքները, որոնց հիման վրայ յատուկ յանձնաժողովներ քննութիւն էին կատարում բոլոր նախարարութիւններում և աշխատում էին շտատում պահել ամենից ընդունակ ու բարեկիրթ պաշտօնեաներին: Զինւորական աստիճանների վերաքննութեան օրէնքն ոչնչացրեց ազադակող անարգարութիւնների բոլոր հետքերը, որոնք հին կարգերի ժամանակ ամեն օր տեղի էին ունենում բանակում և նաւատորմիցում, — երբ յաճախ Իլդրդին անհաճոյ սպաները տարիներ շարունակ չէին արժանանում յաշորդ աստիճաններին, իսկ բոլորովին երիտասարդները, որոնք աչքի էին ընկել իրենց բանասարկութիւններով, միանգամից գնդապետ կամ գեներալ էին զանուում: Ես պիտի, սակայն, ասեմ, որ շատ շուտով կապերը սկսեցին ահագին գերկատարել և երիտասարդ-թիւրքերի ընթացիկը պահանջութեան մէջ:

Իւր գոյութեան սկզբում երիտասարդ-թրքական կառավար-

ութիւնը օտարերկացի մասնագէտներին օսմանեան ծառայութեան կանչելու գողափարին համակրութեամբ էր վերաբերում: Բայց այդ ցանկոթիւնը տարբեր վարչութիւններում իրագործում էր շատ անհամաչափ ու անվճռականօրէն: Այսպէս կոչւած տեխնիկական բնոյթ կրող նախարարութիւններում օտարերկրացի մասնագէտներին, իրօք, հնարաւորութիւն էր տրուում օգտակար լինելու: Այսպէս, եռանդուն Ֆիմանսների նախարար Չավիդ—բէյը, օտարերկրացիներից բաղկացած յանձնաժողովի օգնութեամբ, Ֆիմանսների վարչութիւնը քիչ-շատ բաւարար գրութեան բերաւ: Sir Grawford արաւ նոյնը մաքսային վարչութեան նկատմամբ: Որոշ օգուտ բերին և կոմս Բոքիլանտի ղեկավարութեամբ գործող օտարերկրացի ժանդարմական սպաները: Հրաւիրեցին ճարտարագետներ ու տեխնիկներ հասարակական աշխատանքներ կազմակերպելու համար: Բայց գրանտով գրեթէ ամեն ինչ էլ սահմանափակում էր: Հրաւիրւած արդարաւստութեան նախարարութեան մէջ խորհրդատու կոմս Սուրոգոյը ստիպւած տարի ու կէսից յետոյ հրաժարուում է իւր պաշտօնից, հանդիպելով չարամիտ խոչընդոտների հենց իւր նախարար Մուլլա Նեջմեդդին—բէյի կողմից: Ժողովրդական Լուսաւորութեան նախարարութիւնը շարունակեց բարձր պահել Արդիւլ—Համիդի գրօջը. — Եւրոպական ոգով ամենափոքրիկ բարենորոգութիւններն անգամ նրա մէջ չկատարեցին, իսկ տաճիկ ուսանողներին Եւրոպական համալսարաններն ուղարկելը ողորմելի հետեանքներ տւաւ ու շուտով հոգևորականութեան պահանջի համաձայն էլ դադարեցրեց: Երկու ասպարիզում Եւրոպական ոգու ներս թափանցելը շերիաթն անկարելի համարեց թոյլատրել, դժբախտաւորութեան և արգարագատութեան ասպարէզներն էին: Երիտասարդ-թիւրքերն այստեղ ևս ծունկ իջեցրին շերիաթի առաջ, — ու գրաւ մէջ է նրանց անկման երկու պատճառը:

Ընդհանուր բարենորոգութիւններից ևս պիտի յիշատակեմ պարսաղիք զինուորական ծառայութեան տարածուած և ո՛չ մուսուլմանների վրայ, որը մինչ այժմ փոխարինում էր հարկով: Բարենորոգութիւններն, ի հարկէ, ըստ ամենայնի «Օսմանական» էին: Բայց նա դուր չեկաւ ոչ տաճիկներին, ոչ էլ քրիստոնեաներին: Առաջիկաները շատ էին սովորել գորքի վրայ նայել, որպէս զուտ մուսուլմանական ոգու կրօնի, և վախենում էին, ոչ անհիմն տեղից, նրա մարտական ուժի թուլացումից: Նրա քրտոններն առանց խանդավառութեան մտան թիւրքերի գրօջների տակ, որովհետեւ վերջիններս մէջ տեսնում էին իրենց հարստահարչներին: Ու այսպիսով ստեղծեց մի բաւականին կիզձ կացութիւն:

Երիտասարդ-թրքական բարենորոգութիւնների անմտածա-

ծուծիւնը, կցկտուր լինելն ու անհետևողականութիւնը հասկանալի է դառնում, երբ ի նկատի ունենանք, որ այս ամբողջ շրջանում իշխանութիւնն ձեռք ձգելու համար երիտասարդ-թիւրքերը դիմազբաւում էին իրենց թշնամիների—նիւրքին ու արտաքին—ամենայնախումբ գործին:

Արիւնաներկ խստութիւններն այն անձնաւորութիւններէ դէմ, որոնք մասնակից էին 1909 թւի մարտի 31-ի յեղաշրջման, «Միութեան և Յառաջադիմութեան» կուսակցութեան անբաժան անդամներէն երկրի վրայ երկար չապահովեց: Պարիզի վտարանդիները Նեյրիմ—փառաշի չորս կողմը խմբեցին. պարլամենտում անբարենքի տեղը բռնեցին «Ժողովրդական» և «Ազատութեան ու Համաձայնութեան» կուսակցութիւնները,—բացի այս՝ մարտի 31-ի փորձը ցոյց տուաւ, որ կուսակցութեան մէջ ներքին միութիւն չկայ, և որ նրա աջ թեւն արմատական պարագլուխների հետ ամենեին էլ գաղափարական նկատումներով չէ միացած:

Երիտասարդ-թրքական առաջնորդների նոր քաղաքականութիւնը իսլամի ու նրա ավանդների հաւատարիմ ծառաները մնալ, ի հարկէ, զինաթափ չարաւ նոցա բաղմաթիւ թշնամիներին: Առանց հիմքի չէր, որ նոքա թերահաւատ վերաբերումն ունէին դէպ այդ քաղաքականութեան անկեղծութիւնը: Բայց էսպէս ասած, այդ հարցը նոցա քիչ էր հետաքրքրում: Առաջ ամենքին էլ անյայտ մի աննշան խմբակի կողմից իշխանութեան գրաւումն, ու անկախ դրանից ոչնչով, բացի իրենց խիզախութիւնից, աչքի չընկած—բաւականաչափ տաճիկ կիսակիր ժողովուրդականների ու սպաների անյայդ ախորժակները գրգռեց.—նոքա, որոնց յաջողել էր տաքուկ տեղաւորել «Միութեան և Յառաջադիմութեան» և հովանու տակ, ի հարկէ, վերջինիս կողմն էին,—առաւել ևս՝ որ կուսակցութիւնն այդ տեսակէտից շատ շուտով իւրացրել էր Արգիւլ-Համիդի ձեւերն ու նորէն մտցրել կառավարութեան մէջ ամենամասնապատկառ խնամիութեան սիստեմը. բայց որովհետև միանգամայն հասկանալի կերպով հնարաւոր էր երկրային բարեփոխների ընչաքաղցների միայն մի մասին գոհացումն տալ, այդ պատճառով էլ աստիճանաբար սկսեց նոր կարգերից դժգոհների մեծ բանակն առաջանալ:

Իրենց իղձերը քողարկելու համար «Միութեան և Յառաջադիմութեան» թշնամի կուսակցութիւնները ստիպւած էին, ի հարկէ, առաջադրել որևէ քաղաքական ծրագիր: Այդ ծրագրները նոյնքան կեղծ էին, որքան և երիտասարդ-թրքականը: Ինչպէս երիտասարդ-թիւրքերը պաշտօնապէս խոնարհել էին իսլամի ու թիւրքութեան առաջ, այնպէս էլ նոցա թշնամիները սկզբունքով յարգում էին և ուրիշ ազգերի իրաւունքներն և ընդունում սահմանադրութեան

անհրաժեշտութիւնը: Երկու ծրագրների մէջ եղած տարբերութիւնը նրբութիւնների ու մանրամասների մէջ էր: Իսկ հակակառավարչական պլատֆորմների ծանրութեան կենտրոնն ընկած էր «Միութեան և Յառաջադիմութեան» կուսակցութեան անդամներին Ֆրանսիայում թեւեւ ու միահեծանութեան՝ կաշառող մեզադրանքների մէջ:

Արդէն 1910 թւի յունիսին բացւում է երիտասարդ-թրքական կառավարութեան դէմ նիւթած դաւադրութիւնը: Իսկ 1911 թւի սկզբին, երկրում օրը-օրին աճող դժգոհութեան ճնշման տակ, Թալաթ բեյն, անկասկած ամենից փայլուն դէմքը երիտասարդ թիւրքիայի, ստիպւած էր ներքին գործոց նախարարութեան պորտֆելը զիջելու Խալիլ-բեյին, իւր, այնու ամենայնիւ, մօտ համախօսին: Բայց կուսակցութեան իսկական ճգնաժամը սկսւում է նոյն 1911 թւի ապրիլից, երբ պարլամենտական Ֆրակցիայի անդամներից մեծ թիւ, գլխաւորութեամբ խոջա Մեղջրդի, անջատւում առանձին խմբակ է կազմում (Խիսրի Ջեդիթ) և առաջադրում տասը կէտերից բաղկացած մի նոր ծրագիր:

Այլադաւանների քաղաքական իղէաշիններն արտայայտւած են այդ ծրագրի մէջ շատ մութ ձևով: Ազգարարւում է՝ որ պիտի պահել թէ աղգային ու կրօնական սովորութիւններն ու աւանդութիւնները ու թէ պիտի տարածել արևմտա-եւրոպական քաղաքակրթութիւնը. հարկաւոր է հետևել պատմական ավանդներին, բայց միայն սահմանադրութեան սահմաններում. այլադաւաններն առաջայ պէս օսմանեան ազգութիւնների միութեան կողմն են. հարկաւոր է փոփոխել սահմանադրութեան այն յօդուածները, որոնք վերաբերում են խալիֆութեան ու սուլթանութեան սրբազան իրաւունքները՝ միապետի իշխանութիւնն օրէնսդիր ու գործադիր իշխանութիւնների հետ հաշտեցնելու մտահոգութեամբ, նախարարական պատասխանատուութեան սկզբունքն և օրէնքները խստօրէն պիտի պահպանեն: Բացի այդ ընդհանուր և անորոշ պահանջներից, այլադաւանների ծրագիրը պարունակում է իւր մէջ, սակայն, և մի քանի ուրիշ կէտեր՝ ուղղւած բացարձակօրէն «Միութեան և Յառաջադիմութեան» օլիգարխների դէմ: Այսպէս, մեքուսներին թոյլատրւում է նախարարութեան պաշտօնը ստանձնել՝ միայն կուսակցութեան ձայների երկու երրորդի մեծամասնութեան որոշման համաձայն:

Ձերմ համակրութիւնը, որն արտայայտել էին այդ ծրագրին պետութեան թշնամի մամուլի բոլոր օրգանները, գալիս էր փառատելու այլադաւաններին ոգևորող իսկական զգացմունքների մասին եղած բոլոր կասկածները: Յանկանալով ինչ գնով ուզում է լինի կանխել վտանգաւոր անջատումն, երիտասարդ-թրքական

զեկավարները շատ ճարպիկ քայլի դիմեցին.— Եոթա ընդու-  
 նեցին այլադատանքերի ամբարջ ծրագիրը, որը նրանց պարագլխի  
 կողմից կոչւում էր պանպանոդական ծրագիր, միայն պայմանա-  
 զրբեկցին՝ ներկայացնել այդ տասը կէտերը կուսակցական  
 վեհաժողովին հոկտեմբեր ամսին: Դեռաւոյս «գանդանոցա-  
 կանները» վստահացան իրենց «ազատամիտ» ընկերների դիմումի  
 անկեղծութեան ու ֆնացին կուսակցութեան մէջ: Իսկ աշնանը  
 վեհաժողովն ամբողջով արտաքին հաշտութիւնը, բոլորովին  
 էլ, ի հարկէ, վերջ չառաւ կուսակցութեան ներսում տեղի ունե-  
 ցող նենգութիւններին:

Այլադատանքների շարժման թե էր տալիս, գլխաւորապէս,  
 գնդապետ Սաղըրը, մէկը երիտասարդ-թրքական յեղափոխութեան  
 գլխաւոր գործիչներից, որը լիակատար հիմք ունէր իրեն վերա-  
 տրած համարելու Կոմիտէից: Շուտով կուսակցութեան ծայրերի  
 մէջ կղած արտաքին հաշտութիւնից յետոյ Սաղըր-բէյը (1911  
 թւի մայիսի 6) հրատարակեց իւր քաղաքական ծրագիրը՝ նոյնքան  
 մշուշապատ ու անորոշ, որքան և այլադատանքների տասը կէտերը:

Սաղըրն ընդունում է, — որ սահմանադրութեան անանկութիւ-  
 նը գերեզման կլինէր օսմանակաւորութեան և միութեան ու յառա-  
 ջադիմութեան վսեմ գաղափարի համար, նա նոյնպէս ընդունում  
 է, որ թէ այդ ու թէ այդ գաղափարը մարմնացնող Կոմիտէն  
 ներկայանում են, որպէս պատանդանն օսմանեան կարգերի:  
 Բայց Կոմիտէն պիտի զարգանայ իւր բնական պայմանների  
 մէջ, որպէսզի բոլոր օսմանների ամենաուժեղ ազգային կազ-  
 մակերպութիւնը դառնայ՝ անկախ ցեղից ու դաւանանքից:  
 Այն ինչ, կենտրոնական Կոմիտէն ու նրա ակումբները, ունենա-  
 լով իրենց կազմի մէջ պաշտօնական անձնաւորութիւններ, մի  
 երկրորդ կասավարութեան բնոյթ են ստանում, որը և անդրա-  
 դառնում է երկրի վրայ կորստաբեր կերպով:

Սաղըրը զինուում է նոյնպէս և Փրանսիականութեան դէմ, կամ,  
 աւելի ճիշտը, նրա՝ քաղաքականութեան մէջ ունեցած մասնակ-  
 ցութեան դէմ: Նա յարգում է մարդկութեան յաղաճադիմութեանը  
 ծառայող բոլոր գործօնները, մի պայմանով միայն՝ որ նոքա  
 անմիջական աղբս չտեսնան քաղաքականութեան հետ. —  
 քաղաքական կրքերը կարող են այլանդակել ամենալսեմ գաղա-  
 փարներն անգամ:

Բանակը պէտք է սահմանադրութիւնը պաշտպանի, չէ թէ  
 մի սահմանափակ խմբակի քաղաքական հայեացքները. սպաներն  
 ոչ պիտի քաղաքականութեամբ զբաղւեն և ոչ էլ Կոմիտէների  
 անդամներ լինեն: Ընդհանրապէս չպիտի թոյլ տայ, որ առանձին  
 անհատներն երկրի ամբողջ յեղափոխական ոյժի մարմնացնողները

յաւակնութիւնն ունենան, որովհետև նոր թիւրքիս ստեղծել  
 են չէ թէ մի քանի հանճարները, ինչպէս այդ Խոտախոտում է եղել,  
 այլ նա ծնունդ է համետ ու աննկատ մարդկանց հաւաքական  
 ճիգերի. — օսմանակաւորութեան տարբեր տարբերի միացումն առան-  
 ձին անհատների շուրջը չի կարող ստեղծուել: Չպիտի, սակայն, միան-  
 գամայն ենթարկւել և «ամբոխի արամարանութեան», ժողովրդա-  
 կան զերիշխանութեան տեղը բաղմեցնելով նրան, — ամբոխի մտե-  
 ուանութեանն ենթարկելը երկիրը կարող է զէպի կորուստ տանել:

Եղբարիակութեան մէջ Սաղըր-բէյն արգահատանքով է բո-  
 դորում իրեն վերագրած յատադէմ հայեացքների դէմ, յիշեցնելով  
 իւր յեղափոխական անցեալը:

Շուտով պաշտօնից հրաժարեցւած Սաղըր-բէյը՝ «Ճրան-  
 մասոնների» ու «Միութեան և Յառաջադիմութեան» օլիգարխիսե-  
 րի դէմ գաւառամասերում իւր եռանդուն պայքարն է սկսում:  
 Կուսակցութիւնը ժամանակաւորապէս անհրաժեշտ է համա-  
 բուծ գոհարերի Չալիդին ու Բաբան զողէին, առաջարկելով  
 նոցա հրաժարել իրենց պորաֆեւերից, և անգամ Թալաթին  
 ֆրակցիայի նախագահութեան պաշտօնից է զրկում: Բացի գրա-  
 նից 1911 թւի յունիսին կասավարութիւնը ծայրայեղ-մուսուլմա-  
 նական ոգով Սուլթանի ճանապարհորդութիւնն է կազմակերպում  
 դէպ Կոստովայի դաշտը, ուր Մուրադի գերեզմանի վրայ կրօնական  
 ծիսակատարութիւն է տեղի ունենում: Ենթադրում էր այդ ճա-  
 նապարհով ազգել այլանացիների վրայ և երկրում ընդհանրապէս  
 կրօնական տրամադրութիւնը բարձրացնել: Այնու ամենայնիւ,  
 թշնամութիւնը կուսակցութեան համախոհների ու հակառակորդ-  
 ների մէջ աւելի ու աւելի է մեծանում: Սրա զոհն է դառնում  
 Սաղըրի կողմնակից լրագրող Չեկքին, որը 1911 թւի մայիսի 27-ին  
 անյայտ մարդկանց — անկասկած «Միութեան և Յառաջադիմու-  
 թեան» համախոհների — ձեռքով սպանւում է Գոլում. վերջիններիս  
 վրայ ընկնում է ուժեղ կասկած դեռ 1910 թւականին ընդդիմա-  
 դիբ օրագրող Սամիլին հեռացնելու մէջ, իսկ կարող է պատահել,  
 որ սոցա գործն է և 1909 թւի՝ հրապարակախօս Հաւան Ֆելիքի  
 սպանութիւնը: Չեկքիի սպանութիւնն անկասկած նշաններից էր  
 մօտեցող անարեկումների — կառմիբ ու սպիտակ:

Իսալո-տեսնիական պատերազմը սրբում է և Խակքի-փաշայի  
 նախարարական կազմը, բայց վերջ չի գնում երիտասարդ-թրքական  
 ուժի մին, ձերուկ Սաիդ-փաշան համաձայնում է «Միութեան և Յա-  
 ռաջադիմութեան» անդամներից կազմած կարլինեաի գլուխն անցնել:  
 Այդ պատերազմն ոչ մի հաշտեցնող ազդեցութիւն չունեցաւ կուսակ-  
 ցութիւնների վրայ, ու նոցա կուին առաջայ պէս շարունակեց  
 ընթանալ:

1911 թւի վերջերի երիտաւարդ-քրեական կառավարութիւնը վերջնականապէս հիասթափուում է դեպ պարլամենտն ունեցած հաւատի մեջ, որի առաջին նստաշրջանին նկատուող լուրջ օրէնսդրական գործունէութիւնը վաղուց արդէն զիջել էր իւր տեղը պոլիտիկոսութեան և անհատական նենգամտութիւններին,—իսկ ընդդիմադիր հոսանքների ոյժն էլ աւելի ու աւելի էր աճում: Դրա հետ միասին երիտաւարդ-թիւրքերին վիճակեց փոշմանիլ և սահմանադրութեան 35-րդ յօդւածի թեթեւօլիկ փոփոխութեան մէջ, որի համաձայն սուլթանական ցրման իրաւունքը ծայր աստիճան սեղմւած էր,—պայմանաւորւած լինելով սենատի համաձայնութեամբ ու սահմանափակւած այն ղէպքով՝ երբ պալատը նախարարութեան հետ ունեցած ընդհարումից և վերջինիս հրաժարականից յետոյ մտնում է ընդհարման մէջ նոր նախարարութեան հետ: Գտնելով այժմ նման կարգը ճնշիչ իրենց համար, երիտաւարդ-թիւրքերն այստեղ ևս երկար չտատանւեցին իրենց նախկին գաղափարներից ձեռք վերցնելու առաջ և ազդարարեցին սուլթանի սրբազան իրաւունքների ուժեղացման անհրաժեշտութիւնը: Ընդ սմին, շատ հաճոյ կերպով նոցա համար դասաւորւել էր այն պարագան՝ որ սուլթանի առանձնաշնորհումների ուժեղացումը մէկն էր այլադաւանների ծրագրի կէտերից, որը նոքա ընդունել էին կարիքից ստիպւած: Եւ իրօք, կառավարչական օրէնսգիծը, որի համաձայն սուլթանին վերապահուում էր պալատի ցրման իրաւունքը նրա մի նախարարութեան հետ ունեցած ընդհարումից յետոյ, այլ ոչ—երկու, և սենատին դիմելը թողնուում էր միապետի բարեհայեցողութեան,—մտցնում է պալատ Սայիդ-փաշայի հեզնական նկատողութեան տակ, թէ օրէնսգիծը համապատասխան է քնդդիմադիր հոսանքի տեսութիւններին:

«Հիմնական օրէնքների պարլամենտական յանձնաժողովը», ուր անցնում է պետական օրէնսգիծը, ներկայացնում է պալատին բաւականին հետաքրքիր զեկուցում, որի մի քանի տեղերը փայլուն լոյս են սփռում մեր լուսաբանութեան ենթակայ շրջանի վրայ: Սահմանադրութեան 35-րդ յօդւածի փոփոխութիւնը, ասուում է զեկուցման մէջ, խանգարել է ոչ միայն կայսրութեան մէջ եղած ոյժերի փոխ-յարաբերութիւնը և թուլացրել սուլթանութիւնը, նա հարւածել է և օսմանեան ազգութիւնը: Երկրում տիրապետողն է այժմ հիւանդագին Եփոբութեան անկարագրելի կացութիւնը: Սուլթանը—քաղաքական հոսանքներից բարձր կանգնած անաչառ դատաւորը—զրեթէ զրկւած է հնարաւորութիւնից, պալատի հետ ունեցած անհամաձայնութեան ղէպքում, դիմել ժողովրդին, որով, ի հարկէ, ժողովրդական գերիշխանութիւնն աւելի սեղմւում, քան լայնանում է: Միւս կողմից, խախտւած է

գործադիր և օրէնսդիր իշխանութիւնների հաւասարակշռութիւնը նրանով՝ որ կառավարութիւնը զիջում է պալատին նրա հետ ունեցած առաջին ընդհարումից յետոյ, իսկ պալատը միայն—առաջինին պաշտպանող՝ երկրորդ կառավարութիւնից յետոյ: Ենդդիմադրան պալատը դարձել է պետութեան բոլոր ոյժերի միակ մղիչն ու կարգաւորողը, ունենալով ահագին ազդեցութիւն նախարարութեան բախտի ու կեանքի վրայ: Իսկ դրա հետ միասին այդ անպատասխանատու պալատն անոյժ է հանդիսանում ազդեցութեանից զրկւած կառավարութիւնն ոգևորելու արդիւնաւէտ աշխատանքի համար:

Յանձնաժողովը ուժեղ կերպով դէմ է դուրս գալիս սենատի՝ ցրման իրաւունքի մէջ ունեցած մասնակցութեան, որը, մի կողմից, մասնակից է անում անպատասխանատու հիմնարկութիւնը կապուած մեծ պատասխանատուութեան հետ գործադիր իշխանութեան ակտին, իսկ միւս կողմից—կարծես թէ մեղմացնում է կառավարութեան այդ պատասխանատուութիւնը: Այդ ճանապարհով խախտում է պալատների մէջ եղած հաւասարութեան սկզբբունքը, որովհետև սենատը չի կարող ցրել պալատի համաձայնութեամբ: Ստեղծւում է մի տարօրինակ աստիճանականութիւն.—սենատը տիրապետում է պալատի վրայ, պալատը—նախարարութեան, ու այսպիսով էլ խախտում է այս բոլոր ոյժերի հաւասարակշռութիւնը: 35-րդ յօդւածի այժմեան խմբագրութեան պահելը սպանում է երկրին անխառնականութեամբ, այդ պատճառով էլ յանձնաժողովը յօգուտ կառավարութեան առաջարկների է արտայայտւում, որովհետև միայն նոքա կարող են տանել դէպ պարտաւորաբար սուլթանութեան հետ ներդաշնակ ժողովրդական գերիշխանութիւնը<sup>1)</sup>:

Հեշտ է երևակայել, թէ որպիսի իրարանցում մտցրեց Ընդդիմադիրների շարքերը հենց իրենց ղէպքով հասցրած հարւածը: Նոքա օրստրուկցիայի դիմեցին, բայց կարինեան իսկոյն և եթ իւր հրաժարականը տուաւ: Կանխատեսելով՝ որ նոր կարինետ կազմելը կյանձնարարելի Սայիդ-փաշային, և որ, նոր ընդհարում տեղի ունենալու դէպքում, նա հնարաւորութիւն կստանայ ցրել պալատը համաձայն գործող 35-րդ յօդւածի,—ընդդիմադիրներն որոշում են դիմել արտակարգ միջոցի՝ մասնակից անել քնդդիմադրող եւ միապետին:

«Ազատութեան և Համաձայնութեան» ներկայացուցչութիւնը:

1) Զեկուցում յանձնաժողովի 1911 թւի 11/24 զեկուցմանից, տե՛ս առաջին լեզուատուրայի 1327—1328 նստաշրջանի № 23. յանձնաժողովի նախագահ՝ Խալիլ-բեյը, զեկուցող՝ Իզմայիլ-Խակիկ-Բարանզադէ:

Իզմայիլ-բեյի առաջնորդութեամբ, 1911 թւի դեկտեմբերի 18/31 ներկայանում է սուլթանին ու յայտնում նրան,—որ ընդդիմադիրներն ամենեին էլ դէմ չեն միապետի իրաւունքների լայնացման, որը նորա առաջինն իրենք են մտցրել իրենց ծրագրի մէջ, բայց որ նորա չեն ցանկանում աջակցել պալատի վրայ ճնշում գործադրող Սաիդ-փաշայի ծրագրներին,—այդ պատճառով էլ խնդրում են Սուլթանին նոր նախարարութիւն կազմելը նրան չյանձնելու Մահետ-Տեշադը, սակայն, շատ կտրուկ պատասխանում է,—որ մեծ եպարքոս նշանակելը սուլթանի բացառիկ իրաւունքն է, ու նոյն օրը երեկոյեան պալատի նախագահի միջոցով անում է մի յայտարարութիւն, ներշնչած նրան, ըստ երեոյթին, «Միութեան և Յառաջադիմութեան» կուսակցութեան կողմից,—այդ յայտարարութեան մէջ Սուլթանը, ելակէտ ունենալով ներկայացուցչութեան խօսքերը, հաստատում է կուսակցութիւնների մէջ չհղած սկզբունքային տարաձայնութիւնների բացակայութիւնը և ցանկութիւն է յայտնում, որպէսզի «Համաձայնութեան» կուսակցութիւնը խոչընդոտ չհանդիսանայ սահմանադրութեան վերաքննութեանն Որից յետոյ նախարարութիւն կազմելը յանձնարարւում է Սաիդ-փաշային:

Այսպիսով ընդդիմադիրներն ոչ միայն կրում են վճռական պարտութիւն, այլ և իրենց անխոհեմ ու հակասահմանադրական քայլերով հնարաւորութիւն են ընձեռում «Միութեան և Յառաջադիմութեան» կուսակցութեան ներշնչել երկրին, որ Սուլթանն իւր կողմն է: Գտնելով երկրնտարանքի առաջ,—կամ ընդունել սահմանադրութեան 35-րդ յօդուածի փոփոխութիւնը, կամ թէ հեռացրած լինել անյապաղ ցրման միջոցով, ընդդիմադիր հոսանքն ընտրեց վերջինն ու մերժեց կառավարչական օրէնսդիժը, որով և ստեղծեց երկրորդ նախարարութեան հետ, թէև կազմած նոյն Սաիդ-փաշայի ձեռքով, ընդհարման փաստը: Սրանից յետոյ, 1912 թւի յունւարի 5/18, ցրեց երիտասարդ Թիւրքիայի առաջին պալատը:

Ազատելով ընդդիմադիր պալատից, երիտասարդ-թրքական կառավարութիւնը ձեռնարկեց ընդ որ միջոցներին ապագայ պարլամենտը իւր ձեռքին հնազանդ գործիք դարձնելու: Ընտրութիւնները կատարեցին վարչութեան ուժեղ ճնշման տակ, ու նոր պալատը, հաւաքւած ապրիլի 5/18-ին, բաղկացած էր, ի հարկէ, իւր ճնշող մեծամասնութեամբ կառավարութեան կողմնակիցներից: 35-րդ յօդուածի փոփոխութիւնն ընդունւած ու յանձնւած էր սենատին:

Բայց պարլամենտի նման ճնշումն ու ընդդիմադիրներին դէպ զազտուկ գործունէութեան զրդիլը, ինչպէս և պէտք էր սպասել, ուժեղացրեց յեղափոխական խմորումն երկրում, առաւելապէս

—բանակի մէջ: Ու նորէն, ինչպէս և 1908 թւին, Մոնաստրեան կորպուսի ռէժիմից դժգոհ մի քանի սպաներ իրենց վաշտերով բարձրացան սարերն ու այնտեղից սահմանադրութեանն իրակասորէն հետեւելու պահանջներն առաջադրեցին: Տեսնելով, որ երկրում նորէն կարող է բռնկւել ներքին երկպառակութիւն, որի ելքը կարող է իրենց համար ձակատագրական լինել, երիտասարդ-թիւրքերն որոշում են, վերջապէս, կտրուկ միջոցներէ ձեռնարկել բանակի պոլիտիկոսութեան դէմ: Մանուղ-Շեֆիկետ-փաւան, սահմանափակելով մինչ այժմ իւր ազդեցութիւնը պոլիտիկանութեամբ զբաղող սպաների վրայ ոչ ոքի կողմից, ուշադրութեան չառած շրջաբերականներով, պարլամենտում մի օրէնք անցկացրեց, որով քրէական խիստ պատիժների սպառնալիքի տակ արգելւում էր սպաներին ու ղինւորներին որեւէ քաղաքական գործունէութիւն: Բայց այդ ուշացած խոհեմութիւնը չկարողացաւ, ի հարկէ, կանգնեցնել ընդդիմադիր սպայութեան մէջ առաջ եկած շարժումը: Չկանգնեցրեց նրան և Մանուղ-Շեֆիկետ-փաշայի հրաժարականը Ստեղծւեց «Նայրեմիի ազատարարների» («Մալաքեբարանի միւլեթ») զինուորական լիգան:

«Հայրենիքի ազատարարների» մանիֆեստն, անկասկած, վկայում է այն մասին, որ նրա կազմողներն իրենց լիակատար հաշիւ են տւել Կայսրութեան անել կացութեան մասին: Օսմանեան հայրենիքը, ազգարարում է մանիֆեստը, զլիսապտոյտ արագութեամբ դէպի անդունդն է դնում, որին այնքան մօտ էր Արդիւ-Համիդի թագաւորութիւնը: Սահմանադրութիւնը երկրի վերջին պայթիւնն էր: Այդ պայթիւնը նպատակի չհասաւ, և Եւրոպան էլ չուշացաւ այդ հանգամանքից այն եզրակացութիւնն անել՝ որ օսմաններն անընդունակ են ինքնուրոյն կեանքի՝ անգամ սահմանադիր կարգերի դրօշի տակ: Սահմանադրութեան ներմուծման ազդեցութեան տակ Եւրոպան ժամանակաւորապէս հրաժարւեց Թիւրքիան անդամահատելու իւր մտադրութիւնից և բռնեց սպասողական դիրք: Բայց երբ մենք սկսեցինք գործել, ինչպէս Համիդի ժամանակներում էր, իսկ երբեքն էլ սպիւլում էինք փոստալ անցած կարգերը, այդ ժամանակ Եւրոպան փոխեց իւր վերաբերումը դէպ Թիւրքիան, որը երևաց, ի միջի այլոց, տրիպոլիսեան պատերազմի ժամանակ: Այդ ի նկատի ունենալով, լիզան իւր պարտքն է համարում նորից դիմել Թիւրք սպաների հայրենասիրութեան, հակառակ իւր ջերմ ցանկութեան՝ տեսնել նոցա հեռու քաղաքականութիւնից: Սահմանադրական իրաւունքները, որոնք նպատակն էին կազմում 1908 թւի զինուորական յեղափոխութեան, ապահովւած չեն, այլ յանուն անհատական շահերի կամայականութեան խախտում են: Այդ պատճառով էլ Արդիւ-Համիդի բռնա-

կալուքիւնը խորտակող սպաների վրայ պարտականութիւն է ընկնում ազատել հայրենիքը, առաւել ևս, որ կրթւած հասարակութեան մնացած մասը, բաղկացած գլխաւորապէս պաշտօնեաներից, զուրկ է զրա համար անհրաժեշտ համապատասխան բարոյական ոյժից:

Վերն ասածները ի նկատի ունենալով, զինւորական լիզան առաջադրում է հետևեալ ընդհանուր քաղաքական պահանջները.— 1) փոխարինումն այժմեան կառավարութեան մի ուրիշով, որն ընդունակ լինէր Եւրոպայի վստահութեանն արժանանալու, 2) անպատասխանատու գործօնների չեզոքացումն երկրի կառավարութեան գործերին միջամտելուն, 3) ցրումը պալատի, եթէ կապացուցւի ընտրութիւնների ոչ օրինական լինելը, և նոր ընտրութիւնների կատարումն առանց ոստիկանութեան միջամտութեան: Բացի այս լիզան պահանջում է բանակի համար.— քաղաքականութեան վտարումը նրանից, երբ ընդունւած կլինեն առաջադրւած պահանջները. վերադարձը դէպ բանակի շարքերն այն սպաների, որոնք քաղաքացիական պաշտօններ ունեն կամ կուսակցութիւնների ներկայացուցիչներն են. վերջապէս, կիրառումն արդարացիութեան սկզբունքի, այսինքն՝ պատասխանատուութեան գործադրութիւնը ստորին սպաների հետ միասին և բարձրաստիճան սպաների նկատմամբ, զինւորական դատարանների անկախութիւնը և աստիճանների բարձրացումն անկախ կողմնակի ազդեցութիւններից, միայն ցոյց տւած ծառայութիւնների համար: Վերջում լիզան յայտնում է,— որ կղիմի բոլոր միջոցներին, թէ իւր նպատակներին հասնելու համար և թէ չեզոքացնելու նոցա, որոնք այդ բանին պատւար կհանդիսանան:

«Հայրենիքի ազատարարների» պայքարն իւր կողմը գրաւեց սպայութեան խոշոր մասը: Յուլիսի 6-ին ներկայացուցչութիւնն առաջադրում է իր պահանջները իրեն՝ Սուլթանին: Երիտասարդ-թրքական կառավարութիւնը վախենում է զիմել իրեն հաւատարիմ սպաների օգնութեան և առաջ բերել քաղաքացիական պատերազմ ու հրաժարական է տալիս: Ոչինչ այնպէս ցայտուն կերպով չի նկարգրում այդ ժամանակ տիրապետող անիշխանակա-նութիւնը, ինչպէս այն փաստը, որ «Հայրենիքի ազատարարների» ներկայացուցչութիւնն ընդունելուց հենց հետևեալ օրը (յուլիսի 7), Սուլթանն, ըստ երևոյթին երիտասարդ-թիւրքերի ազդեցութեան Սուլթանն, ըստ երևոյթին երիտասարդ-թիւրքերի ազդեցութեան ստակ, մի խիստ հրահանգ է տալիս բանակին, որի մէջ դատա-պարտում է լիզայի պահանջները, որպէս՝ սահմանադրութեան և խալիֆայութեան ու սուլթանութեան հակառակ պահանջներ.— զինւորների վարքը, որոնք քաղաքականութեամբ են զբաղւում ու չեն ենթարկւում իշխանութիւններին, հրահանգի մէջ ուղղակի

դաւաճանութիւն է համարւում, որի հետևանքով բացատրւում է իտալացիների մայրաքաղաքի դարբասների առաջ երևան դալը (Գարդանելի մօտ):

Սաստիչ հրահանգը, քննում է, սակայն, առանց որևէ ազդեցութեան իրերի ընթացքի վրայ: Յուլիսի 9-ին Ղազի-Կեմեղ-Սուլտան-փաւան նոր կարինետ է կազմում, որի կազմի մէջ մտնում են ընդդիմադիր հոսանքի ամենից ակնաւոր գործիչները, ինչպիսիք են.— Երիտասարդ-թիւրքերի հին թշնամի Գեաւիլ-փաւան, Նազիմ-փաւան (զինւորական նախարար) և, որպէս արտաքին գործոց նախարար, հայ Նորատունկեանը:

Ե Ր Ր Ո Ր Գ Ե Ր Ջ Ա Ն

(1912 թի յուլիսի 9-ից մինչև 1913 թի յունւարի 10-ը)

Այսպիսով ստեղծւած գրութիւնն, ի հարկէ, բնական լինել չէր կարող: Երիտասարդ-թրքական կառավարութիւնն ընկաւ,— չնայած այն բանին, որ պարլամենտը նրա կողմն էր, իսկ նոր «լիբերալ» կառավարութիւնն իրեն կանգնած տեսաւ երիտասարդ-թրքական պալատի առաջ: Ու պալատն էլ ամեն կերպ խուսափում էր կառավարութեան հետ ընդհարումներ ունենալուց, նրա ցրման վտանգը կանխելու մտահոգութեամբ: Սակայն, չբաշխելով իւր հակառակորդներից աւելի, կուր միջոցների ընտրութեան մէջ, Սուլտան-փաւայի կարինետը շատ շուտով Սուլթանի համաձայնութիւնը ստացաւ պալատը փակելու համար այն պատրւակով, որ նա հրաւիրւած է եղել միայն սահմանադրութեան 35-րդ յօդ-ւածն ընդունելու համար. այն ինչ, իւր գահական ճառի մէջ, որով Սուլթանն ապրիլի 5-ին պալատն էր բանում, վերջինիս պարտա-կանութիւնները բոլորովին էլ չէին սպառւում 35-րդ յօդւածի վե-րաքննութեամբ, ու նրան, ի միջի այլոց, առաջարկւում էր որքան կարելի է շուտ բիւջէին անցնել: Պալատը կարողացաւ, սակայն, միևնույն փակման հրովարտակը կարգաւ իւր անվստահութեան քէն տալ կառավարութեան ու յետաձգել նրա նիստերը մինչև նախա-գահի կողմից նորէն հրաւիրելը (1912 թ. յուլիսի 23): Այսպիսով ստեղծւում է տանկական պարլամենտարիզմի մի նոր կուրիոզ,— ընդհարում նախարարութեան ու փակւած պալատի միջև:

Նոր նախարարութեան փորձը՝ հանգստութիւն մտցնել երկրի մէջ, յաջողութեամբ չպսակեց: Դրութեան երէկւայ տէրերն ան-ցան այսօր ընդդիմադիրներից թողած դժգոհների բանակը: Նա-խարարութիւնն յատուկ երդումով պարտաւորեցնում է սպաներին

հրաժարել ամեն տեսակի քաղաքական գործունէութիւնից, պահանջում է նման հրաժարական և բոլոր քաղաքացիական աստիճանաւորներից և վերցնում է պաշարողական դրութիւնը, որը ծանրացել էր մայրաքաղաքի և մնացած քաղաքների վրայ երիտասարդ-թրքական ռեժիմի ամբողջ ժամանակաշրջանում: Բայց նոր տէրերի ու երիտասարդ-թիւրքերի դէպ մէկը միւսին տաժած ատելութիւնը շատ էր խոր, որպէսզի հնարաւոր լինէր քաղաքական կռիւն յետակայում բնական սահմանների մէջ տանել: Բացի դրանից նախարարութիւնն առաջին իսկ օրերին մի մեծ սխալ է անում.— քնդհանուր ներումն ընդհանրով, նա վարչական կարգով աքսորւածներին ցանկն է մտցնում Արգիւլ-Համիդի բոլոր կողմնակիցներին, որով մութ ուժերին քողարկւած համակրութեան մեղադրանքին առատ նիւթ է տալիս: Երիտասարդ-թիւրքերն, իրենց հերթին, ուժեղ պայքար են շարունակում.— ու մի ամսից յետոյ «լիբերալ» նախարարութիւնը նորից մտցնում է պաշարողական դրութիւն և զինւորական դատարաններ, իսկ ծայրագաւառներում վարչութիւնը, «վերակազմւած» նկատելի չափով, պալատի նոր ընտրութիւններն է պատրաստում երիտասարդ-թրքական միջոցներին ոչնչով չզիջող ճանապարհով: Այդ նոյն ժամանակ ամենուրեք գլուխ է բարձրացնում այլացեղերի յեղափոխութիւնը: Այլբանական ապստամբներն առաջադրում են մի շարք պահանջներ, որոնք պիտի վերապահէին նոցա մի շարք արտոնութիւններ՝ լեզուի, դպրոցական գործի ու զինւորական ծառայութեան սահմաններում: Հայաստանում աւելի ևս է ծաւալում անիշխանականութիւնը, և, վերջապէս, քրիստոնեայ ազգաբնակչութեան անել կացութիւնն Մակեդոնիայում բերում է վաղուց հատուկացած պատերազմին իրենց բնական հովանաւորողների, անկախ բաղկանեան պետութիւնների հետ:

Բալկանեան պատերազմը ստիպում է, վերջապէս, տաճիկ սպայութեան գէթ առժամայէս վերջ տալ ներքին երկպառակութիւններին: Բայց երիտասարդ-թրքական քաղաքական գործիչները չեն վերջացնում իրենց պայքարը, ցանկանալով իշխանութիւնը նորէն գրաւելու համար օգտագործել պատերազմի անաջող ելքը: Մուխտար-փաշային մեծ եպարքոսի պաշտօնով փոխարինող (1912 թւի հոկտեմբերի 17) Քեամիլ-փաշան դիմում է դաժան միջոցների ու անզամ ձերբակալում «Միութեան ու Յառաջադիմութեան» կուսակցութեան շատ պարագլուխներին ու անդամներին: Բայց տաճիկ բանակի անաջողութիւնները, կրած երիտասարդ-թիւրքերի թշնամի Նազիլ-փաւայի հրամանատարութեամբ, պարարտ հող են մատակարարում զինւորական շրջաններում մղած երիտասարդ-թրքական քարոզին: Դրա հետ միասին վերադարձած

Տրիպոլիսից ու նոր փառքով շրջապատւած Էնվեր-բեյն իւր ամբողջ ազդեցութիւնն է ի սպաս դնում կուսակցութեան: Վերջապէս, երիտասարդ-թիւրքերին և շատ յաջող առիթ է հանդիսանում իրենց իշխանութեան զարձին հայրենասիրական բնոյթ տալ: 1913 թւի յունւարի 4-ին վեց պետութիւնների ներկայացուցիչները Դուան հաւաքական նոտագիր են ներկայացնում՝ որով ստիպողաբար խորհուրդ են տալիս թիւրքիային համաձայնել ու զիջել Իդրիսը Բուլղարիային: Յունւարի 9-ին բարձրաստիճան տաճիկ պաշտօնատարների ժողովը, հրաւիրւած մեծ եպարքոսի կողմից, արտայայտում է որպէս կողմնակից հաշտութեան: Իսկ միւս օրը, 1913 թւի յունւարի 10, Էնվերն ու Քալապար, զուլխ անցած երկու հարիւր երիտասարդ-թիւրքերի, նախարարական կազմի նիստի ժամանակ ներս են խուժում Դուար, սպանում են նրանց դէմ դուրս եկած Նազիլ-փաւային ու Քեամիլ-փաշային ստիպում են իւր հրաժարականը ստորագրել: Այդ նոյն երեկոյեան Մանսուր-Շեֆիկետ-փաւան մեծ եպարքոս է յայտարարում, և իշխանութիւնը նորէն երիտասարդ-թիւրքերի ձեռքն է անցնում: Լուռ էր Պոլսի ազգաբնակչութիւնը:

«Միութեան և Յառաջադիմութեան» «ազատամիտ» թշնամիներն իրենց վեց ամուսյ տիրապետութեան ժամանակաշրջանում ցուցահանեցին աշխարհին ներքին սնանկութեան մի այնպիսի փայլուն օրինակ, որը գալիս էր գերակշռելու երիտասարդ-թիւրքերինը: Ինչպէս ցոյց տրւեց, «Համաձայնութեան և Ազատութեան» («Թիթիլաֆ վէ Հուրրիեթ», «Տրանսերէն» „Entente Libérale“) ու ժողովրդական կուսակցութիւնների ազատամիտների պաշտօնական ծրագրերն ոչնչով չէին տարբերում երիտասարդ-թրքական ծրագրից.— էպպէս «ազատականները» համախմբել էին բացառապէս դէպ երիտասարդ-թիւրքերը տաժած իրենց անհատական ատելութեամբ և իրենց հերթին երկրի վրայ իշխանութիւնը գրաւելու ցանկութեամբ,— նոցա շարքերում յետադիմականների մեծ թիւ կար: Բայց այս, բոլոր այսպէս կոչւած ազատական գործիչները, ունենալով երիտասարդ-թիւրքերի բոլոր արատները, զուրկ էին վերջիններիս յատուկ առաքինութիւններից՝ եռանդից ու որոշ կազմակերպչական ընդունակութիւններից: Մահմանազրութեան ազգաբարձման 1908 թւին բոլոր քիչ-շատ աչքի ընկնող մարդիկ մտել էին «Միութեան և Յառաջադիմութեան» շարքերը, որը և կազմեց երկրի միակ կուսակցութիւնը, այդ խօսքի իսկական իմաստով: Տեղ-տեղ առաջացած միւս «լիբերալ» միութիւններում չերևաց և ոչ մի հատ լուրջ քաղաքագէտ.— ո՞ր չի կարելի գործնական պետական գործիչներ համարել անհող տեսաբան պրիւնց Սաբան-էզ-Դիկին ու մութ միստիկ գնդապետ Սադրիլին:

Այդ պատճառով «ազատականներն» ակամայից սկսեցին համա-  
խըմբել հին կարգի աստիճանաւորներ՝ Ղազի-Ահմետ-Մուխտար-  
-փաւայի, Քեամիլ-փաշայի ու Նորատունկեանի չորս կողմը. բայց  
նոքա չենթարկեցին վերջիններիս իրենց, ինչպէս այդ արել էին  
երթասարդ-թիւրքերն մեծ եպարքոսներ՝ Հիլմի, Սակքի ու Սաիդի  
հետ, այլ միանգամայն վստահացան նոցա: «Ազատականները»  
տիրապետութեան շրջանում ամբողջ իշխանութիւնն աստիճանա-  
բար կենտրոնացել էր դառամեալ Քեամիլ-փաշայի ձեռքերում:  
Բայց այդ տաճիկ բելզանդականը, փորձեա՞ծ համիդեան կարգերի  
բոլոր պալատական նենգամտութիւնների մէջ, չէր կարող, ի հարկէ,  
թարմ հոտանք պատուատել օսմանեան պետական կեանքին ու  
կարելի է համարձակ ասել, որ այդ կառավարութիւնը միայն  
կրկնում էր ու անգամ խորացնում երիտասարդ-թիւրքերի սխալ-  
ները, չտալով վերջին հաշւով երկրին և ոչ մի օգուտ:

Չպիտի, այդու, զարմանալ՝ երբ էնվերն ու Քալաթը երկու  
հարիւր աւազակների հետ կարողացան այդքան հեշտութեամբ  
իրենց հակառակորդների ձեռքից իշխանութիւնը խլել: Բոլոր յե-  
ղաշրջումները, տեղի ունեցած երիտասարդ թիւրքիայում 1908 թ.  
յուլիսից մինչև 1913 թ-ի սկիզբը,<sup>1)</sup> բանակի մեծամասնութեան  
այս կամ այն տրամադրութեան արտայայտութիւններ էին, որը  
միշտ կուսակցութիւնների կողմից կանխատեսւում էր մի անսո-  
վոր զգայունութեամբ. այդ պատճառով էլ նոքա անցնում էին  
առանց նկատելի արիւնահեղութեան: Երբ «հայրենիքի փրկարար-  
ները» հանդէս եկան իրենց պահանջներով, երիտասարդ-թիւրքերը  
զգացին, սր զօրքի մեծամասնութիւնը նոցա կողմն է, ու այդ  
պատճառով էլ գերադասեցին ժամանակաւորապէս հեռանալ աս-  
պարիզից և զօրքի մէջ գաղտնի քարոզչութեամբ զբաղել: Իսկ  
երբ այդ քարոզը յաջողութիւն ունեցաւ, նոցա հարկաւոր էր  
մարդկանց մի աննշան խմբակ միայն նորէն Բարձրագոյն Դուռը  
զբաւելու համար: Իսկ մայրաքաղաքի և շրջանների ազգաբնակ-  
չութիւնը նոյնքան անտարբեր գտնուեց զէպ 1913 թ. յունւարի  
10-ի յեղաշրջումը, ինչպէս անտարբեր էր նա և զէպ «Հայրենիքի  
փրկարարների» 1912 թ. յունիսեան յեղաշրջումը:

### ՉՈՐՐՈՐԴ ՇՐՋԱՆ

(1913 թի յունւարի 10-ից—մինչև 1914 թի յունիսի 29-ը)

Երիտասարդ-թիւրքերի թշնամիների ժամանակաւոր տիրա-  
պետութիւնը ստիպեց առաջիններին՝ բանակում հոտանքների  
նման յաճախակի փոփոխութիւններից զերծ մնալու համար վճ-  
ռական որոշումն ընդունել քաղաքական խուզարկումների բարելաւ-  
կազմակերպման ու իրենց թշնամի տարրերի նկատմամբ խստա-  
գոյն միջոցներ զործադրելով: Երիտասարդ-թիւրքական տէրութեան  
չորրորդ շրջանը—Նազիմ-փաշայի սպանութիւնից մինչև «Իերենի»  
ու «Բրեսլաւի» Դարդանելում երեւոյր—հանդիսանում է, այդ  
պատճառով, որպէս երիտասարդ-քրեական անարեկման շրջան, այդ  
խօսքի ամենակատարեալ իմաստով: Այդ ամբողջ 18 ամիսները  
գունաւորւած են վերստին իշխանութեան հասած օլիգարխիայի  
չվերջացող ու անխնայ կուռով նոր ու նոր հակաազդորդների հետ,  
որոնք ձգտում էին նրա տեղը բռնել,—մի կուռով, որն ընթանում  
էր տաճիկ ժողովրդի ահագին մեծամասնութեան խորն անտար-  
բերութեան ներքոյ:

Նա այստեղ կարող եմ, ի հարկէ, բերել միայն այդ կուռի  
զլխաւոր մոմենտները:

Նազիմ-փաւայի սպանութիւնը չէր կարող նոր երկպառա-  
կութիւն չբերել բանակի մէջ, ուր նա ունէր շատ կողմնակիցներ,  
որոնք իսկոյն կազմեցին գաղտնի զինւորական միութիւն. դժու-  
հութիւնը սպանների մէջ նոր սնունդ է գտնում 1913 թ-ի մայիսին  
Լոնդոնում ստորագրած հաշտութեան նախնական պայմաններից  
յետոյ,—երբ պարզւում է, որ երիտասարդ-թիւրքական յեղաշրջումն  
չիրկեց Իզրիմն ու թիւրքիան նրա տէրը չզարձաւ: Ինչպէս միշտ,  
ստորին հոգևորականութիւնը—սահմաններ ու խոջաներ—անցնում  
է երիտասարդ-թիւրքերի թշնամիների կողմը: Շերիմ-փաւայի  
պարիզեան կոմիտէն ահագին զուամբներ է գոհաբերում ու իւր  
զործակախների միջոցով պայքարը շարունակում: Վերջապէս, 1913  
թ-ի յունիսի 2-ին Նազիմ-փաշայի վրէժն է լուծւում.—սպանւում  
է զինւորական նախարարութիւնից զէպ Դուռն ուղեւորելիս ինք-  
նաշարժ գնացքում մեծ եպարքոս Մանուղ-Շեֆկետը:

Մանուղ-Շեֆկետ-փաշայի սպանութիւնն իսկական անա-  
բեկումների ազդանշանն է դառնում: Սկսւում են կախազանները,  
մասսայական ձերբակալութիւններն ու կառավարութեան հակա-  
ռակորդների աքսորները: Այդ նոյն ժամանակ իշխանութիւնը

1) Եացառութեամբ 1909 թ-ի մարտի 31 Արդիւլ-Համիդի մեղքով  
սարքած յեղաշրջումի:

շարունակում է կենտրոնանալ աւելի փոքրաթիւ մարդկանց ձեռքերում.—նախարարութեան գլուխ է անցնում մէկը եւրոպական փայլով, բայց առանց որեւէ քաղաքական նշանակութեան, եզրպատական պրինց Սալիլ-Բալիլ-Փաւսան: Երկրի բախտը գտնուում էր եռանդուն կարրոնարիի ձեռքերում—ներքին գործոց նախարար Քալապ-բէյի, ծովային խորամանկ գեներալ Ջեմալ-Փաւսայի և էնվերի Այդ շրջանի ազդեցիկ մարդկանց թւին կարելի է կցել և մերուաների պալատի նախագահ Խալիլին, Ֆինանսների նախարար Ջալիլդին և Կոմիտէի գլխաւոր քարտուղարներ Ֆեթիի-բէյին ու Միդհատ Շուքուան: Իսկ ինքը Կոմիտէն աստիճանաբար սկսում է այդ մի քանի փառասէրների հլու գործիքը դառնալ, ինչպէս այդ առաջ պալատն էր անում: >

Յուլիս ամսում բուլղարներից մաքրած Իզրիւնի գրաւումը, կատարւած էնվերի կողմից հերոսութեան և ոյժի այնպիսի վատնումով, որպիսին հանդէս էր բերել նա Թիւրքիան ազատագրելու գործում 1908 թւին՝ դէպ սարերը փախստի դիմելով, վերջնակա-նապէս շմեցրեց երիտասարդ-թրքական օլիգարխներին: Նոցա կամայականութիւնն էլ ոչնչով չէր տարբերւում Արդիւլ-Համիդի բռնակալութիւնից: 32 տարեկան էնվերը շուտով բռնեց սպանւած զինուորական նախարար Նազիմ-փաշայի տեղը, և էնվեր-Փալապ-Ջեմալեան երրորդութիւնն եռանդուն կերպով անցաւ երկիրն իրենց հակառակորդներից մաքրելուն: 1914 թւի փետրւարի սկիզբներին արդէն հաշուում էր մինչև 1300-ի չափ արձակւած (անբարեկուսութեան համար) գեներալներ ու սպաներ: Վարչու-թեան քիչ-շատ պատասխանատու պաշտօններում տեղաւորւած էին կառավարութեան կողմնակիցները. պալատի ընտրութիւնները տեղի ունեցան գերազանցօրէն վրդովեցուցիչ ու աղաղակող զեղ-ծումների տակ. ընտրողների ցուցակներն էին մտցւում բացառա-պէս կառավարութեան կողմնակիցներ: Պաշտօնաթող գեներալները, սպաներն ու աստիճանաւորները կազմում են մի քանի զաղտնի յեղափոխական կոմիտէներ, բայց, շնորհիւ խուզարկու ոստիկա-նութեան, կազմւած Ջեմալ փաշայի ձեռքով մի այնպիսի ճարպի-կութեամբ, որին, հաւանօրէն, կնախանձէր և ինքն Արդիւլ-Հա-միդը, բացւում են այդ բոլոր դաւադրութիւններն ու դաւադիր-ներն աքսորի ենթարկւում: Այդ ժամանակաշրջանի վերջերին ընդգիծադիր տարրերը բշտւած էին դէպ արտասահման—Պարիզ, Աթենք, Սուրան, Գահրիէ:

> Կարելի էր մտածել, որ բալկանեան պատերազմի դժբախտ վախճանը կարող էր ստիպել երիտասարդ-թիւրքերին արմատա-պէս փոխել իրենց ներքին քաղաքականութիւնը.—հրաժարել պանիսլամական նիւթումներից ու տաճկական ազգայնամուր-

թիւնից, տալ երկրին որոշ ապակենտրոնացում, իսկ այլացել ազգարնակութեամբ որոշ շրջանների—ինքնօրէնութիւն. վերջա-պէս, վերակազմել կառավարչութիւնն Եւրոպական ոգով: Անաչառ պատմաբանն ստիպւած պիտի լինի, սակայն, ընդունել, որ երի-տասարդ-թիւրքերը բոլորովին չօգուեցին անցեալի դասերից: >

> Ճիշտ է, երկրի կատարեալ տնտեսական քայքայումը ստի-պում էր նոցա ձեռնամուխ լինել որոշ միջոցների, որոնք արտա-սահմանում որոշ չափով նոցա վարկը պիտի բարձրացնէին: Ֆի-նանսների նախարար Ջալիլդ-բէյն սահմանադրութեան 36-րդ (մեր 87) յօդւածի կարգով անց է կացնում չորս օրեկն, որոնց նպատակն էր թիւրքական հողատիրութեան վրայ շերտաթով դրւած գարաւոր կապանքները վերցնել: Այս օրէնքներով առաջին անգամ ներմուծւում է ճիշտ հողաչափութիւնն ու անշարժ կայքերի գնա-հատումը. վակուֆային հողերը ժառանգելու օրէնքն է տարածւում մինչև 12 աստիճան ազգականների վրայ, որը պատկանում էր առաջ ազգականներին մինչև 7 աստիճան. առաջին անգամ թոյ-լատրւում է իրաւական ղէմքերին ձեռք բերել անշարժ կարողու-թիւն, և, վերջապէս, մուծւում է գրաւի սխտեմը: Հրատարակ-ւում են և մի քանի ուրիշ օրէնքներ, որոնց նպատակն էր երկրի տնտեսական բարօրութիւնը բարձրացնել, նորից հրաւիրւում են թիւրքական ծառայութեան մի շարք օտարազգի մասնագէտներ: > Աւ այս է այն ամենն ինչ այս շրջանի երիտասարդ-թրքական ուժերի երախտագիտութեան արժանի դորձ կարելի է համարել: Մնացած բոլոր բաներում երիտասարդ-թիւրքերի ներքին քաղա-քականութիւնը կարելի է բնոյթագրել որպէս դարձ Արդիւլ-Հա-միդի կառավարչական ձեւերին: >

Այսպէս, Թրակիայի այն մասի ուղղափառ ազգաբնակիւթիւնը, որը 1913 թւի յուլիսին նորից թիւրքերը գրաւել էին՝ ենթարկւում է մասամբ ջարդի, մասամբ վայրագ ճնշումների, որը ստիպում է բաւականին ժողովրդի, գլխաւորապէս յոյներին, գաղթել երկրից: Յոյների հետապնդումները շուտով սկսւում են և Փոքր Ասիայում, ու միանգամայն պարզ կերպով ցոյց տալիս տաճիկ կառավարու-թեան նպատակները՝ առաջ բերել քրիստոնեաների մասսայական արտագաղթ, նոցա լքած հողերը Մակեդոնիայի տաճիկ փախըս-տականներով բնակեցնելու համար: Փոքր Ասիայի յոյն ազգաբը-նակութեան ճնշումներն 1914 թւի յունիսին առաջ են բերում, վերջապէս, Եւրոպական պետութիւնների միջամտութիւնը: Դուռը սիրալիր կերպով առաջարկում է վեց դեսպանութիւնների ներ-կայացուցիչներին Փոքր Ասիայում զկարգը վերականգնելու համար Քալապիին ուղեկցել նրա ձեռնարկած ճանապարհորդու-թեան ժամանակ: Յանձնաժողովը գալիս է այն անխախտ համոզման,

որ ցաւալի անցքերն առաջ են բերել կառավարութիւնը ու «Միութեան և Յառաջադիմութեան» կոմիտէի գործակալները:

Աւելի անել կացութեան մէջ էր գտնուում Հայաստանը, մինչև որ Ռուսաստանն ստիպում է երիտասարդ-թրքական կառավարութեան ստորագրել 1914 թ. յունւարի 26 համաձայնագիրը, որով Հայաստանի կառավարութիւնը յանձնուում էր երկու օտար-երկրացի զինեւրալ-ինսպեկտորների, իսկ ազգաբնակչութեանն էլ տրւում էր որոշ առանձնաշնորհումներ ինքնավարութեան, դատաբանի, լեզուի ու զինւորական ծառայութեան սանձամաններում: Ու դեռ նոր էր սկսել պատերազմը Գերմանիայի ու մեր մէջ, երբ Դուռը շտապում է de facto առ ոչինչ համարել բարենորոգութիւնները, յետ կանչելով զինեւրալ-ինսպեկտորներին:

Աւելի քաղաքական խոհեմութեամբ չի արտայայտուում երիտասարդ-թիւրքերի վերաբերումը դեպ արաբները: 1913 թւի յունւարին սկսուում է շարժում յօգուտ արաբական շրջանային ինքնավարութեան: Երիտասարդ-թիւրքերը փակում են բարենորոգութիւնների կոմիտէն, բայց, վախենալով շարժումից, Պարիզում, «Միութեան և Յառաջադիմութեան» զինեւրալ քարտուղար Միդլստ-Շուլերի-բէյի միջոցով գաղտնի համաձայնութեան են դալիս արաբների հետ, որով նրանց մեծ զիջումներ են արւում: Իզրիւնի գրաւումը բարձրացնում է, սակայն, երիտասարդ-թիւրքերի տրամադրութիւնը մինչ այն աստիճան, որ նոքա շուտով հրաժարւում են այդ համաձայնութիւնից, և օգոստոսին, արգէն Պոլսում, և՛ս համաձայնութիւն են կապում, որով նկատելի կերպով սեղմուում են արած զիջումները:—այնու ամենայնիւ արաբական նահանգների միջնակարգ և ստորին դպրոցներում դասաւանդումը հարազատ լեզուով և նշանակելն այդ շրջանների պաշտօններում այն անձնաւորութիւններին, որոնք տիրապետում են արաբական լեզուն, ապահովւում են: Բացի սրանից, արաբներին արւում է նախարարութեան մէջ երեք պորտֆել և որոշ թիւ սենատորական ու մերուսական տեղերի: Բայց անգամ և այդ համաձայնութիւնը չի յայտարարւում: Կառավարութիւնը նրա միայն աննշան պատասխաններն է ազգաբարւում՝ արաբական լեզուի գործածութեան, տեղում զինւորական ծառայութիւնը կրելուն և վակուֆները կառավարելու նկատմամբ: Հասկանալի է, նման վերաբերումն առաջ է բերում արաբների մէջ ահագին դժգոհութիւն:

Վերջապէս, ըմբոստանում են երիտասարդ-թիւրքերի դէմ և որոշ երգական ցեղեր, ու մի ժամանակ կառավարութիւնը ստիպւած է լինում լուրջ կերպով քարշ գալ Բիրլիսի քրդերի յտակէց: Մի խօսքով, ամենուրեք թագաւորում էր մեծ խռովութիւն:

Շատ քնորոշ է, որ երիտասարդ-թրքական կառավարութիւնը, նմանելով Արդիւլ-Համիդին, հենց որ որևէ շրջանի համար բարենորոգութիւնների հարց էր բարձրանում, իսկոյն հանուր Պետութեան բարենորոգութիւնների ծրագրով էր հանդէս գալիս, որն ապարդիւն էր դարձնում մասնակի սեֆորմները: Այսպէս, 1913 թւի մարտի 15 Նահանգների կառավարչութեան նոր օրէնքն է արւում, որը, հարկաւ, ամենևին էլ չի համապատասխանում ժողովրդի ինքնաձարական կարիքներին. իսկ երբ Դուռն իմանում է, որ ռուսական զեւպանութիւնը հայկական բարենորոգութիւնների նախագիծ է պատրաստում ներկայացնելու Ենիքէօյում վեց զեւպանութիւնների յանձնաժողովին, նա երեք օրում պատրաստում է ավելի Կայսրութեան համար բարենորոգութիւնների իւր նախագիծն, որը և ներկայացնում պետութիւններին,—ու մի այնպիսի անհեթեթ նախագիծ, որը յաճախ տարակուսանք էր առաջ բերում և նրա երդեալ պաշտպանի—վերլիշած ենիքէօյեան յանձնաժողովի զերմանական զեւպանութեան ներկայացուցչի մէջ:

Երկրում նման անիշխանականութեան տիրապետութեան ժամանակ երիտասարդ-թրքական պարագլուխները հնարաւոր էին գտնում, սակայն, իրենց թոյլ տալ և որոշ փարթամութիւն ի դէմս պակնիդամակաւուրեան կամ, յամենայն դէպս, համաքիւրուրեան: Իզրիւնի անսպասելի առումը, չնայած Եւրոպայի արգելքին, ըստ երևոյթին, գցում է այդ մարդկանց մի իւրատեսակի քաղաքական պոխխոզայի մէջ: Նոքա մոռացութեան են տալիս Մակեդոնիայի, Ալբանիայի ու Թրակիայի մի մասի կորուստն ու յիշում միայն Իզրիւնի յետգրաւումը: Մուսուլմանական մոլեռանդութիւնն ու տաճկական ազգայնամոլութիւնը պատում են նոցա աչքերը կրկնակի մշուշով: Պոլսում առաջ է գալիս «Մուսուլմանական միութեան» կազմակերպութիւնը և յարութիւն է առնում «Պանխալամական լուսաւորութեան ընկերութիւնը»:—Մեկինայի համալսարանի ծրագիրն է քննուում. գաղտնի գործակալներն ուղևորւում են դէպ Հնդկաստան ու Եգիպտոս: Միւս կողմից պակնիւրեք հիմնում են միայն Ստամբուլում երեք ակումբ և սկսում են եռանդուն քարոզ յանուն թիւրքական ցեղերի միացման:

Այսպիսով, Էնիլերի, Թալաթի և Ջեմալի թագաւորութիւնն ամեն բանում կորականապէս նմանում էր Արդիւլ-Համիդի պետութեան: Կիրառուեալ միանգամայն անխուսափելի, գլխաւորապէս տնտեսական ու ֆինանսական բարենորոգութիւնների, բռնակալութիւն ու ահաբեկում՝ որպէս կառավարչութեան միակ սկզբունքներ. պանխալամականութիւն՝ որպէս մէկն արտաքին քաղաքականութեան պատւանդաններից, և, վերջապէս արտօնութիւնների շնորհումն այլպեղ ազգաբնակչութեամբ շրջաններին, միայն

Եւրոպական պետութիւնների ճնշման տակ, ու այն էլ որոշակի տրամադրութեամբ՝ խոստացածն ի կատար չածել,—անա եական գծերը համիդետն ու քալապետն կարգերի: Եւ երբ մեծ վեղեր Սայիդ Հալիմ փաշան 1914 թւի յունւարի 26-ին ուս հաւատարմատար Կ. Ն. Գուլկովիչի հետ միասին ստորագրեց այն ակտը, որով Տաճկաստանը պարտաւորուեւ էր դիմել պետութիւններին հայկական բարենորոգութիւնների նոտայով, հին սուլթանը, որ դիտում էր այս տեսարանը Բոսֆորի ափում Բելլերբեյի զեղեցիկ պալատի պատուհաններից, կարող էր լիակատար իրաւունքով բացականչել.—«Ալլահը մե՛ծ է, որս համար չարժէր կառավարութիւններ փոխել»:

Անա թալաթ-համիդեան «կայսրութեան» այդ անձն ու քաջքայլող մասսայի մէջ են խոթում իրենց ցուկները գերմանական զինւորական «Գերեն» ու «Բրեսլաու» նաւերը:

## II. ԵՐԻՏԱՍԱՆՈՂ-ԹԻՐԵՐԻ ԱՐՏԱՔԻՆ ԲԱՂԱՔԱԿԱՆՈՒԹԻՒՆԸ:

Արևմտեան բոլոր կուլտուրաներից տաճկական կեանքի վրայ ազդել է միայն ֆրանսիական կուլտուրան: Ֆրանսիական հոգևոր ու աշխարհիկ դպրոցների ցանցը, վաղուց ի վեր տարածւած Թիւրքիայում, ֆրանսիական արդիւնաբերական ու երկաթուղագծային ձեռնարկութիւնների տնային թիւ, վերջապէս, աւանդական ֆրանս-տաճկական քաղաքական բարեկամութիւնն ու մինչև անգամ զէնքի եղբայրութիւնը Ղրիմի պատերազմի ժամանակ—այդ բոլոր հանգամանքներն ուղղում էին ամեն քիչ—շատ մտածող այդ բոլոր հանգամանքներն ուղղում էին ամեն քիչ—շատ մտածող տաճկի հայեացքը դէպ Ֆրանսիա և ստիպում էին աւել կամ պակաս չափերով ծանօթանալ նրա լեզուի հետ: Ֆրանսիական կուլտուրական ազդեցութիւնը միակն էր, որ կուռում էր Թիւրքիայում շերիաթի մութ ոյժերի հետ:

Առանձնապէս իրենց մօտ էին զգում Ֆրանսիային, ի հարկէ, տանիկ ազատականները. և երբ սկսում է գաղտնի երիտասարդ-թրքական շարժումը, քաղաքական էմիգրացիան ուղևորում է ուղիղ դէպ այդ երկիրը. Պարիզում հրատարակում էր Ահմեդ-Ռիզայի խմբագրութեամբ երիտասարդ-թրքական Սեփետեր թերթը. դրա հետ միասին ֆրանսիական քաղաքական տրակտատները, խստօրէն արգելւած Արդիւլ-Համիդից, յամենայն զէպս ներմուծւում էին Թիւրքիա ու զարթեցնում արևելեան ծոյլ միտքը:

Մեծ հմայքով էր օգտւում մշտապէս Տաճկաստանում և

Անգլիայի անունը, բայց բացառապէս որպէս պետութեան ամբողջութեան պաշտպանի: Անգլիան Թիւրքիայում կուլտուրական ազդեցութիւն անպայմանօրէն չի ունեցել: Իսկ տաճիկ ազատամիտները Ֆրանսիայի հաւասար երկրպագում էին և նրան, որպէս բարձր քաղաքական իդէալների կրողի:

Նման պայմաններում Արդիւլ-Համիդի գերմանափրական քաղաքականութիւնը չէր կարող համակրութեան հանդիպել տաճիկ աւելի կիրթ հասարակութեան կողմից, որը անհաշտ էր բունակալական կարգերին: Ի հարկէ, գերման լեզուն ու գերման «քաղաքակրթութիւնն» ակամայից պատուաստում էին Գերմանիա ուղարկւած տաճիկ սպաներին, կամ պոլսական զինւորական դպրոցի իւնկերներին, որոնք գիտութիւնների կուրսը լսում էին գերման մարդիչները մօտ: Բայց զինւորական շրջաններից զուրս գերմանական ազդեցութիւնը չէր տարածւում: Ճիշտ է, գերմանացիք վերջին տասնամեակին Տաճկաստանում քիչ գերմանական դպրոցներ չեն բացել, առաւելապէս Պաղեստինում, բայց Թիւրքերը դժկամակրութեամբ էին յաճախում այդ դպրոցները: Ընդհանրապէս պիտի ասել, որ գերմանական բնակչութիւնն իւր խնայասիրտութեամբ, մանրակրկտութեամբ ու կոպտութեամբ չէր կարող տաճկի սրտին մօտ լինել, ու բոլորին է յայտնի, որ տաճիկ զինւորներն ամբողջ հոգով ատում էին իրենց գերմանացի մարդիչներին: Այսպիսով, Արդիւլ-Համիդի ժամանակ գերման Բաղաբախրուքեան տաճկական կեանքը թափանցելու մասին խօսք լինել չի կարող<sup>1)</sup>: Իսկ տաճկական հոգերը գերմանացիներով բնակեցնելը, Բաղաբախրեան երկաթուղու և ուրիշ շահաւէտ մենաշնորհների նոցա զիջելն, ընդհանրապէս Գերմանիայի տնտեսական մուտքը Թիւրքիա կատարում էր, ի հարկէ, ոչ յօգուտ տաճիկ ժողովրդի, այլ միայն Արդիւլ-Համիդի: Վիլհելմի հետ ունեցած անձնական տեսակցութիւնից յետոյ, որը չխորշեց երկու անգամ երկրպագութեան գնալ սուլթանին, այս վերջինը լաւ գիտէր,—որ ոչ մի տեղ նա չի հանդիպել այնպիսի ուժեղ քաղաքական պաշտպանութեան, որպիսին նա կգտնի գերմանական կայսեր մօտ, ի հարկէ, քանի ինքը կկատարի նրա բոլոր ցանկութիւնները տնտեսական շրջանում: Այսպիսով, առաջացաւ անձնական զաշնակցութիւնը ժամանակակից աշխարհի երկու խոշոր բունակալների:

Նման պայմանների տակ աւելորդ է երկարօրէն կանգ առնել երիտասարդ-Թիւրքերի դէպ գերմանացիները տաճած զգացմունք-

1) Ես Սոյլ եմ տալիս ինձ յենեկ իմ սեփական փորձին.—իմ Թիւրքիայում անցկացրած 16 տարիների ընթացքում ես ճանդիպեցի Թիւրքերի մէջ եւ ոչ մի հատ ոչ—զինւորականի, որը խօսէր գերմաներէն:

ների վրայ նոցա պատմութեան մինչ—յեղափոխական շրջանում: Ու այդ զգացմունքներն իրենց մասին յայտնեցին հենց որ Արգիլ—Համիդի վրայ առաջին յաղթանակը տարւեց ու սահմանադրութիւնն ազգարարւեց:

Գերմանիայի և Աւստրիայի յայտնի կողմնակից մեծ եւարքոս Ֆերիդ—փաւայի հրաժարականը Թիւրքիայում ունեցած գերմանական քաղաքականութեանը տւած առաջին հարւածն էր: Ֆերիդ—փաւայն իւր հետ տարաւ աւստրո—գերման—տաճկական դաշնակցութեան շուրջը եղած բոլոր երազները, ըստ մի քանի տեղեկութիւնների, բաւականին մօտ իրականալու: Համաձայն այդ ազբիւրների, մեր բարի միւրցշտեղեան դաշնակից Աւստրիան 1908 թւին գաղտնի պայման էր կնքել Թիւրքիայի հետ՝ որով նա պարտաւորուած էր պահել statu quo-ն Մակեդոնիայում և աջակցել այդ շրջանում Սուլթանի գերագոյն իրաւունքների վերականգնման: Ըստ նոյն պայմանի Աւստրիան նոյնպէս, իբր թէ, պարտաւորւել է ստիպել Սերբիային ու Չերնոգորիային չեզոքութիւն պահպանել Թիւրքիայի Բուլղարիայի հետ ունեցած ընդհարման դէպքում. իսկ Տաճկաստանը պարտաւորւել է արգելք դնել Սանջակում սերբական քարոզին և զիջել բոլոր մենաշնորհները Սալոնիկեան և Ուսքիւրեան նահանգներում միայն աւստրիական և հունգարական հպատակներին:

X Համաձայն նոյն այդ տեղեկութիւնների, Թիւրքիայի նոր տէրերը չեն վաւերացրել այդ պայմանագիրը: Ֆերիդին փոխարինում է յայտնի անգլիասէր Քեամիլ—փաւան: Իսկ նոր անգլիական դեսպան Sir Gerald Lowther, նոր եկած ժամանակ զուրս հանւած գնացքից ձեռքերի վրայ, սուլթանի մօտ ունեցած տեսակցութեան ժամանակ ընդգծում է Անգլիայի դէպ վերանորոգւած Թիւրքիան տաճած յատուկ զգացմունքները: Էլ աւելի ջերմ զգացմունքների փոխանակութիւն տեղի է ունենում երիտասարդ—Թիւրքերի և Ֆրանսիական կառավարութեան ու հասարակութեան մէջ: Սակայն, բացի այս, տեղի է ունենում մի բոլորովին անսպասելի երևոյթ—մտերմութիւնը երիտասարդ Թիւրքիայի իւր գարաւոր թշնամի—

X Ռուսաստանի հետ:

X Այդ մտերմութիւնը ստեղծւեց ոչ միայն շնորհիւ այն բանի, որ Ռուսաստանն Անգլիայի ու Ֆրանսիայի բարեկամն էր: Շատ ուժեղ տպաւորութիւն թողեց երիտասարդ—Թիւրքերի վրայ Ս. Պ. Իզվոլսկու օրջաբերականը, որով ապահովուած էր երտասարդ Թիւրքիային Ռուսաստանի համակրանքն ու մինչև անգամ պաշտպանութիւնը,—մի անխուսափելի պայմանով միայն՝ որ Թիւրքիան կիրազործի իւր խոստացած բարենորոգութիւններն ու պետութեան քրիստոնեայ ազգաբնակութեան համար նոր շրջան կբանայ: Ոչ

պակաս բարեհաճ տրամադրութիւն առաջացրեց Տաճկաստանում 1908 թ. դեկտեմբերի 12-ին մեր արտաքին գործոց նախարարի Պետական Դումայում արտասանած ճառը 1):

Ռուս—տաճկական մտերմութեան գաղափարը կառավարչական շրջաններից հասարակական լայն խաւերին անցաւ ու անդրադարձաւ ուսու և տաճիկ մամուլի մի շարք հետաքրքիր յօդւածների վրայ: Սկզբում Իկդամը (ի պատասխան *НОВОЕ ВРЕМЯ*-ի յօդւածի), իսկ յետոյ, մի շարք տատանումներից յետոյ, և Իկդամի քաղաքական հակառակորդները—«Միութեան և Յառաջադիմութեան» կոմիտէի օրգաններ՝ Թանին և Շուրայի—Ումմէթը, սկսում են ապացուցել անհրաժեշտութիւնը վերակազմւած Ռուսաստանի և երիտասարդ Թիւրքիայի համար մոռանալ հին հաշիւներն և բանալ նոր շրջան բարի—զրացիական յարաբերութիւնների համար. ընդ սմին նոքա կատարելապէս ընդունում էին և ուստական՝ քրիստոնեաների և մուսուլմանների իրաւահաւասարութեան պահանջը, որպէս երիտասարդ—թրքական ծրագրից բխող պահանջ: Յիշատակած տաճիկ թերթերը սկսում են նոյնպէս համակրութեամբ արտայայտել ուստական մամուլի կոչին՝ մէկտեղ կուսի պատրաստել ընդդէմ Աւստրիայի և Գերմանիայի և անգամ իւր գոհունակութիւնն յայտնել բալկանեան դաշնակցութեան գաղափարի առթիւ, որի մէջ և Տաճկաստանը պիտի մտնէր 2):

X 1) «Այդ երեք պետութիւնները (Բուլղարիա, Սերբիա, Չերնոգորիա) պէտք է խելամուտ լինեն իրենց մէջ ստեղծելիք բարոյական ու քաղաքական միութեան անհրաժեշտութեան գիտակցութեանը: Մեր նպատակը պիտի լինի—ի մի բերել այդ պետութիւններն ու միացնել նոցա Թիւրքիայի հետ իրենց ազգային ու տնտեսական անկախութեան պաշտպանութեան մի ընդհանուր դաղափարով»:

2) Բերեմք մի քանի հետաքրքիր կտորներ այդ ժամանակայ տաճկական պարբերական մամուլի յօդւածներից:

Իկդամը 1908 թ.ի սեպտեմբերի 22-ին:

«*НОВОЕ ВРЕМЯ*-ն մատնանշում է, հաստատելով մեր նախկին նկատողութիւնները, թէ Պետերբուրգի կառավարութեան բարեացակամ վերաբերումն իրականօրէն է արտայայտել, այսինքն մակեդոնական բարենորոգութիւնների պահանջների յետ վերցնելովն եւ ուսու ժանդարմական լպաների յետ կանչելու միջոցով: Բայց յետոյ լրագիրը նկատում է.— հանդէպ օրէնքի Թիւրքիան սլաւոնների եւ մուսուլմանների իրաւահաւասարութեան սկզբունքն է առաջադրել եւ Ռուսաստանն իրեն բաւարարւած կզգայ, եթէ այդ խոստումն իրականանայ գործնականում»:

«Ինչ վերաբերում է մեզ, մենք մեր հերթին մեր հաւանութիւնն ենք տալիս այդ խօսքերին, այլ եւ նոցա աւելի մեծ նշանակութիւն ենք վերա-

Երիտասարդ-թիւրքերի նման վերաբերումը դէպ երբեակ  
 Համաձայնութեան պետութիւնները նոցա ազատութեան մեղրա-  
 միաներին բացատրում էր, ի հարկէ, ոչ միայն գաղափարախո-  
 սութեամբ, այլ ամենից առաջ նրանով, որ Աւստրիան ու նրա  
 թիկունքում կանգնած Գերմանիան լցրել էին այդ մեղրի մէջ  
 բաւական քանակութեամբ ձիւթ թէ Բոսնիայի ու Հերցեգովինայի  
 միացումով, թէ նոյնպէս և Բուլղարիայի անկախութիւնն յայտա-  
 րարելով, որ երիտասարդ-թիւրքերը վերագրում էին գլխաւորա-  
 պէս Աւստրիայի սոսնձութիւններին:

Իսկ այդ նոյն ժամանակ Ռուսաստանը հանդէս է գալիս իւր  
 ֆինանսական առաջարկով, կանխելով Թիւրքիայի և Բուլղարիայի  
 մէջ տեղի ունենալիք ընդհարումը.—այն է՝ ռուսական կառավա-  
 րութիւնը հնարաւորութիւն է տալիս Սոֆիայի կարինետին առանց  
 անյապաղ ծախսերի վերջացնել բոլոր դրամական հաշիւները  
 Թիւրքիայի հետ. համաձայն ռուսական առաջարկի՝ Ռուսաստանին  
 ունեցած տաճկական պարտքի մեծ մասը, բաղկացած 1877 թւի  
 կուէ պատերազմական տուգանքի դեռ չմուծւած միանւագ գու-  
 մարներից, փոխանցւում է Բուլղարիային:

Այդ օրերին, թւում էր, թէ Թիւրքիայի վրայ ունեցած անտրո-  
 փեմանական ազդեցութեանը վերջ է տրւում: Աւստրական ապրանք-  
 ներն ամենաանխնայ ձևով բոյկոտի են ենթարկւում զրեթէ ողջ

գրում ու հրաժարում ենք մեր բոլոր հայրենակիցների ուշադրութիւնը  
 նրանց վրայ: Թէեւ այս նոյնն ասել ենք մենք չէ թէ մի անգամ, բայց,  
 դժբախտաբար, կրկնելու կարիքն է զգացւում:

«Պատմութեան մէջ դեռ չպատահած այն երեւոյթը, թէ ինչպէս  
 ամբողջ Եւրոպան դուրս առած Ռուսաստանին գործուէութեան նման  
 ազատութիւն է մեզ վերապահում՝ միայն մի էական պայման յարդելն ի  
 նկատի ունի,—որ մենք մտա ապագայում կիրականացնենք ազատութիւնը,  
 հաւասարութիւնն ու եղբայրութիւնը, որոնք մենք խոստացել ենք բոլոր  
 օսմանեան հպատակներին առանց ցեղի ու հաւատի խտրութեան, մենք  
 չպիտի, ինչպէս այդ առաջ է եղել, թղթի վրայ գրենք ու գործի մէջ  
 խախտենք: Թէ չէ, նորէն արեւելեան հարցը յարութիւն կառնի: Նորէն  
 Ռուսաստանը Եւրոպայի հետ միասին կսկսեն խառնել մեր բոլոր ներքին  
 ու արտաքին գործին ու մեր հանդիսար վրդովել: Ինչո՞ւ ճշմարտութիւնը  
 թաղցնենք: Ինչո՞ւ տեսնենք միայն առաւելութիւնները մեր այսօրւայ դրու-  
 թեան ու փակենք աչքներս նրա վտանգների առաջ:

Իկոմար 1908 թի սեպտեմբերի 25-ից.—«Մենք մեծ հանդիպում ենք  
 տպագրում ռուսական մամուլի կարծիքները ներկայ դրութեան մասին:  
 Մեր խօսքերը հաստատութիւն գտան: Ռուսաստանը, Անգլիայի նման,  
 հաւանութիւն չի տալիս այն իրաւախախտումներին, որոնք Աւստրիան ու

կայսրութեան մէջ. բազմամարդ հրապարակական ժողովներում  
 անիծում է Աւստրիայի անունը, իսկ երբեակ Համաձայնութեան  
 դեպքանատների առաջ համակրութեան ցոյցեր են տեղի ունենում,  
 և Պոլիս գտնուող ֆրանսիական ու անգլիական քաղաքական դոր-  
 ծիչները, նոյնպէս և ռուսական, ինչպէս, օրինակ, Ա. Ի. Կուչկովը,  
 մեծարւում են երիտասարդ-թիւրքերի կողմից (1909 թ. յունւար):  
 Բայց այդ բոլորը երկար չի շարունակւում:

Առաջին ճեղքւածքը երբեակ համաձայնութեան ու Թիւրքիայի  
 մէջ ստեղծուող մտերմութեան մէջ տալիս է անգլիաւոր մեծ եպար-  
 ֆոս Քեամիլ-փաւայի ակամայ հրաժարականը, որն առաջ է բերում  
 Անգլիայում ուժեղ սառնութիւն դէպ երիտասարդ-թիւրքերը: Միւս  
 կողմից, 1909 թւի փետրւարի 26-ին բոսնիական հարցի առթիւ  
 տեղի ունեցած համաձայնութիւնը Աւստրիայի հետ, Դոան ու  
 Աւստրիայի մէջ սերբիական վտանգի հողի վրայ մի որոշ զգոյշ  
 մտերմութեան հողն է ստեղծում: Յամենայն դէպս երիտասարդ-  
 թրքական տիրապետութեան առաջին շրջանի վերջում, այսինքն  
 1909 թւի մարտի 31 յեղաշրջման նախօրեակին, եռեակ գաշնակ-  
 ցութեան դրութիւնը Պոլսում շատ երեւուն էր, ու մասնաւորապէս  
 Գերմանիան չկարողացաւ վերագարծնել իրեն երիտասարդ-թրքա-  
 կան յեղափոխութեան հետեանքով կորցրած դիրքերը: Այդ պատ-  
 ճառով մարտի 31 յետադիմական յեղաշրջումն ընդունւեց գերմա-

Բուլղարիան են կատարել, չի արդարացնում այդ քայլերն ոչ նոցա  
 քաղաքական անհրաժեշտութեամբ եւ ոչ էլ—հասարակական կարծիքի  
 ճնշումով: Այդ մեզ համար ուրախալի լուր է, որը գալիս է ամրապնդելու  
 մեր սկզբից արտայայտած այն միտքը՝ թէ հարցը պիտի լուծւի միջազ-  
 դային կոնֆերանսի ճանապարհով:

«Օրը—օրին ակնի ակնբաղիս է զառնում, որ մեր ռուս բարեկամ-  
 ները ցուցահանում են հազար անգամ ակնի բարեացակամութիւն ու հա-  
 մակրութիւն դէպ օսմանեան սահմանադրութիւնը, քան անտրիպիներն  
 ու գերմանացիները: Հետեւապէս, ինչպէս արդէն որոշ չափով պարզել է  
 НОВОЕ ВРЕМЯ-ի ու մեր մէջ տեղի ունեցած մտքերի փոխանակութիւնից,  
 ռուսական քաղաքականութեան մէջ արդէն առաջացել է մի երջանիկ փո-  
 փոխութիւն դէպ Թիւրքիան եւ սրանից յետոյ մեր հմտութիւնից կախած  
 կիսի այլեւս, թէ ինչպէս կօզուենք մենք նրանից»:

Նուրայի—Հումմեքը 1908 թւի հոկտեմբերի 28-ից.—«Ռուսաստանի  
 եւ Թիւրքիայի քաղաքական համաձայնութեան գաղափարը ծնունդ է առել  
 առաջին անգամ ռուսական մամուլում եւ ռուսական հասարակական  
 կարծիքի մէջ: Այդ միտքը սկզբում արժարժւում է արմատական եւ աղա-  
 տամիտ շրջաններում եւ մամուլի օրդաններում: Բայց աստիճանաբար  
 նա տարածւում ու ընդունւում է մնացած կուսակցութիւնների կողմից:

նական ղեսպանատան և ստամբուլեան գերմանացիներէ կողմից վատ քողարկած գոհունակութեան զգացմունքով:

Բայց միանգամայն անսպասելիօրէն դրութիւնը փոխեց յօգուտ Գերմանիայի չէ թէ յետադիմական յեղաշրջումից յետոյ, այլ հենց որ Արդիւլ-Համիդը գահընկեց արեց: Գրաւորական բանակի գլուխն էր անցել ու երիտասարդ Թիւրքիայի ժամանակաւոր ղեկատարը դարձել Գերմանիայի փորձեալ խորհկամ Մահմուդ-Շեֆկետ-փաշան: Եւ իսկոյն ամբողջ պաշտօնական ու կիսապաշտօն Գերմանիան մի արտասովոր ցինիզմով սկսում է բարձրաձայն աղաղակել, թէ նա միշտ էլ համակրել է ողջ տաճիկ ազնւաբարոյ ազգութեան ու երբէք Արդիւլ-Համիդին: Եռեակ Դաշնակցութեան զիւանագիտական դրութիւնն աւելի ևս է ամրապնդում, երբ 1910 թւի յունւարին մեծ եպարքոս Հիլմի-փաշայի տեղը բռնում է գերմանական ղեսպան, բարոն Մարշալ-Փոն-Բիբերշտեյնի անձնական բարեկամ Սակքի-փաշան:

Անկախ այդ դուռ առտախիւ պահանջներից, կային և մի շարք ուրիշ նեւթի հանգամանքներ, որոնք պայմանաւորեցին երիտասարդ-թրքական տիրապետութեան երկրորդ շրջանում Թիւրքիայի նոր հակումն երբեակ դաշնակցութեան կողմը:

Այդ պատճառներից մէկն էր չարաբախտ կրետական հարցը: Մահմանադրական շրջանի սկզբներին կղզու վրայ արդէն տաճկա-

Այսօր այդ միտքն, այս ու այն գունաւորումներով ընդունում է բոլորի կողմից՝ սկսած սահմանադրական Русскія Вѣдомосте-ից ու վերջացած կիսապաշտօնական Новае Время-ով: Այդ ցոյց է տալիս, որ ամենազատամիտ ու ամենապահպանողական ուսմանը նոյն մտքերն են ցուցադրում դէպ թիւրքիայի հետ ունենալիք համաձայնութիւնը: Ռուսների նման առաջարկը շատ պիտի ուրախացնի տաճիկական հասարակական կարծիքը, որին յայտնի է, որ միայն ուժեղ ժողովուրդների բարեկամութիւնն են հայցում: Աւելի Պետերբուրգի կաթինեղը համաձայնութիւն կառաջարկի երկու երկրների մէջ եղած անկեղծ յարաբերութիւններն ամուր հաստատելու համար, այդ դէպքում պիտի մտածել, որ նման առաջարկը մեծ ուրախութեամբ պիտի ընդունի Դուան կողմից: Մեր կարծիքով, ներկայ յարաբերութիւնները չեն բացասում քաղաքական համաձայնութիւն կապելու հնարաւորութիւնը... Պորտ-Արտուրի եւ Յուսիմի օրերից Պետերբուրգի արտաքին քաղաքականութիւնը դարձել է, իրօք, խաղաղաւէր: Դրան պայցոյց ծառայում են.— համաձայնութիւնների քաղաքականութիւնն Անգլիայի հետ Հնդկաստանի, աֆղանեան սահմանի ու պարսկական ազդեցութեան շրջանների նկատմամբ օրերս Սեբրիային տուած իմաստուն խորհուրդները, այն փաստը, վերջապէս, որ ռուսական մամուլն ու ռուսական հասարակական կարծիքը խորհում են մեզ հետ ունենալիք համաձայ-

կան զօրքեր չկային, սոցա փոխարինել էին չորս հովանաւորող-պետութիւնները (Ռուսաստանի, Անգլիայի, Յրանսիայի, Իտալիայի) գնդերը, և սուլթանի իշխանութիւնը միայն անւանապէս գոյութիւն ունէր: Այնու ամենայնիւ, տաճիկ հասարակական կարծիքը սուլթանի նման պարզ-շինձու իրաւունքների ամենաթիւթե խախտման վերաբերում էր աւելի մեծ դիւրագգածութեամբ ու նախանձախնդրութեամբ, քան Բուլղարիայի ու Բոսնիայի վրայ ունեցած տաճիկական իրաւունքների կորստին: Այսպիսով, չորս պետութիւնները ստիպւած էին երեքալու կրետացիների Յունաստանի հետ ձուլելու միանգամայն բնական ձգտումների և երիտասարդ-թիւրքերի հիւանդոտ դիւրագգած ինքնասիրութեան մէջ: Իսկ Գերմանիան ու Աւստրիան, որոնք կրետական հարցի առթիւ վաղուց էին դուրս եկել մեծ պետութիւնների համերգից, շարունակում էին մնալ չեզոք դիտողներ և ստեղծած դրութիւնից օգտուելու առիթը բաց, չէին թողնում ձեռքերից: Բոսնիական ձգնաժամին կրետական ժողովի քրիստոնեայ անգամներն երգում են յունական թագաւորին: Առաւել ևս 1909 թւի յունիսի հովանաւորող-պետութիւնների կողմից իրենց գնդերի կղզուց յետ կանչելու փաստն երիտասարդ-թիւրքերի մէջ մեծ ցաւ է առաջ բերում: 1910 թւին կրետական ժողովի կողմից երկրորդ անգամ յունական թագաւորին բերած՝ երգումը, պահանջը—որ այդ

նութեան հնարաւորութիւնն եւ համակրութեամբ են վերաբերում դէպ այդ համաձայնութիւնը: Հարեան կայսրութեան հետ, որն այդքան դրականօրէն նման խաղաղ մտածելակերպ է ցուցադրում, կարելի է համաձայնութիւն կնքել՝ Թիւրքիայի արեւելեան սահմանների, ռուսելիական բարենորոգութիւնների, միջազգային դաշնադրութիւնների եւ նեղուցների ներկայ դրութեան պահպանման վերաբերել: Տաճիկական կառավարութեան իսկական քաղաքականութիւնը կայանում է քաղաքակրթութեան յառաջադիմութեան եւ ժողովրդական իրաւունքների պաշտպանութեան խաղաղ պահովման մէջ: Ներկայիս պոլսական կառավարութիւնը պատրաստ է բարեկամութեան ու համաձայնութեան ձեռք մեկնելու նրան, ով կցանկանայ աջակցել նրա այդ նպատակին հասնելուն: Իսկ Թիւրքերն էլ իրենց հերթին պատրաստ են իսկական եւ անկեղծ սիրով պատասխանելու իրենց ցոյց տուած ամեն մի բարի մտադրութեան: X

Թաւիկը 1908 թւի նոյեմբերի 24-ից.  
«... Ռուս քաղաքական շրջաններում կարծում են, որ հասել է ժամանակը միջոցներ խորհելու Բալկաններում աւստրիական քաղաքականութեան ու նրա յետեւը թաղանթ պանդերմանական ոտնձգութիւնների առաջ արգելքներ դնելու: Այստեղ կարծում են, թէ հասել է ժամանակը հրաժեշտը տալու անցեալին եւ ընտրելու մի այնպիսի ճանապարհ, որն

երդումը բերել ժողովի մուսուլման անդամների կողմից և մուսուլման դատաւորներից (ղաղիներից), կրետացիներից յունական պարլամենտի պատգամաւորների ընտրութիւնը—այս բոլոր փաստերը հզօրապէս զրգուում են երիտասարդ—Թիւրքերին և բերում յունական առևտրի ուժեղ բոյկոտին ամբողջ պետութեան մէջ: Սրա հետ միասին տաճկական մամուլում աւելի ուժեղ է հնչում զայրոյթի լարը հովանաւորող—պետութիւնների դէմ, առաջին հերթին ընդդէմ Անգլիայի, չնայած այն բանին, որ այդ պետութիւններն իրենց հաւանութիւնն են մերժել կրետացիների բոլոր քայլերին ու անգամ ձերբակալել են Աթէնք ուղարկած նոցա պատգամաւորներին: Թիւրքերը պահանջում էին՝ պաշտօնապէս ճանաչել իրենց գերիշխանութիւնը կղզու վրայ, որի մասին ոչինչ չկար կրետական սահմանադրութեան մէջ, և, չստանալով այդ լցում էին ատելութեամբ դէպ հովանաւորող—պետութիւնները:

Ոչ պակաս շահաւէտ դրութիւն, քան կրետական հարցումն էր, Գերմանիան ու Աւստրիան, իրերի բերմամբ, բռնել էին Թիւրքիայի համար անհամեմատ աւելի կարևոր՝ մակեդոնական ու բալկանեան հարցերում: Ռուսաստանը շնորհիւ իւր պատմական առաքելութեան, միշտ ստիպւած էր իւր դէպ Թիւրքիան ունեցած բարեկամական զգացմունքները պայմանաւորել՝ տաճկական քաղաքականութեան դէպ մակեդոնական սլաւոններն ու բալկանեան

ապագայում հաշտ լինէր երկու երկրների (Ռուսաստանի և Թիւրքիայի) շահերին: Ե՞թէ ուս թաղաքագէտներին յաջողի համաձայնեցնել երկու պետութիւնների քաղաքականութիւնն մի այնպիսի ճանապարհով, որը համապատասխանէր նոցա յոյսերին ու իդէալներին, այդ դէպքում նորա ապահոված կլինէին իրենւ համար ապագային մեծ յաջողութիւն և փրկած եւրոպական հաւասարակշռութիւնը լուրջ վտանգից: X

Եւրոպի—Հումմերի 1908 թի նոյեմբերի 21-ից.

«НОВОЕ ВРЕМЯ»-ն տեսնում է, որ Թիւրքիան վերածնում է: Նա ասում է, որ յարաբերութիւնները Թիւրքիայի և բալկանեան սլաւոնների մէջ արմատապէս կփոխեն և որ նոցա շահերի զուգորդման շնորհիւ նորա բոլորը կարող են մի ամբողջութիւն կազմել:—Փոքր պետութիւնները միշտ «մեծ երազներ» են ունենում, վտանգաւոր թէ իրենց համար և թէ մեծ պետութիւնների հանդիսառ խանդարող... Եթէ բալկանեան կայսրութիւնները կհրաժարեն այդ «մեծ երազներից», այդ դէպքում Թիւրքիան պատրաստ է նոցա իւր չորս կողմը համախմբել ու նոցա հետ զաշնակցութեան մէջ լինել...

«Ինչ վերաբերում է բարեկամական համաձայնութեան և զաշնակցութեան Ռուսաստանի հետ, այս դէպքում ճանկաստանը, որի քաղաքականութիւնն ու վարչութիւնը վերանորոգման են ենթարկուում, աւելի քան

սլաւոնական պետութիւններն ունեցած բարեացակամութեան աստիճանով: Իսկ Գերմանիան ու Աւստրիան, ազատ նման կապանքներից, կարող էին, կարիքն եղած դէպքում, Դուան բարեկամութիւնը ձեռք բերել:—Մակեդոնիայում տաճկական կամայականութեան թոյլտուութեան գնով կամ անգամ մակեդոնացիների բնական պաշտպանների—Սերբիայի և Բուլղարիայի դէմ՝ Թիւրքիայի հետ միասին հանդէս գալով: Նման դրութիւնը բաւականին հեշտացնում էր աւստրո—գերմանական դիւանագիտութեան խարդախութիւնները հանդէպ Ռուսաստանի: X

X Բալկանեան բլոկի կամ դաւանակցութեան ռուսական գաղափարը, որի մէջ պիտի մտնէր և Թիւրքիան, սահմանադրական շրջանի սկզբներին տաճիկ մամուլի կողմից ընդունւել էր համակրութեամբ, սակայն, շատ յաճախ այդ համակրութեան մէջ արտացոլում էր և որոշ անվստահութիւն դէպի մեզ: 1910 թի Ֆերտինանդ թագաւորի այցը Պետրոգրադ ու նրան այնտեղ ցոյց տւած սիրալիք ընդունելութիւնը, բաւականին անհանգստացնում են Թիւրքերին. հասկանալի է, որ աւստրիական ու գերմանական կառավարութիւնները շտապում են աւելի ուժեղացնել այդ յուզմունքը, հրատարակելով Communiqué Բերլինում տեղի ունեցած կանցլեր Բետման—Հոլվեգի տեսակցութեան մասին կոմս Էրենտալի հետ, որի մէջ ընդգծւում էր նոցա համակրութիւնը Մօտիկ Արե-

երը և է կարիք է զգում խաղաղութեան: Հարկաւոր է վերսկսել բարեկամական յարաբերութիւնները բոլոր պետութիւնների և առաւելապէս ուս հարեւանի հետ: НОВОЕ ВРЕМЯ-ի խօսքերը.—«Թէ ինչպէս Ռուսաստանը բարեկամական համաձայնութիւն է կնքել իւր զարաւոր թշնամու, Անգլիայի հետ, ճիշտ նոյնպէս էլ նա կարող է զաշնակցութեան մէջ մտնել և նման պայմանների տակ գտնուող Թիւրքիայի հետ», համապատասխանում է, մեր խորը համոզմամբ, երկու պետութիւնների շահերին:—Ռուսաստանն, ինչպէս և մենք, կարիք է զգում խաղաղութեան: Երկու կայսրութիւնների մէջ կնքելիք զաշնակցութիւնը բոլորում է հետեւեալ պարագաներից.—երկու կողմերն էլ կարիք են զգում խաղաղութեան: Ռուսաստանն ու Թիւրքիան—հարեւաններ են: Ռուսաստանն ունի մուսուլման հպատակներ, իսկ մենք—սլաւոն:

«Հնում Անգլիան, Ֆրանսիան և Թիւրքիան կողք-կողքի կոխ և մղել Ռուսիայի դէմ: Իսկ այսօր Ռուսաստանը բարեկամական համաձայնութեան մէջ է Անգլիայի հետ, իսկ Ֆրանսիայի հետ նրան օղակում են զաշնակցական կապերը: Ինչպէս մենք Արիմի պատերազմի ժամանակ այդ մեծ պետութիւնների շարքերում կուել ենք Ռուսաստանի դէմ, այդպէս և այժմ, նոցա հետ մէկտեղ, պիտի լինենք զաշնակցիցները Ռուսաստանի:

«Մի գերմանացի գիտնական ասել է.—առաջ անցնելու համար,

չելքում statu quo-ն պահպանելու գաղափարին և Թիւրքիայի ներքին կեանքն ամրացնելուն, կարծես թէ մէկին ու թէ միւսին վտանգ էր սպառնում: Ռուս դիւանագիտութեանը յաջողում է, սակայն, Իրազանդիոնում ժամանակաւորապէս ցրել տաճկական անհիմն կասկածները: Դրանից յետոյ շուտով դէպ Պոլիս կայացած ճանապարհորդութիւնը, նախ՝ նախարարներ՝ Դանեվի ու Միլովանովիչի, իսկ յետոյ և իրենց՝ Պետրոս և Յերդինանդ կայսրների (1910 թւի մարտին), չեն բերում, այնու ամենայնիւ, որեւէ էական արդիւնքի, և, վերջապէս, չէին էլ կարող բերել, շնորհիւ Մակեդոնիայում չվերջացող տաճկական ահաբեկումների: Միւս կողմից, սլաւոնների վրայ տեղի ունեցած բռնութիւնների ազդեցութեան տակ՝ ուսսական, ֆրանսիական ու անգլիական մամուլն աստիճանաբար բարեկամական վերաբերումից դէպ երիտասարդ Թիւրքիան անցնում է սուր բացասականի: Առեակ համաձայնութեան երկրների հասարակական կարծիքի նման արամադրութիւնը պիտի ստիպէր Թիւրքիային կամ հրաժարել բռնի միջոցների քաղաքականութիւնից, կամ թէ իրեն բերլինում ու Վիեննայում ապահովագրել իւր ներքին գործերին նորէն միջամտելու վտանգից: Երիտասարդ-Թիւրքերն երկրորդ ճանապարհն ընտրեցին, այսինքն նոքա գնացին այնտեղ, որտեղ հակասլաւոնական քաղաքականութիւնը հանդիպում էր չէ թէ քննադատութեան, այլ ջերմ համակրանքի ու հաւանութեան: X

Նրախուսելով, այսպիսով, երիտասարդ-Թիւրքերի անմիջադաքականութիւնը Եւրոպայում, աւստրո-գերմանական դիւանագիտութիւնը մղում է նոցա դէպ արկածների ուղին և՛ Ալիայում, մատնանշելով նոցա այն վտանգը, որը իբր թէ սպառնում է նոցա Հայաստանում—Ռուսաստանից, Արաբիայում—Անգլիայից, որը ձգտում է ստեղծել արաբական խալիֆայութիւն, իսկ Պարսկաստանում—թէ մէկից ու թէ միւսից:

Այս շրջանում յատուկ կարեւորութիւն է ստանում քիւրժ-պարսկական սահմանագծային վեճը: Վաղուց ի վեր Թիւրքիան բաժանում էր Պարսկաստանից չէ թէ սահմանային գծով, այլ այսպէս կոչւած վիճելի կամ չեզոք շերտով, որի փաստական տէրերն էին սահմանագծային ցեղերը: 1905 թւին, օգտւելով այն

պէտք է անցեալը մոռանալ: Ազդերը, առաւել եւս նոցա ղեկավարները պիտի մոռանան ատելութեան, չարութեան, Եղնամութեան եւ վայրոյթի մասին, որպէսզի կարողանան խաղաղութիւն շահել: Եթէ Պետերբուրգից մեզ առաջարկեն համաձայնութիւն կամ դաշնակցութիւն, մեր շահերին ու պատին համապատասխան ծելով, մենք կընդունենք ու կզնահատենք ման առաջարկն ամենայն անկեղծութեամբ եւ ուրախութեամբ: X

բացառիկ հանգամանքներից, որոնք ստեղծել էին մեր՝ Ճապոնիայի հետ ունեցած պատերազմի շնորհիւ, Թիւրքերը առաջ են անցնում դէպ պարսկական անվիճելի հողերի խորքերը և արդէն 1910 թւի մօտալուտին գրաւում են չեզոք շերտից դէպ արևելք ընկած Պարսկաստանից մի խոշոր մաս (մօտ 12,000 կիլոմետր): Ամենափոքրիկ կասկածն անգամ չկայ, որ Թիւրքերի այդ շարժումը առաջին հերթին նպատակ ունէր Ռուսաստանի դէմ պատւանդան ձեռք բերելու: Պարսկաստանում կատարած գրաւումներն ոչ միայն ապահովում էին Թիւրքիային իւր զօրքերը Միջագետքից դէպի հիւսիս տեղափոխելու հազարակիցութեան աւելի յարմար ճանապարհներ, այլ և մօտեցնում էին նրան Սոյին, որով և վտանգի էին ենթարկում Երևանեան նահանգը: Իսկ մեր Ազրբեյջանում երևալուց յետոյ պարսկական սահմանագծային շրջանների գրաւումը տաճիկների ձեռքով դառնում էր ուղղակի վտանգաւոր մեր Թաւրիզի գնդի համար: Սրանից պարզ է, թէ Թիւրք-պարսկական սահմանագծային վեճն որքան մեծ նշանակութիւն ունէր թէ Ռուսաստանի ու թէ նոյնպէս և Անգլիայի համար: Սկսած 1905 թւից ուսսական և անգլիական դեսպանները բողոքում են Դանս առաջ տաճկական գրաւումների առթիւ: Այդ բողոքներն ստանում են աւելի վճռական բնույթ 1907 թւի ուս-անգլիական համաձայնութիւնը կնքելուց յետոյ, բայց նոքա ստանձին յաջողութիւն չեն ունենում մինչև ուսսական գնդի Սոյ ուղարկելը, որը կանգնեցնում է Թիւրքերի գոնէ յետագայ առաջխաղացումը:

X Այսպիսով, քիւրժ-պարսկական հարցը մեր հայեցողութեան ենթակայ 1909—1911 թւականների շրջանում ուս-թրքական և անգլո-թրքական փոխ-յարաբերութիւնների ամենացաւոտ տեղերից մէկն էր: Իւր առաջխաղացման մէջ դէպ Թիւրքմենական ցեղերով բնակեցրւած Ազրբեյջանը՝ գաղտնի խրախուսւած Դերմանիայից, երիտասարդ-Թիւրքերը հանդիպում են Ռուսաստանի և Անգլիայի կողմից կտրուկ հակահարւածի, որը նոցա մէջ առաջացնում է դէպ այս պետութիւնները վառ քողարկւած թշնամութիւն: X

Չնայած, սակայն, իրենց խարդաւանանքների նկատելի յաջողութեան, Դերմանիային ու Աւստրիային այնու ամենայնիւ չի յաջողում,— ոչ Հիլմի-փաւայի մեծ եպարքոսութեան ժամանակ, ոչ անգամ Խակի-փաւայի օրերին, այսինքն ճիշտ մինչև խաւական պատերազմը, թեքել Թիւրքիային բացորոշ դէպ եռեակ դաշնակցութեան կողմը: Ճիշտ է, Սակքի-փաւան ու Մահմուդ-Շեֆիկտը Դերմանիայի ու Աւստրիայի հետ ամենասերտ մտերմութեան անպայմանօրէն կողմնակիցներից էին. Տոն-դեր-Գալըրը դրադւած էր տաճկական բանակի վերակազման խնդրով, որի մէջ

գերմանասիրական տրամադրութիւններն աւելի ու աւելի էին ուժեղանում, վերջապէս, Խակքի-փաշան 1910 թւի օգոստոսին Մարիենբադ՝ էրենտալին ծնրադրութեան է գնում. իսկ այնտեղ տեղի ունեցած խօսակցութեան բովանդակութեան մասին կարելի է դատել այն ձևով, որը արտասանել է պատգամաւոր Բերնեյտերը ռայխստագում Աւստրիայի, Գերմանիայի և Թիւրքիայի մէջ պատրաստուող համաձայնութեան մասին «Բոսֆորից մինչև Բալտիկ խաղաղ ամրացրած դիրք» ստեղծելու նպատակի առթիւ Այնու ամենայնի դաւանակցութիւն առ այժմ կնքւած չէր, շնորհիւ այն հանգամանքի, որ «Միութեան և Յառաջադիմութեան» շարքերում կար հոսանք, որը վերջնականապէս չէր ուզում խզել իւր կապերն երբեակ համաձայնութեան հետ:

Որ այդ շարժումը, որի գլուխն էին անցել կուսակցութեան այնպիսի պահանջներ, որպիսիք էին՝ Քալապ, Ջալիլի, Հիւսեյն-Ջահիթ և Խալիլ, այն ժամանակ բաւականին ուժեղ էր, ապացուցւում է շատ փաստերով: Այսպէս, օրինակ, դեռ 1909 թւի դեկտեմբերին գերմանացիները տաճկական պարլամենտում Հիլմի-փաշայի դէմ նուրբ նենգութեան են դիմում, որովհետև վերջինս ընդունել էր Տիգրիսի ու Եփրատի վրայով նաւելու օսմաննան նոր ընկերութիւն կազմելու անգլիացի Լինչի նախագիծը. — Քանի՞ն թերթը: «Միութեան և Յառաջադիմութեան» օրգանը բաց է անում գերմանական խարդաւանանքը, որը և վերջանում կատարեալ անաջողութեամբ: Իսկ այն ընդունելութիւնը, որը ցոյց են տալիս նոյն Հիլմի-փաշային նրա անկումից յետոյ Յրանսիայում, Անգլիայում և գլխաւորապէս Ռուսաստանում, կառավարութեան ու հասարակութեան մի մասի կողմից (կարող եմ յիշեցնել **Новое Время**-ի խմբագրատան բանկետը), ընդունւում է այն նոյն երիտասարդ-թրքական խաւերում մի առանձին բաւականութեամբ: Շատ բնորոշ է նոյնպէս և այն, որ Աոֆիայի սլաւոնական համագումարի ռուս ներկայացուցիչները, զոցա թւում և մեր Պետական Դումայի նախագահ Ա. Ի. Կուչկովը, 1910 թւի յուլիսին Պուսով անցնելիս, շատ երիտասարդ-թրքական գործիչների կողմից համակրութեամբ են ընդունւում: Իսկ Հիլմի-փաշայի էրենտալի հետ ունեցած տեսակցութեան առթիւ Կոմիտէի կիսապաշտօն Քանի՞ն Աւստրիայի ու Գերմանիայի քաղաքականութեան բաւականին անհամակիր յօդւած է նւիրում, որը կատարի պատասխանի է արժանանում գերմանական ղեկավանատան օրգան **Osmanischer Lloyd**-ի մէջ:

Քալապի ու Ջալիլի խմբակի դէպ եռեակ համաձայնութիւնը ցուցանանա՞ծ նման վերաբերումը Խակքի-փաշայի նախարարութեան սկզբնական ամիսներում, հիմնւած էր թէ Ռուսաստանի

ու Անգլիայի հզօրութեան առաջ զգացած փրկարար վախի ու թէ Յրանսիական գրամական Եուկային դիմելու մշտնջենական կարիքի վրայ:

Իրաւ է, այդ իսկ վերջին ասպարիզում երիտասարդ-թիւրքերին շուտով հիասթափութիւն տիրեց: Սահմանադրութեան ներմուծմամբ տաճկական Ֆինանսական տնտեսութիւնը չբարձրւեց: 1909 թւի բիւջէի պակասը կազմում էր 5,460,583 լիրա, այսինքն քառասուն միլիոն ռուբլոց աւելի մի գումար, իսկ 1910 թւի պետական ելիմտացոյցի նախագիծը կանխատեսում էր 6,800,000 լիրայի պակաս, հաւասար 58 1/2 միլիոն ռուբլու: Իսկ պատգամաւորների պալատը՝ կրճատելով որոշ մուտքեր և աւելացնելով արտակարգ ծախսերը, հասցնում է իւր պակասը մինչև 10 1/2 միլիոն լիրայի (95 միլիոն ռուբլու), որի ծախսերի մեծ մասն ընկնում է բանակի վրայ: Այդ պատճառով, հասկանալի է միանգամայն, որ Ֆրանսիական կառավարութիւնը՝ նախ քան Պարիզի բորսայում նոր տաճկական փոխառութեան շրջանառութիւնը կթողարկէր, Դոան առաջադրում է մի շարք պահանջներ, որոնք տաճկական Ֆինանսների վրայ մի որոշ Ֆրանսիական հսկողութիւն նշանակելն ի նկատի ունէին: Յրանսիայի Դոան կողմից մերժւած նման պահանջը՝ ուժեղ յուզմունք է առաջացնում առանց բացառութեան բոլոր երիտասարդ-թրքական շրջաններում, և անգամ Ֆրանսասէր Քանի՞նը սկսում է ամենաանխնայ կերպով յարձակել Յրանսիայի «մերկանտիլ» քաղաքականութեան վրայ: Աւստրիան ու Գերմանիան, չնայած իրենց Ֆինանսական թուրութեան, կարևոր են գտնում Թիւրքիայի օգնութեան գալ, — ու 7 միլիոնի տաճկական փոխառութիւնը կնքում է, առանց տաճկական Ֆինանսների վրայ հսկողութիւն նշանակելու, կոնսորցիումի մօտ, որի մէջ մտնում են 32 գերմանական ու աւստրիական զբաղմունքներ:

Նման ճակատագրական ժամին ցոյց տւած ծառայութիւնն, ի հարկէ, մեծապէս բարձրացնում է Գերմանիայի հեղինակութիւնը երիտասարդ-թիւրքերի մէջ և ձեռք է բերում իրեն նոր կողմնակիցներ: Բայց գերմանացիների ճարպիկ քայլով առաջացրած տպաւորութիւնը շուտով մի քիչ թուլանում է Պուսովի տեսակցութեամբ, որի ժամանակ Գերմանիան համաձայնութեան է գալիս Ռուսաստանի հետ, ի միջի այլոց, և Բաղդադեան երկաթուղագիծը պարսկականի հետ միացնելու ինդիքի շուրջը, մաքսային հարցում ի նկատի չունենալով տաճկական գերիշխանութեան իրաւունքները. Թիւրքերին ստիպում են մի քիչ զգուշանալ և Աւստրիայի Միտրովիցայից մինչև Ուվաց Սանջակեան երկաթուղագիծը կառուցելու եռանգազին ցանկութիւնը, նոյնպէս և նոյն

Աւստրիայի յօդու ապստամբ ալբանացիները արած միջնորդութիւնը: Բացի այս, եռեակ գաշնակցութեան ակնբեր դարձած Ֆինանսական թուրութիւնն ապացուցում է բոլոր թիւրքերին վաղ թէ ուշ ֆրանսիական դրամական շուկային դիմելու անհրաժեշտութիւնը: Այդու՝ 1910 թւի վերջին պարզապէս յաղթանակում է մի քաղաքականութիւն, որը համազօրն էր, մի կողմից, Խակքի-փաշայի և Մահմուդ-Շեֆկետի գերմանասիրութեան, իսկ միւս կողմից—Քալաթ-Չալիդեան իմբակի ղէպ երբեակ համաձայնութիւնը տածած որոշ համակիր զգացմունքներէ: 1910 թւի դեկտեմբերի սկիզբներին Խակքի-փաշան ստիպուած էր պարլամենտում յայտարարելու՝ որ «դրամական հարցը» չէր կարող փասել ֆրանս-թիւրքական պատմական բարեկամութեան և որ ընդհանրապէս թիւրքիան ցանկանում է բարեկամական յարաբերութիւնների մէջ լինել բոլոր մեծ պետութիւնների հետ.— նման յայտարարութիւն անում է և արտաքին գործոց նախարար Րիֆաթ-փաշան պալատում 1911 թւի ապրիլին:

Այս ազգարարութիւնները նշանակում են, ի հարկէ, միայն այն, որ թիւրքիան պատուօնապէս չի յարել եռեակ գաշնակցութեան: Կառավարութիւնը զաղտուկ շատ յաճախ էր հետևում Բերլինի ներշնչումներին, ու եթէ Հիլմի-փաշայի երկրորդ նախարարութիւնից (1909 թւի ապրիլին) մինչև իտալական պատերազմն (1911 թւի սեպտեմբերը) եղած ամբողջ ժամանակաշրջանը կարելի է ընտրուել որպէս սպասողական ջեզոնութեան ժամանակաշրջան, այդ, ի հարկէ, միայն մի վերապահութեամբ, որ այդ չեզոքութիւնը, թէև աննշան խանդարումներով, աւելի ու աւելի էր դառնում բարեյաջող Գերմանիայի նկատմամբ:

Թիւրք-իտալական պատերազմը Գերմանիային երկդիմի դրութեան մէջ էր դրել բարեկամ թիւրքիայի ու դաւեռակից իտալիայի մէջ: Գտնելով՝ որ նա բաւականաչափ կատարել է իւր պարտքը գաշնակցի առաջ, թոյլ տալով նրան յարձակել բարեկամի վրայ, յետագայում գերման քաղաքագիտութիւնն ամեն ջանք գործադրեց, սիրաշահելու իւր բարեկամին՝ տալով նրան այժմ արդէն իւր գաշնակցի հաշին բաւականին էական փոխակըշտութիւններ: Այսպէս, օրինակ, յանձն առնելով թիւրքիայի իտալանպատակների վրայ հովանաւորութեան խնդիրը, գերման գեսպանատունը համաձայնում է զրկել նոցա պատերազմի ժամանակ բոլոր գաշնագրային արտօնութիւններից, այն ժամանակ, երբ 1877 թւին նոյն գեսպանատունն նման առանձնաշնորհումների կիրառումն էր պահանջում իւր հովանաւորութեան ենթակայ ուսանապատակների համար:

Զնայելով, սակայն, այդ ու նման սիրաշահութիւններին,

գերմանական ազդեցութիւնն ամբողջ իտալական պատերազմի ժամանակ այնու ամենայնիւ տատանում էր: Խակքի-փաշայի նախարարութիւնը սկսում է ենթարկել սուր դատապարտութեան: Նոր մեծ եպարքոս Սաիդ-փաշան արտայայտում է «Ընկուսացման քաղաքականութեան» ղէմ, իսկ երիտասարդ-թրքական մամուլը սկսում է պատերազմի առաջին ամսում ղէպ եռեակ համաձայնութեան կողմը թեքել ու յատկապէս ծեծել Ռուսաստանի հետ համաձայնութիւն կնքելու հնարաւորութեան հարցը:

Բայց այս անգամ երիտասարդ թիւրքիան չի հանդիպում ու չէր էլ կարող հանդիպել առանձին համակրանքի ուս հասարակական կարծիքի կողմից, որն արդէն իւր հաւատն էր կորցրել ղէպ նրա վերածնունդը: Բացի սրանից, այդ պատերազմը յատուկ ուժգնութեամբ զգացնել է տալիս ուս հասարակութեան Սև ծովում եղած մեր դրութեան ամբողջ անբնականութիւնն ու մեր առևտրի վիրաւորական կախումը թիւրքիայի հայեցողութիւնից: Նեղուցները պատերազմի սկզբի մի քանի օրերին բաց էին, իսկ երբ իտալացիները ոմբակոծում են Դարդանեւն, այդ ժամանակ նոքա փակ են մնում մի ամբողջ ամիս (ապրիլի 5—մայիսի 5), հասցնելով անազնի վնասներ մեր հացահատիկների առևտրին: Ի հարկէ, դժւար է բացասել Կայսրութեան մայրաքաղաքի մուսքն արգելելու համար նեղուցներն ականներով պատելու թիւրքիայի իրաւունքը: Բայց այդ հանգամանքն էլ աւելի ցայտուն կերպով ընդգծում է նեղուցների հարցում եղած մեր ու տաճկական շահերի անհաշտութիւնը: Ծիշտ է, գտնւում է տաճկական հրապարակախօս, յայտնի Հիւսեյն-Չամիդ-բէյը, որը քաջութիւն է ունենում իւր թերթում յայտնելու,—որ Ռուսաստանն անգամ իւր զինուորական նաւերի համար նեղուցներով անցնելու ազատ իրաւունքը պիտի ունենայ, թէև պայմանով՝ որ մի օրւայ ընթացքում մի նաւ միայն անցնի: Բայց Չամիդի կարծիքը համակրութեան չի հանդիպում ու նրա վրայ ընդհանուր կշտամբանքն է տեղում, և նա դժւարութեամբ է խուսափում կուսակցութիւնից արտաքուսելուն:

✕ Իւր ճառում, արտասանած 1612 թւի ապրիլի 13, մեր արտաքին գործոց նախարարը՝ մատնանշելով Ալբանիայի, Մակեդոնիայի և Կրետայի խռովութիւնները, լիակատար իրաւունքով ասում է, որ «Իբրի դրութիւնը Մօսկի Արևելքում չի կարելի համարել կատարելապէս բաւարար»: Ընդ սմին մատնանշում է նա, որ իւր հողի վրայ ներքին խաղաղութիւնն ապահովելու համար թիւրքիային «ամենալաւ, գրեթէ միակ միջոցն է մնում՝ ուշադիր ու արդարացի հոգատարութիւն ցուցահանել ղէպ իւր այլացիկ քրիստոնեայ ազգաբնակչութեան կուլտուրական և տնտե-

սական կարիքները: Մեր նախարարի այդ խօսքերը թիւրք մա-  
մուլի ծայրայեղ անբաւականութիւնն են առաջացնում, որն այդ  
խօսքերի մէջ տեսնում է դարձը դէպ տաճկական ներքին գործե-  
րի միջամտութիւնը: Այն ինչ Ս. Դ. Սազոնովը միայն ընդդէմ  
է մեր՝ երիտասարդ թիւրքիայի հետ ունենալիք բարեկամական  
յարաբերութիւնների այն անհրաժեշտ պայմանը, որը սկսած 1908  
թւից ուսական ամբողջ քաղաքականութեան հիմքն էր կազմում:  
Թիւրք մամուլի քննադատութիւնը միայն ցոյց է տալիս, որ 1912  
թւի թիւրքիան, հակառակ 1908 թւի թիւրքիայի, այդ պայմանն  
իրեն համար արդէն ճնշիչ էր համարում:

Եթէ այժմ յիշենք, որ հանգամանքներն այդ նոյն ժամանակ  
ստիպել էին մեզ թաւրիզում և Ադրբեյդժանի ուրիշ կէտերում  
մեր գնդերն ուժեղացնել, որը չէր կարող, ի հարկէ, թիւրք պան-  
խալմակներին չլուզել, այն ժամանակ հասկանալի կդառնայ՝  
թէ ինչու թիւրքիայում գերմանացիների ունեցած ազդեցութեան  
մի որոշ թուլացմանը չհետևեց մերի համապատասխան ուժե-  
ղացումը:

Վերջապէս, ոչ միայն Ռուսաստանը, այլ և Ֆրանսիան ու  
Անգլիան, գանձելով բարեկամական յարաբերութիւնների մէջ  
Իտալիայի հետ, չէին կարող Դուան հաճութեանն արժանանալ այն  
գնով, ինչ նա էր պահանջում, — աջակցել Տրիպոլիսի վրայ տաճ-  
կական զերիշխանութիւնը պահելու նրա ձգտումին: Այդ պատճա-  
ռով եռեակ համաձայնութեան բոլոր անդամները, և յատկապէս  
Ռուսաստանը, պատերազմի վերջերին սկսեցին մեղադրել Իտա-  
լասիրութեան մէջ: Այսպիսով եռեակ համաձայնութեանը չյա-  
ջողեց բռնել ժամանակաւորապէս թողած գերմանական դիրքե-  
րը, դէպի ուր, ի դէպ ասած, — գանդաղ, բայց վստահելի քայլե-  
րով վերադառնում էր բարոն Մարժալը՝ չմերժելով յաճախ իւր  
բարի խորհուրդը թիւրք բարեկամին իտալացի գաշնակցի դէմ:

Իտալական պատերազմի վախճանին, 1912 թւի ամառը  
լուծում է և՛ բալկանեան տագնապն այնպէս, ինչպէս ճակատա-  
դրօրէն նա պիտի լուծէր, շնորհիւ տաճկական կառավարութեան  
ցանկութեան՝ չստեղծել գոյութեան քիչ-չատ տանելի պայմաններ  
Մակեդոնիայի քրիստոնեայ ազգաբնակչութեան համար: Թիւրքիան  
իրեն գտնում է բալկանեան անկողնային պաշտպանութեան առաջ: Ճան-  
կանալով կանխել պատերազմը՝ մեծ պետութիւնները յայտնում  
են Դուան և բալկանեան պետութիւններին, որ իրենց ձեռքը  
կվերցնեն Բերլինի պայմանագրի 23 յօդուածի հիման վրայ բարե-  
նորոգութիւնների ի կատար ածելը: 1912 թւի սեպտեմբերի 27-ին  
այդ առթիւ պետութիւնների հաւաքական նոտայի Դուան յանձնե-  
լը գալիս է Եւրոպայի թիւրքիայի ներքին գործերին չմիջամտելու

շրջանին պաշտօնական հրաժեշտը տալու ու միջազգայնօրէն ըն-  
դունելու երիտասարդ-թրքական կարգերի անանկութիւնը: Եւ այդ  
նոտան տալիս են ոչ միայն բալկանեան քրիստոնեաների մշտա-  
կան պաշտպանները — Ռուսաստան, Ֆրանսիա և Անգլիա, — այլ և  
Դուան գաղտնի սաղորչներն ու զրդիչները — Գերմանիա և Աւստ-  
րո-Ունգարիա:

Բայց այդ միջամտութիւնը պատերազմը չի կասեցնում:  
Եւրոպայի օգնութեան նկատմամբ իրենց հաւատը կորցնելով,  
բալկանեան պետութիւններն անմիջապէս սուլթանին են առաջա-  
դրում ապահովութեան ամենալուրջ պահանջները, իսկ Դուաբը  
պատասխանում է մեծ պետութիւններին, — որ չի կարող հանդուր-  
ժել օտար միջամտութիւնը և որ ինքը կիրականացնի անհրաժեշտ  
բարենորոգութիւնները:

Դաշնակիցների առաջին փառահեղ յաջողութիւնները գնում  
են Գերմանիային աւելի տնած կացութեան մէջ, քան այն, որի  
մէջ նա գտնուում էր իտալական պատերազմի ժամանակ: Մի  
կողմից, թիւրքերը՝ ջախջախւած ուռասկան աշակերտներից —  
բուլղարներից, սերբիական Creusot հրետանուց, և Ֆրանսիական  
գինւորական միսիայից մարզւած յոյներից, միանգամայն ընակա-  
նօրէն սկսեցին տրանջալ իրենց գերմանացի ուսուցիչների և  
հրուպպի հրանօթների դէմ: Միւս կողմից, գերմանական հասա-  
րակական կարծիքն իւր հերթին զայրացած պրուսական գլխաւոր  
շտաբի անշնորհք աշակերտների ջախջախումից՝ չարտայայտեց,  
գոնէ մամուլում, դէպ պարտաւճաններն առանձին մեծահոգի զգաց-  
մունքներ: Բայց երկու կողմերի համար էլ այդ անդուրեկան  
բողքն շուտով անցաւ: Թիւրքերն, արդէն պատրաստուած Ասիա  
տեղափոխելու, Չաթալայի դիրքերում մի քիչ ուշքի գալով՝  
վերջնականապէս Գերմանիայի դիրքն են նետում: Իսկ Գերմա-  
նիան, պինդ սեղմելով իւր զրկում, հաստատապէս որոշում է  
այս անգամ արդէն այլ ևս բաց չթողնել թանկագին բարեկամին,  
այլ դարձնել թիւրքիան իրեն ստորադաս պետութիւն:

Թիւրքիայի այդ նոր հաղելը մեր թշնամիների կողմը քա-  
ցատրուում է, ի հարկէ, ոչ թէ գերմանական դիւանագիտութեան  
հմտութեամբ, այլ դէպքերի անողոր տրամաբանութեամբ: Երբեակ  
համաձայնութեան պետութիւնների, և յատկապէս Ռուսաստանի  
համակրանքն ամբողջովին գաշնակիցների կողմն էր: Այն հանգա-  
մանքը, որ պատերազմի սկզբնական ամիսներին (1912 թւի հոկ-  
տեմբերից մինչև 1913 թւի յունւարը) իշխանութեան մօտ էին  
երիտասարդ-թիւրքերի թշնամիները, չէր կարող, ի հարկէ, որնէ  
նշանակութիւն ունենալ, շնորհիւ աղջ նոր կարգերի ապացուցւած  
լիակատար անանկութեան և սրանից բղխող անհրաժեշտութեան —

գէթ եւրոպայում վերջ տալ թիւրքական քրիստոնեաների վրայ եղած տիրապետութեան: Այդու՝ եռեակ համաձայնութեան պետութիւնները, և մասնաւորապէս Ռուսաստանը, չէին կարող դաշնակիցներին իրենց ներգործօն դիւանագիտական պաշտպանութիւնը մերժել անգամ թրքական ինքնասիրութեան համար Իդրիսը Թուրքարիային զիջելու ամենահիւանդոտ խնդրում: 1912 թւի դեկտեմբերի 8-ին ռուսական արտաքին գործոց նախարարը հեռագրում է Պոլիս՝ դեսպանին. — «Կարծում ենք, որ Դուստայի վերջին վիճաբանութիւններն ու Պետական Խորհրդից հերթական հարցերին անցնելու ընդունւած բանաձևը, պիտի վերջնականապէս ռուս հասարակութեան միահամուռ տրամադրութեան նկատմամբ եղած թիւրքերի բոլոր կասկածները փարատեն»: Իսկ 1912 թւի յունւարի 2-ին Ս. Դ. Սազոնովը հեռագրում է Լոնդոն՝ կայսերական դեսպանին. — «Միևնոյն ժամանակ մենք մեր պարտքն ենք համարում մատնանշել թիւրքիային՝ բարդութեան հնարաւորութիւնը նրա յամառութեան դէպքում ու պարզորոշ նրան հասկացնել տալ՝ որ թիւրքիան ոչնչի վրայ յոյս չպիտի դնի, որովհետեւ, անգամ թիւրքերի մասնակի յաջողութեան դէպքում՝ մենք անկարող պիտի լինենք սառնասիրտ մնալ դէպ բուլղարների պարտութիւնը»: Ժիշտ է, 1913 թւի յունւարի 4-ին բոլոր վեց մեծ պետութիւնների ներկայացուցիչները հաւաքական նոտա են ներկայացնում Դուան, որի մէջ նրան խորհուրդ են տալիս համաձայնել Իդրիսը զիջելու: Բայց կասկած չկայ, որ գերմանական դեսպանութիւնը՝ լուրեր տարածելով այն մասին, որ ինքն աջակցել է այդ հաւաքական նոտայի մեղմացման, գաղտուկ խրախուսում էր Դուան զիմադրութիւնը շարունակելու: Կ

Յունւարի 10 յեղաբերումն ու երիտասարդ-թիւրքերի իշխանութեան անցնելը, ի հարկէ, աւելի են ուժեղացնում Գերմանիայի ազդեցութիւնը: Թիւրքերի ատելութիւնն այդ ժամանակ ուղղում է գլխաւորապէս Ֆրանսիայի դէմ, որը ցանկանալով Դուան ստիպել շուտափոյթ հաշտութիւն կնքելու, արգելք էր հանդիսանում Ֆրանսիական զբաժանորդութեան ձեռնարկած բոլոր տաճկական փոխառութիւններին: Գերմանական դեսպանութիւնն ըստ ամենայնի հրահրում է դէպ Ֆրանսիան ու դաշնակիցները տաճած այդ ատելութիւնը, որը բնականօրէն աւելի է ուժեղանում այն բուն ոգևորութեան պայթիւմից յետոյ, որն առաջացնում է եռեակ համաձայնութեան երկրներում, յատկապէս Ռուսաստանում, Իդրիսի անկումը (մարտի 13): Ապրիլապէս, 1913 թւի յուլիսին, երբ երկրորդ բալկանեան պատերազմը ստիպում է բուլղարներին Իդրիսը մաքրել, և թիւրքերը՝ չնայած Լոնդոնի նախնական հաշտութեան, սկսում են էնոս-Միդիա գիծն անցնել, — Գերմանիան

զուրս է կասկածից, գաղտուկ նորից նոցա քաջապերողի դերում է ստպարէզ իջնում, թէև մասնակցում է բոլոր պետութիւնների պաշտօնական բողոքներին՝ արւած Իդրիսի գրաւման առթիւ:

Բուլղարիայի հետ անջատ հաշտութիւն կնքելուց յետոյ Դուստայ ստիպւած է լինում, այնու ամենայնիւ, նորից Ֆրանսիայից նիւթական օգնութիւն խնդրել, որովհետև միայն այդ երկիրը կարող էր հանել նրան գրեթէ անդրամ ֆինանսական դրութիւնից: Եւ իրօք, 1913 թւի սեպտեմբերին Թիւրքիայի և Ֆրանսիայի մէջ երկարուղազձային ու Ֆինանսական հարցերի առթիւ, ձեռնառու երկու պետութիւնների համար էլ, նախնական համաձայնութիւն է կայանում: Բայց այդ հանգամանքն անոյժ է լինում տաճկական քաղաքականութեան բնոյթը ֆոխելու: Ժիշտ է, ֆինանսների նախարար Ջավիդ-բէյն յանդգնում է Stamboul թերթի խմբագրին այն կարծիքը յայտնել՝ թէ Թիւրքիան միայն Ֆրանսիային պիտի հետևի (,C'est vers la France seule que nous pouvons nous orienter:"). Բայց գերմանական դեսպան բարոն Վալդեմանն իսկոյն Ջավիդից գանգատում է մեծ եպարքոսին, իսկ «Միութեան և Յառաջադիմութեան» կոմիտէն ֆինանսների նախարարին իւր պարսաւանքն է յայտնում:

✕ ✕ Այդ նոյն 1913 թւին Գերմանիան հանդէս է գալիս Տաճկաստանի համար շատ կարևոր հայկական հարցով: Այդ խնդրում վտանգաւոր ինքնավարութիւններից Թիւրքիան պաշտպանողի դերը բարդացել էր Գերմանիայի համար հայ ժողովրդի համակրանքը ձեռք բերելու ցանկութեամբ, որը Թիւրքիայի ասիական շրջաններում, գերմանացիների ապագայ բնակչութեան վայրում, ներկայանում է որպէս շատ ուժեղ անտեսական գործօն: Գերմանիան այդ պատճառով որոշում է երկզիմի խաղ խաղալ: Ինչպէս յայտնի է, Հայաստանում բարենորոգութիւններ մտցնելու գործում Ռուսաստանն էր վերցրել նախաձեռնութիւնը իւր վրայ՝ առաջարկելով մեծ պետութիւններին — յանձնարարել Պոլսի իրենց դեսպաններին մշակել բարենորոգութիւնների նախագիծը: Գերմանիան ուրիշներին հաւասար մասնակցութիւն էր ցոյց տալիս դեսպանատների լիազօրների ենթէջօյի կոնֆերանսում, բայց անում էր ամենն, ինչ հնարաւոր է՝ խորհրդաժողովից ռուսական բարենորոգութիւնների նախագիծը մերժելու համար, որ Հայաստանից ուղղում էր Լիւանի ու Արևելեան Ռուսիայի պէս մի արտօնեալ շրջան ստեղծել: Ռոմվետեռ անհրաժեշտ էր նախ քան Դուան առաջադրելը բոլոր պետութիւնների համաձայնութիւնն ունենալ, այդու մենք ստիպւած էինք բարենորոգութիւնների սահմանները շօշափելիօրէն սեղմող մի քանի զիջումներ անել Գերմանիային. սրանից յետոյ ռուսական և գերմանական դես-

պաններն, որպէս պետութիւնների երկու քաղաքական խմբակների ներկայացուցիչներ, սկսում են մէկտեղ ճնշում գործադրել Դուան վրայ՝ նրան իրենց ընդունել հարկադրելու իրենց մէջ մշակած կրնաւ ծրագիրն, որի համաձայն Հայաստանը բաժանուում էր երկու հատուածների և գտնուում է օտարերկրացի երկու գններալ ինսպեկտորների կառավարութեան ներքոյ:

Շուտով, սակայն, գերմանական դեսպանատան պնդումները թուլանում են, իսկ յետոյ և բոլորովին ընդհատուում: Այդ նշանակում էր՝ որ գերման կառավարութեան ցանկութիւնները— թեքել իւր կողմը ոչ միայն թիւրք ղահիճներին, այլ և նոցանից տանջած հայերին, վերջիններին մօտ լիակատար պարտութիւն են կրել: Գերման դիւանագիտութեան այդ բաւականին միամիտ հաշիւն այն էր, որ Դուան իրեն երախտապարտ կմնայ բարենորոգութիւնները կրճատելուն համար, իսկ հայերը՝ նոցա թոյլտուութեան համար, թէ՛ թէ և նման կրճատ սահմաններում: Այն ինչ, ռուսական նախագծի սարտածն ետուն զայրոյթ է առաջ բերում տաճկահայերի մէջ Գերմանիայի դէմ: Իբրևից հրաւիրւած գնրմանացի հայադէտ, զոկտոր Աեպսիուսը, չկարողացաւ յաղթահարել հայ հասարակութեան նման տրամադրութիւնները՝ թէ թիւրքերիայում գերմանական կտուալարութեան հաշուով զպրոցներ բանալու խոստումներով ու թէ նոյնպէս Օսմանեան պետութեան զինեալ ոյժերի հրամանատարութիւնը գերման սպաներին անցնելու հեռանկարով.— այս վերջին ռեֆորմը, պատուելի զոկտորի կարծիքով, պիտի միանգամայն ապահովէր հայերի կեանքի ու գոյքի անձեռնմխելիութիւնը:

Տեսնելով իւր լարախաղացութիւնների անաջողութիւնը, Գերմանիան բանակցութիւնների վերջում հայերի նկատմամբ ծայր թշնամական դիրք է բռնում: Այսպիսով կանխօրէն պետութիւններին մշակւած բարենորոգութիւնների նախագծով զիմելու պարտականութիւնը թիւրքերին, համաձայն 1914 թւի յունւարի 26 ահաբի, ստանձնում է միայն Ռուսաստանի նկատմամբ:

Յունւարի 26 համաձայնագրի ահագին նշանակութիւնը Ռուսաստանի համար այն է, որ այդտեղ Դուար պաւտոնապես քնդուում է ռուսական հովանաւորութիւնը տաճկանայերի վրայ, այսինքն՝ Իբրևիսի վեհաժողովի զաշնադրութեան 61 յօդւածից մենք նորից գալիս ենք Սան—Ստեֆանոյի 16 յօդւածին: Մի քիչ առաջ, 1913 թւի նոյեմբերի 4/17, երկար բանակցութիւններից յետոյ, Պոլսում ստորագրուում է թիւրք—պարսկական սահմանագծման պայմանագիրը, որի մէջ յաղթանակում էր ռուս—անգլիական տեսակէտը, այսինքն հաստատուում է մինչեւ 1905 թ. փաստօրէն գոյութիւն ունեցող սահմանը, երբ տաճիկները սկսել էին

իրենց գրաւումները<sup>1)</sup>: Այսպիսով, մեր դիւանագիտութիւնը տանում է երկու խոշոր յաղթանակ՝ Պոլսում գերմանական ազդեցութեան ամենաուժեղ շրջանում: Ի հարկէ, այդ յաղթանակների հետ Գերմանիան հաշտուում է միայն նրա համար,— որ նա զեռ ևս բոլորովին պատրաստ չէր մեզ հետ պատերազմելու և որ նա այդ բանին թիւրքերին բաւարար չափով զեռ ևս չէր պատրաստել: Սակայն նա շուտով անցնում է այդ պատրաստութեան:

1913 թւի նոյեմբերին գեներալ Լիման Ֆոն—Սանդերսի զինւորական միսիան ամուր կերպով հաստատուում է Բոսֆորի ափերին, ու թէև, երբեակ համաձայնութեան բողոքների շնորհիւ, գններալ Սանդերսն շուտով հրաժարեցուում է Պոլսի կորպուսի հրամանատարութեան պաշտօնից, այնու ամենայնիւ նա մնում է բանակի փաստական ղեկավարի դերում,— ու նրա ազդեցութիւնն էլ աւելի է ուժեղանում կատաղի գերմանասէր էնվէր—փաշային զինւորական նախարար նշանակելուց յետոյ:

Ես ինձ թոյլ եմ տալիս յայտնելու, որպէս իմ սեփական կարծիքը, որ Սանդերսի միսիան երևալու ըրպէից, եթէ ոչ առաջ, ազդեցիկ երիտասարդ—թիւրքերի մեծամասնութիւնն ու յատկապէս զինւորականները՝ որոշում են ապագայ համաշխարհային բաղիման պահուն բաղիկանեան պարտութիւնների անարգանքն իրենցից սրբելու համար Գերմանիայի կողմն անցնել: Առաջաջ պէս բոլոր պետութիւնների հետ բարեկամական խաղեր խաղալու նոցա փորձերը սկսում են աւելի ու աւելի անպատշաճ ու թափանցիկ կատակերգութիւնների բնոյթ ստանալ: Ախորժալուր ճառերի ազմկի տակ, արտասանւած՝ ռուս—տաճկական, թիւրք—ֆրանսիական, իտալո—թրքական և ուրիշ մտեմուքեան կամխաներում—երիտասարդ—թիւրքերը շարունակում են կոտորել իրենց քրիստոնէայ հպատակներին—յոյներին ու սլաւոններին— ու գերման ուսուցիչների օգնութեամբ հատուցման պատրաստել: Իսկ նոցա խոստացած հատուցումը շնա էր գայթակղեցնող,— ու մենք հազիւ թէ սխալ ենք, եթէ ասենք՝ որ ծրագրի մէջ մտնում էր յաղթական մուտքը Թիֆլիս ու Կովկասի միացումը թիւրքիային:

Այնու ամենայնիւ, երբ Ռուսաստանի ու Գերմանիայի մէջ պատերազմը բռնկւեց, ինքնազոյութեան բնազդն երիտասարդ—թրքական ազգայնամոլներին ներշնչեց որոշ զգուշութիւն: Նոքա

1) Սահմանագծային յանձնաժողովի ռուս անգամ Վ. Ֆ. Միկուսկու եւ անգլիացի—Wratislaw—ի եռանդի շնորհիւ, յաշողում է տեղում սահմաններն որոշել մինչեւ ռուս—տաճկական պատերազմի սկիզբը, այնպէս որ այդ նոր սահմանը կարող է հիմք ծառայել ապագայ հաշտութեան բանակցութիւնների ժամանակ:



ու պաշարեղէն: Գերմանական հրամանատարութեան փողն 4 հնչում Բոսֆորի ու Դարդանելի ամրութիւններին, և Օսմանեան պետութեան ամբողջ բանակն ու նաւատորմիլը գերմանական հրամաններին է ենթարկուում: Մի խօսքով, այն, ինչ չյաջողւեց Գերմանիային անել Բեյզիայում, յաջողւեց նրան՝ Տանկատումում: —նա գրաւեց առանց դիմադրութեան չեղոք պետութեան մի մասը մայրաքաղաքով հանդերձ:

Պատմութիւնը կը վկայի, որ երեակ նամաձայնութեան պետութիւնները, չնայած Թիւրքիայի նման գրգռեցուցիչ ընթացքին՝ գործադրել են իրենցից կախած բոլոր միջոցները, որպէսզի յետ պահեն նրան պատերազմ յայտարարելու ճակատագրական քայլից: և այդ այն դէպքում, երբ իրենց գերմանացի նոր դաշնակիցները և ազդեցութեան տակ միանգամայն երես առած Թիւրքերն ամեն տեսակի ճնշումների էին ենթարկում Ռուսաստանի, Ֆրանսիայի և Անգլիայի հպատակներին, պատերազմական կարիքները համաք գրաւում էին նրանց ունեցւածքը, իսկ երբեմն և բանա էին նստեցնում առանց որևէ շարժառիթի:

Մի կողմից՝ չեղոքութեան բոլոր նման խախտումների դէմ համաձայնութեան դեսպանութիւնները դուրս էին գալիս աւել կամ պակաս սուր բողոքներով, նախազգուշացնելով Թիւրքերին՝ որ նոքա վտանգի են ենթարկում իրենց գոյութիւնը: Միւս կողմից՝ համաձայնութեան պետութիւններն ընդ առաջ են գնում նախարարութեան չափաւոր անդամների ցանկութեան և իրենց համաձայնութիւնն են տալիս տնտեսական և իրաւական դաշնադրերի վերացման մի պայմանով միայն, — որ Թիւրքիան ժամանակակից դատաստանական կազմակերպութեան կանցնի և կը հետեւի ապագայում իսկական չեղոքութեան, որն առաջին հերթին պիտի արտայայտուի «Գերեմի» ու «Բրեսլաուի» գերմանական նաւախաւերներն արտաքսելուն մէջ: Համաձայնութեան պետութիւններն անգամ պարտաւորւած են Թիւրքիայի անկախութեան ու անձեռնմխելիութեան գրաւոր խոստումն տալ<sup>1)</sup>:

Տաճկական կարիւստում, յաղթանակում է, սակայն, ծայրայեղ հոսանքն ու Դուռը օգոստոսի 27 նոտայով ազդարարում է դեսպանատներին իւր նախաձեռնութեամբ թէ տնտեսական ու թէ իրաւական դաշնադրերը վերացնելու մասին: Այս նոտան առաջ է բերում բոլոր — անգամ գերմանական և աստրիական դեսպանատների պիտիւնը: Բայց, մասնակցելով բողոքներին՝ այս

1) Այդ բանակցութիւնների մանրամասները կարելի է գտնել ռուսական «Նարնչագոյն» եւ անգլիական «Կապույտ» զրքերի մէջ, որոնք վերաբերում են Թիւրքիայի հետ պատերազմելու նախընթաց շրջանին:

վերջինները զեկավարում են, ի հարկէ, միայն կասկածը փարատելու նպատակով, հաստատելու՝ որ իրենք չեն հակաօրէն միջոցը Դուռն ներշնչողները: — հետեւալ բողոքին նոքա այլ ևս չեն մասնակցում: Համին ընկնելով, Դուռը փակում է յետոյ օտարերկրեայ պոստամներն ու միջազգային սանիտարական խորհուրդը: Այնու ամենայնիւ համաձայնութեան պետութիւնները շարունակում են իրենց խաղաղասէր քաղաքականութիւնը. երբ Դուռն գրում է, որ իւր քմահաճ ցանկութեամբ չի հասնի նպատակին՝ առաջարկում է համաձայնութեան պետութիւններին բանակցութիւններ սկսել, — վերջիններս չեն հրաժարուում այդ առաջարկից և շարունակում են բանակցութիւններն ուղիղ մինչև պաշտօնական խօսքը:

Երբեակ համաձայնութեան պետութիւնների նման վարեցողութիւնը թելադրում էր նոցա, ի հարկէ, ոչ այնքան Թիւրքիան կորստից փրկելու ցանկութեամբ, որքան նոցա ձգտումով — չունենալ մի աւելորդ, թէն ոչ առանձինն վտանգաւոր, հակառակորդ ևս: Յամենայն դէպս, տաճիկ բախտախնդիրները՝ մերժելով համաձայնութեան պետութիւնների՝ Թիւրքիայի անկախութեան ու անձեռնմխելիութեան առած խոստումը, ծանր յանցանք են գործում իրենց հայրենիքի նկատմամբ: Ես չեմ կարող այստեղ չյիշատակել անգլիական դեսպան սեր Լիւիս Մալլեթի թունտա խօսքերն, ասած այդ առթիւ Քալապ-բէյին. — «Ես լսել եմ, որ տաճիկ կառավարութիւնը նշանակութիւն չի տալիս գրաւոր յայտադրին, որը ներկայացրել ենք ես ու իմ Ֆրանսիացի և ռուս պաշտօնակիցները նրա անձեռնմխելիութեան նկատմամբ: Ես շատ էի դարմացած նման վերաբերումից, բայց ինքս անհատապէս որոշ թեթևութիւն զգացի. որովհետեւ Թիւրքիայի անկախութեան և անձեռնմխելիութեան նման խոստումն համազօր է այն բանին, երբ գուր մէկի ապրիլու վտանգացումն էք տալիս այն ժամանակ, երբ նա որոշել է ինքնասպան լինելը<sup>1)</sup>:

Բայց ում էր պատկանում այդ ժամանակ իբխանութիւնն Օսմանեան պետութեան հայրենիքում:

Ոչ սուլթանին, ի հարկէ, այդ 33-ամեայ բերդարգելութեան մէջ զառամած, բարեհոգի ու անկամ ծերունուն: Ոչ պարլամենտին՝ որն այդ ժամանակ չկար և ընդհանրապէս կորցրել էր ամեն մի նշանակութիւն: Ոչ կառավարութեան գլուխ անցած՝ մեծ եպարքոս պրինց Սաիդ Հալիլ-փաւային: Այդ դատարկ, սնապարծ ու թոյլ մարդու ամբողջ դերը կայանում էր երբեակ համաձայնու-

1) Blue Book, Events leading to the rupture of relation with Turkey (1914), № 64.





ներք թալաթը կարծում էր, թէ թիւրքիայի շահերը մտերմութիւն են թելադրում երրեակ համաձայնութեան հետ:

Երբ թիւրքիան կարևոր գտաւ ծայրայեղ ազգայնամոլական քաղաքականութեան հետեւել ու նման մտերմութիւնն անհնարին դարձաւ, թալաթը ստիպւած եղաւ Գերմանացիները վրայ յենել: Այնուամենայնիւ, ըստ իմ համետ կարծիքի, նա երբէք էլ Գերմանիայի հետ ֆորմալ դաւենակցութեան կողմնակից չէր, այլ պաշտպաններէն էր անկախ քաղաքականութեան:

Իսկ վերջին տաճնապի ժամանակ արդէն նա, ըստ երեւոյթին, Զաւիդի համախոհներէն էր և ցանկանում էր մի առժամանակ սպասողական չեզոքութեան մէջ մնալ՝ քաղելով նման դրութիւնից բոլոր հնարաւոր օգուտներն, այն է—վերացումն իրաւական ու տնտեսական դաշնագրերի:

Ու չնայած այդ բոլորին, թալաթն, անկասկած, ներկայ է գտնուել Բարոն Վալդեհեմելի մօտ տեղի ունեցած պատմական նիստին, ուր թիւրքիայի բախտն է որոշել: Ես կարծում եմ, որ նա Ռուսաստանի հետ պատերազմելուն իւր համաձայնութիւնն է տւել՝ խիղճը բռնադատելով ու վատ նախազգացումներով: Ժիշա է, թալաթը—յայտնի ազգայնամոլ է, պանիսլամական ու Բալկանեան պատերազմի վրէժը երազողներից: Բայց նա այն թիւրքերից է, որոնք պիտեն Ռուսաստանի հզօրութիւնը հաշի առնել, նա կ'գերադառէր նրա վրայ յարձակել միայն վերջինիս Գերմանիայից կրած պարտութեան զէպքում: Բայց արգելք հանդիսանալ անժամանակ պատերազմին նա, սակայն, չէր կարող: Զօրահաւաքի օրւանից փաստօրէն ամբողջ իշխանութիւնն անցաւ Գեներալխիմուս Էնվերին, ու քաղաքացիական զիկտատորը, չցանկանալով պատմութեան բեմից իջնիլ՝ ժամանակաւորապէս իւր գլուխն է իջեցնում զինւորական զեկավարի առաջ:

Ես այժմ անցնում եմ թիւրքիայի ակամայ ստեղծուած երբորդութեան ամենատիրանոջակ անդամին—Էնվերին:

1908 թւին ոչ ոքի յայտնի 26-ամեայ սպան, ինչպէս և մակեդոնական բանակից նրա ընկերների մեծ մասը, պատկանում էր երիտասարդ—թրքական յեղափոխական կազմակերպութեան: Մի երջանիկ դիպած նրան աչքի է ձգում: Որպէս ուղիւտանդը գեներալ Ինսպեկտօր Հիւսէյն Հիւմի—փաշայի՝ նա իմանում է բացւած զաւարդութեան մասին և այդու, առանց ժամանակ կորցնելու, մի խումբ զինւորների հետ զէպ սարերը բարձրանում ու այնտեղից ապստամբութեան զրօշը պարզում, կանխօրէն իւր առնելը նրա վրայ կերտելով: Դժւար է ասել՝ թէ փառքի որպիսի բարձրութեան կ'հասցնէին ժողովրդական ոգևորութեան ալիքները երիտասարդ Էնվեր—Բեյին, եթէ նա այդ ժամանակ մտնէր

Ստամբուլ: Բայց արդեօք ինքն էր այդ ժամանակ դեռ շատ համետ, թէ «Միութեան և յառաջադիմութեան» կոմիտէն խոչընդոտ հանդիսացաւ՝ այսպէս թէ այնպէս Էնվերը Նոր Հոռմում յողթական մուտքի չարժանացաւ: Դրա փոխարէն, Էնվերը զինւորական գործակալի պաշտօնով Բերլին դնաց ի զէպս շատ ձեռնտու Վիլհելմ կայսեր համար, որը, իհարկէ, բոլոր միջոցները գործադրեց իւր թագաւորի—Վիլհելմի հին բարեկամ—սուլթան Աբդուլ—Համիդի—դէմ ապստամբած երիտասարդ տաճիկ սպային կախարդելու համար: Սակայն այս անգամ Էնվերին չ'վիճակեց երկար մնալ Գերմանիայում: 1909 թւի մարտի 31-ի յետադիմական յեղաշրջման հենց լուրն առնելուն պէս՝ նա զէպ Սուրուն սլացաւ, ապրիլի 13-ին Մանուկ—Շեֆկեդ—փաշայի բանակի հետ մէկտեղ մտաւ Ստամբուլ, աչքի ընկաւ խոփարար զինւորներից զօրանոցները յետ գրաւելու ժամանակ ու այսպիսով ազատութեան գործին նա աւելի շօշափելի ծառայութիւններ մատուցեց, քան այդ 1908 թւին էր: Պիտի մտածել, որ հենց այդ մրբկածուփ ապստամբութեան օրերին էր՝ որ Էնվերի գլխում Նապօլեոնեան երազը ծնունդ առաւ: Միթէ նա չ'փրկեց Կոնվենտը, այսինքն—կոմիտէն: Բայց երիտասարդ—թիւրքերն ամբողջովին այդ տեսակէտը, դեռ ևս չունէին. Մանուկ—Շեֆկետն անժամապէս խաւարացել էր երիտասարդ փառասէրի աստղն,—ու 1909 թւի ապրիլեան 13-ը Էնվերի համար այն հետևանքը չունեցաւ, ինչ 1795 թուի Yendemiaise 13-ը ունեցաւ Բոնապարտի համար,—ազատութեան հերոսը՝ սուլթան Աբդուլ—Համիդի գահընկեցութիւնից յետոյ նորէն վերագարձաւ Բերլին զինւորական գործակալի կոչումով զերմանական կայսեր «սրբազան» անձնաւորութեան մօտ մնալու համար:

Ըստպիկան պատմագիր տաճիկական Նապօլեոնի թեկնածուի առաջ նոր հեռանկարներ է բանում: Իհարկէ, Տրիպոլիսի պաշտպանութիւնը չի ծածկում Էնվերին այն անթառամ փառքով, որով պահւում է Նապօլեոնը Եգիպտոսում: Այնուամենայնիւ չի կարելի բացասել՝ որ Էնվերն էր ոգին այդ պաշտպանութեան, որը նրա առնելը փառքով է շրջապատում ողջ մուսուլմանական աշխարհում: Երբ պատերազմն է սկսւում Բալկանեան դաշնակցութեան հետ, Էնվերը, կրկին հետեւելով նոյն աշխարհակալի օրինակին, վերագառնում է հայրենիք: Կարելի է մինչև անգամ նմանութիւն գրասել Դիրիկտորեան ոչնչացնող 1799 թւի Բրումբերի 19 յեղաշրջման ու Քեամիլ—փաշայի կարինետը տապալող 1913 թուի յունւարի 10 բմբոստացման մէջ,—թէև Բրումբերի 19-ի յեղաշրջումն անցել է առանց իւր հպատակի ձեռքով զինւորական նախարարի սպանութեան: Բայց այստեղ էլ նմանութիւնը կանգ է առնում: Տանկալիան յեղաշրջման չի հետևում Մանրենգալի ձախտամարտն, այլ



ների գէմ կազմակերպած յարձակումն ամենալու ղէպըում կարող էր տօնել ղէպ ներքին քաղաքացիական կռիւը, որի ելքն ան- յայտութեան մշուշով էր պատած, ու որի առաջին հաւանական զոհերը թալաթին ու Ջեմալը պիտի լինէին: Այդ պատճառով տարօրինակ կրորդութիւնը չ'քայքայեց,— ու 1914 սեպտեմբերի 28 գերմանական ղեսպանատան տեղի ունեցած պատմական նիս- տին բոլոր երեքն էլ թիւրքիան Գերմանիային յանձնեցին, եր- կուար, թերևս անգիտակ արածին ու պայմանը պատեհ ժամին խախտելու յետին գիտաւորութեամբ, իսկ էնվերը — միանգամայն գիտակցաբար ու լի հաւատով ղէպ իւր քաղաքականութեան հան- ճարեղութիւնը: Այսպիսով, «ազատութեան հերոս» կոչեցեալի վրայ է ընկնում հայրենիքի կործանման ամենածանր պատաս- խանատութիւնը:

III

ՈՂԲԵՐԳՈՒԹԻՒՆԸ ՏԱՄԻԿ ԺՈՂՈՎՐԴԻ

Երիտասարդ թիւրքիայի ամբողջ պատմութիւնը խորը ող- բերգութեան քամին է փչում: Կուի դրօշը բարձրացնելով Աբգուլ — Համիդի բռնապետութեան ղէմ, երիտասարդ—թիւրքերն ենթար- կեցին իրենց հայրենիքը նախ՝ լեռնականական ակումբին—«Մի- ութեան և յառաջադիմութեան» կուսակցութեան կոմիտէին, իսկ ի վերջոյ— էնվերի բռնակալութեան: Նպատակադրելով թիւրքիան մուսուլմանական աստուածպետութիւնից վերածել իրաւական պե- տութեան,— նոքա չ'վերցրին նրանից շերիաթի կապանքները, տարւեցին ամենավտանգաւոր պանիսլամականութեամբ ու չ'մըտ- ցրին ղատաբանի ու վարչութեան մէջ քիչ-շատ շօշափելի բարենո- բողութիւններ: Գրելով իրենց դրօշակի վրայ «օսմանականութիւն», — նոքա բոլոր այլացեղ ժողովրդներին յուսահատութեան հասցրին, իսկ մի քանիսիներին էլ ապստամբութեան գիրկը նետեցին:

Իսկ այն ինչ երիտասարդ—թրքական յիզափոխութեան ա- ոռաջին ամիսներին կարելի էր ուրիշ ելքի սպասել: Եւ, իրօք, եւ- րոպան, ու մասնաւորապէս Ռուսաստանը չ'պիտի ափսոսան՝ որ նոքա երիտասարդ—թիւրքերին ժամանակամիջոց են տւել իրենց ինքնանկախ գոյութեան իրաւունքն ապացուցելու: Այդպէս աւելի լաւ: Այժմ պատմութիւնը չի ասի՝ թէ տաճիկ ժողովրդին իւր սուլթաններին մեղքերի համար հնարաւորութիւն չ'տրւեց աշխար- հին իւր կենսունակութիւնն ապացուցելու:

Այո, առաջին օրերին ու ամիսներին երիտասարդ—թրքական

յոյգերը գեղեցիկ էին: Դժուար էր կասկածել տաճիկ երիտասարդ սպաների վառ հայրենասիրութեան մէջ, դժուար էր երիտասարդ— թրքական պարագլուխների անկեղծութեանը չ'հաւատալ: Պատ- մաբանն այդ կ'ընդունի: Բայց նա ստիպւած պիտի լինի նոյն- պէս ընդունել՝ որ տաճիկ հասարակական կեանքի նման փթթումն շարունակեց շատ կարճ ժամանակ— մի քանի ամիս միայն— ու վերջացաւ ռէակցիայի պարտութիւնից յետոյ 1909 թ. ապրիլին: Մի շատ զբաղեցուցիչ երևոյթ տեղի ունեցաւ: Երիտասարդ—թիւրքերն Աբգուլ—Համիդի ռէակցիան խորտակեցին, բայց փոխանակ յա- նուն իրաւունքի և ճշմարտութեան իրենց յաղթանակն օգտագոր- ծելու, նոքա աստիճանաբար իրենց բոլոր գաղափարներին դաւա- ճանեցին:

Ինչ թւում է, որ երիտասարդ—թիւրքերի նման ցաւալի էւո- լիւցիայի բոլոր բարդ պահանջները կարելի է մի գլխաւորի վերա- ծել,— երիտասարդ—թիւրքերը չաւին ղէթ մի տաճիկ իրօք խո- շոր, շասենք արդէն մեծ ղէմք, իսկ այն ինչ թիւրքիայի փրկու- թեան համար հարկաւոր էին հանճարն ու երկաթեայ կամքը Պետրոս Մեծի: Հենց որ 1909 թ.ի մարտի 31 յետադիմական յե- ղաշրջումը ցոյց տւաւ երիտասարդ—թիւրքերին, թէ նոցա ու ժո- ղովրդի մէջ անդունդն է տիրապետում՝ նոքա իսկոյն թողին իրենց երկրի մութ ոյժերի հետ կուելու ամեն մի ցանկութիւն: Աւ դարձան մութ եւ իրենք:

Երիտասարդ—թիւրքերը—գրեթէ բոլորն էլ առանց կրթու- թեան մարդիկ են եւրոպական մտքով: Բայց նոքա բոլորը, թէ- պէտեւ մակերեսային, ծանօթութիւն ունէին Ֆրանսիական յեղա- փոխութեան պատմութեանը, գլխաւորաբար ըստ Լուի Բլանի, ու շատ էին սիրում համեմատութիւնները նրա գործիչների հետ: Եւ իրօք, պիտի ընդունել թալաթի զուտ ռոքեսպիտեան պատրաս- տակամութիւնն յանուն հասարակական բարիքի զոհարերելու իւր համաքաղաքացիներից իւրաքանչիւր մէկի կեանքը: Կարելի է, թերևս, Ջավիդի մէջ գտնել Նեկեթի որոշ գծերը: Կարելի է ասել՝ թէ Հիւսեյն Ջավիդի ղալամն երբեմն յաշոյղ նմանում էր Կամիլի Դեմուլեթի գրչին, և ընդունել՝ որ լրտեսութեան սպալարիզում Ֆուսեհն կարող էր ղասեր վերցնել Ջեմալից: Բայց այդ բոլորը քիչ էին թիւրքական պետութիւնը վերակազմելու համար: Կու- րը տաճիկ ժողովրդի սոսկալի տգիտութեան ու կրօնական մոլե- ուսնչութեան հետ վեր էր միջակ մարդկանց ոյժերից, որոնք իրենց որպէս Ֆրանսիական մեծ յեղափոխութեան հերոսներն էին երևակայում, իսկ իրօք միայն Բաբաւներ էին: Նոցանից լաւերին փչացրեց առաջին հանդիպումն իշխանութեան, նոցա յետևից ա- գահօրէն շարւեցին ուրիշները,— ու յանուն գաղափարների մղուող

կախը շատ շուտով փոխանակեց անհատական շահերի շուրջը մղող կուռի, վերջին հաշուով ստեղծելով՝ անխիղճ անհատականութիւն, բախտաւոր արկածախնդրի դիկտատուրա ու ենթարկումն օտարի շինի: Ու այն երիտասարդ-թրքական սպաները, որոնք յանուն թիւրքիան Եւրոպական միջամտութիւնից ազատելուն 1908 թ.ին ապստամբութեան դրօշն էին պարզել, այսօր— շախմատախաղի զինուորներ էին գերմանական զլխաւոր շտաբի ձեռքին:

Ողբերգութիւնը տանկական ժողովրդի կայանում է նրանում, որ նա համաշխարհային բեմում իր երևան գալու օրուանից իւր գոյութիւնն արդարացնելու համար կուլտուրայի տեսակետից ոչինչ չի արել: Ուրիշ ժողովուրդների կեանքի մէջ մտել է նա միայն արցունքների և արեան հեղեղների, նա բերել է նրանց այլացեղերի ու այլադաւանների ստրկութիւն, ու միայն ստրկութիւն: Տիրապետելով հին կուլտուրական ցեղերին— յոյներին, արաբներին, սլաւոնական ժողովուրդներին, գրաւելով սքանչելի քաղաքը, աշխարհի մայրաքաղաքը՝ տաճիկ ժողովուրդը ճահճացել է: Ընդունելով հաւատն իրենցից ցեղով տարբեր արաբներից, նա չ'կարողացաւ ազգային մուսուլմանական եկեղեցի ստեղծել: Ազգատ ամճկական լեզուն հրաժարւում է վերացական մտածողութեանը ծառայելու ու գրեթէ իւր ամբողջ պաշարը վերացական հասկացողութիւնների քաղում է արաբական բանասիրութեան ովկիանոսից: Բայց և զգեստաւորելով արաբական մտքի փառահեղ հագուստով, զարդարելով պարսկական բանաստեղծութեան գանձարանից գողացուած թանգարժէք քարերով՝ տաճիկ ժողովուրդն այնուամենայնիւ չ'ծէեց և ոչ մի մեծ գաղափար: Զ'լսեց աշխարհը նրանից նոր ձայն ու երգ, չ'տեսաւ նոր դէմք ու ձև: Զ'կտակեց տաճիկ ժողովուրդն իր յետնորդ սերունդներին և ոչ մի անուն բանաստեղծի, նկարչի, քանդակագործի, երաժշտագէտի, գիտնականի, որը հիացումով ու սիրով կրկնէր մարդկութիւնը: Դա-դատարկագոյն— ժողովուրդ է: Նրա պատմական միաստան միայն աւերելն է եղել, իսկ աւերելու համար— չի պահանջում ոգի: Բայց ազգային կեանքի հիմունքներ ստեղծելու համար ոգի հատկաւոր է, ու հենց այդ է՝ որ թիւրքիան չունի: Եւ իդուր էին աշխատում մի ժամանակ երիտասարդ-թիւրքերը նրա մէջ այդ ոգին մտցնել: Նոքա իրենք մարմինն էին նոյն մեռած մարմնից:

Եւ այժմ այդ անկեանք, իներտ զանգւածը զեղալարում է Գերմանիան: Նա, իհարկէ, չի ցանկանում նոր կեանք ներշնչել թրքական պետութեան: Նրան հարկաւոր է միայն պատերազմի ժամանակ գալվանացնել Տաճաստանը: Եւ այդ պատճառով Գերմանիան դիմում է թիւրքերի բոլոր պապկեանական բնազդներին և, ի միջի այլոց, աշխատում է նոցա երևակայութիւնը զբզուկ սըր-

բազան պատերազմի հին ուրաւիտում: Ու ահա Գերմանիայի հենց այդ քստմեղի խաղն իսլամի հետ ու այդ խաղին թիւրքիային ենթարկելն ինձ թուում է աւելի քան բնորոշ թէ սուաջինի ու թէ վերջինի համար: Այդ պատճառով ես ինձ թոյլ եմ տալիս քիչ երկար կանգ առնելու նրա վրայ:

Այսպիսով մեր դէմ տարւում է սրբազան կուռ— ջինալ, մեր դէմ՝ «անհաւատ» Ռուսների, Ֆրանսիացիների, Անգլիացիների, որպէս իսլամի թշնամիների, բայց ինչպէս բացատրել՝ որ այդ կուռը տարւում է մի նոյնքան «անհաւատ» զեաւուրի, Գերմանական թագաւորի հետ, ու նրա զենքերայնների զեկալարութեան ներքոյ: Միթէ մարգարէի հաւատացեալ որդիների և անհաւատների զէնքի նման եղբայրութիւնը բոլորում է զուրանից ու շեքիաթից:

Այդ հարցի պատասխանն ես նախ և առաջ սկսեցի փնդրել այն կոչի մէջ, որը դեռ մեզ հետ պատերազմելուց մի ամիս առաջ պանիսլամական կազմակերպութիւնների անունից ցրում էին Պուսում: Այդ կոչի ընթացումը, սակայն, իմ կասկածներն աւելի ուժեղացրեց: Այդ կոչի մէջ ապացուցում է, — որ սրբազան պատերազմը սրբաազիր է, որովհետև բոլոր երկրների մուսուլմանները եղբայրներ են ու պարտական՝ մէկ—մէկու օգնութեան գալու: Եթէ մուսուլման ժողովրդներից որեւէ մէկը հալածւում ու կեղեքւում է մի ուրիշից՝ անհաւատ ժողովրդից, բոլոր երկրների մուսուլմանները պիտի աշխատեն ազատագրել նրան: «Առաւել ևս Սալիֆը, տեղապահը մեր Մահմետ Մարգարէի (թիզ Ալլահի օրհնութիւնը նրա վրայ լինի), ու Սալիֆայութեան բնակավայրում ապրող մուսուլմաններն եթէ կեղեքւում են անողորմ անհաւատներից, սրբազան պատերազմն արդէն այդ ժամանակ պարտազիր է գառնում ընդհանրապէս բոլոր հաւատացեալների համար»: Կնչն այնուհետև մասնանշում է այն հալածանքները, որոնց ենթարկւում են մուսուլմանները՝ Հնդկաստանում, Ռուսաստանում, Պարսկաստանում, Եգիպտոսում, Ալժիրում, Թունիսում, Մարոկկում, և աւելացնում, որ «հենց Սալիֆայութեան մայրաքաղաքն այլ և այլ պատրակների տակ յաճախ վտանգէ է ենթարկւում անհաւատների կողմից»: Ու անհաւատ թշնամիները, որոնք ցանկութիւն ունին իսլամի կրակը մարելու, անւանազիր կոչւած են.— դոքա՛ Անգլիացիները, Ֆրանսիացիներն ու Ռուսներն են:

Այսպիսով՝ կոչը պարզորոշ ուղղւած է երեակ համաձայնութեան դէմ: Բայց հենց նոյն ակզում բերւած են դուրանից և հետեւեալ քառեակները.— Դուք, հաւատացեալներ... Օգնութիւն մի հայցէք Սուրբ Գիբրն ընդունողներից... Մի բարեկամանաք քրիստոնեաների հետ... Նա, ով նոցա բարեկամ կ'ընտրի՝ կ'ամանի 6

նոցա, ու Ալլահը կ'զադարի մուրուածները ուղեցոյցը լինելուց...» Այս քառականներից պարզորէն երևում է, որ սրբազան պատերազմին գերմանացիներին՝ որպէս քրիստոնեաներից, օգնութիւն չ'պիտի հայցել։ Ընդհակառակը՝ կոչի ընթերցումն աւելի շուտ այն մըտքին է բերում, որ համայն տիեզերքի մուսուլմաններն իրենց սրբազան պարտքը կ'կատարեն, եթէ գերմանացիներին զուրօ վճարեն խալիֆայութեան հայրենիքից։

Ինչպէս բացատրել կոչի նման հակասական բնոյթը։ Ինչպէս կարող էին գերմանացիք, որոնց բացայայտ ներշնչման տակ կազմել է նա, թոյլ տալ իրենց համար նման վտանգաւոր խմբագրութիւն։ Միքէ՞ նոֆա բոլորք իսլամն են ընդունել եւ այդու՛ նոցա նկատմամբ անկիրաւելի են դուրանի քառեակները։

Որքան էլ այդ ենթադրութիւնն, առաջին հայացքից, հրէշաւոր թւայ, — այնուամենայնիւ մատնանշաց հակասութեան պատճառն անկարելի է գտնել։ Ի դէպ՝ աւելի յաճախակի են լուում թիւրքերից եկած լուրերն այն մասին, թէ գերմանացիները ներշնչում են կայսրութեան մուսուլմաններին, — որ ինքն՝ իրենց կայսեր—Հաջի—Մահմետ—Վիլհելմն առաքիւնի մուսուլման է դարձել։ Վերջապէս, չ'պիտի զարմանալ՝ երբ մարդիկ, որոնք թոյլատրելի են գտնում ազնուութեան տեսակէտից միաժամանակ երկու հպատակութեան մէջ գտնել, համարեն թոյլատրելի և խղճի տեսակէտից միևնոյն ժամանակ երկու աստուածների ծառայել։ Իրենց հայրենիքում գերման զինեւրախները, սպաններն ու զինուորները, հասկանալի է, շարունակում են համարել բողոքականներ կամ կաթոլիկներ։

Բայց, միւս կողմից, դժւար է մտածել—որ նման սրբապիղծ վերաբերումն դէպ իրենց հաւատը մօտ լինէր մուսուլմանների սրտին։ Այդու՛ հետաքրքրական է գտնում պարզել իրեն համար, — թէ որպիսի վերաբերումն ունին դէպ ներկայ սրբազան պատերազմը նոքա, որոնք իրենց հոգու խորքում Ֆոն—Սանդերսին, Ֆոն—գեր—Պոլցին ու բարոն Վանգենհեյմին չեն համարում ուղղափառ մուսուլմաններ։

Ինչպէս յայտնի է, — իսլամը հիմնւած է ոչ միայն Ղուրանի այլ և Սուրնայի (աւանդութեան), Իջմայի (մուսուլմանական հասարակութեան համաձայնութեան) և քիսսայի (գիտնական աստուածաբանների սրբազան կտորների մեկնաբանման) վրայ։ Մուսուլմանական սրբազան իրաւունքի վերջին աղբիւրն առանձնապէս աւելի տարածումն է ստանում. և, իհարկէ, ինչպէս ուղղափառներին, նոյնպէս ու առաւել ևս մեզ՝ անհաւատ գեաւուրներին, դժւար է իսլամի իմաստն ըմբռնել, առանց նրա մեծ ուսուցիչների հեղինակութիւններին դիմելու։

Այսպիսով՝ ցանկանալով պարզել ինձ համար անցուղարձերի իմաստը, սրբազան պատերազմի էութիւնը՝ յայտարարւած թեթեւի Վիլհելմի հետ խալիֆ Մահմետ—Բեշադից, — ես բայց եմ անում յայտնի մուսուլման պետականագէտ Մավերդիի աշխատութիւնը, որը ծնւել է Խիջրի 364 թւին Բասրայում և մեռել—Ն. 450 թւին (այսինքն 1058 թւին Գրիստոսի ծննդից յետոյ) Բագդադում, Աբբասիդների ժամանակ։ Այդ աշխատութիւնը կոչւում է «էլ—Ախքամ—է—Մուլթանիէս, այսինքն—«Սուվերէն իշխանութեան կանոնները 1)»։ Ու ահա որպիսի տեղեր, զարմանալիորէն համապատասխանող թիւրքերի ներկայ կացութեան, ես գտայ առաջին գլխում Խալիֆայութեան դասը կնեկու մասին»։

Գործունէութեան ազատութեան բացակայութիւնը (Խալիֆի) թղխում է երկու գրութիւնից, — արդիւքից ու բնադատութիւնից։ Ասում են, որ արգելն այն ժամանակ գոյութիւն ունի՝ երբ Խալիֆը գտնւում է իւր հպատակներից որեւէ մէկի ազդեցութեան տակ, որը փաստորէն իւրացրել է իշխանութեան իրականացումը, թէպէտև արտաքուստ նա չի արտայայտում ոչ անհազանդութիւն, ոչ անհամաձայնութիւն։ Իրերի նման գրութիւնն ինքնին չի խանդարում, որպէսզի ստրկացած միապետն էլի Խալիֆ մնայ, ու չի անդրադառնում նրա իրաւասութիւնների իսկութեան վրայ (Վալայ, 65). սակայն, պիտի ուշադրութեան առնել այն մեկի գործողութիւնների բնոյթը, ով տիրապետում է Խալիֆի վրայ, և տարբերել։ Եթէ այդ մարդու գործողութիւնները հաշտ են հաւատի հրահանգների և արդարութեան պահանջների հետ, այդ դէպքում Խալիֆին թոյլատրւում է չ'խանդարել այդ մարդուն՝ որպէսզի նա իւր սկսած գործերի աւարտումը և ընդունած որոշումների անթերի իրականացուն ապահովի ու խուսափի շերիաթի գործերի կանգ առնելուց, որն ազգի համար քնասակար խառնութիւն կարող է առաջ բերել։ Բայց եթէ այդ մարդու գործողութիւնները համաձայն չեն հաւատի և արդարացիութեան հիմունքների հետ, այդ գէպքում հանդուրժել այդ բոլորը Խալիֆին չի թոյլատրւում. նա պարտական է իրեն օգնական փնտոելու, որը թէ կապտիչի ձեռքերը կաշկանդէր ու թէ իշխանութեան շահագործմանը վերջ դնէր։

Մավերդիի այդ կտորի վրայ միայն էն վեր—փաշայի ուշադրութիւնը կարելի է հրաւիրել։ Նա կարծես թէ յատկապես նրա

Տես ֆրանսերէն Թարգմանութիւնը Կոմս Օստրորոգայի մեկնութիւններով։ El-Ghkam Es-Soultanica, Fraité de Droit Public Musulmam d'El-Mawardi, traduit et annoté par le Comte Léon Ostrorog, Paris, 1901).

համար է գրւած. Մալերդին շարունակում է.—«Երբ Սալիֆայու-  
թեան գաշն կնքելուց յետոյ բռնութիւն է ստեղծուում, այն ժա-  
մանակ ամբողջ ժողովուրդն է պարտական խալիֆի ազատագրե-  
լուն աջակցելու, որպէս հետեանք այն պարտադիր օգնութեան՝  
որը նա է ստանձնել գաշնադրութեան ոյժով: Գերի—Սալիֆը շա-  
րունակում է մնալ Սալիֆայութեան տէրը մինչ այն,—քանի դեռ  
յոյս կայ նրան ազատելու, քանի դեռ հնարաւոր է նրան գերու-  
թիւնից փրկելու կուր կամ փրկանքի միջոցով: Իսկ եթէ ազա-  
տագրելու յոյսը կորած է համարուում, այդ դէպքում պիտի տար-  
բերել,—թէ արդեօք Սալիֆը գերութեան մէջ է, հերձուածող—մու-  
սուլմանի, թէ՞ անհաւատների մօտ»:

«Եթէ Սալիֆը գերութեան մէջ է անհաւատների մօտ ու այլեւս  
յոյս չկայ նրան փրկելու՝ այդ դեպքում նա գրկուում է Սալիֆա-  
յութեան վրայ ունեցած իւր իրաւունքներից, իսկ քնտրուները հա-  
ւատարմութեան երգումն են բերում նա Սալիֆին»:

Ինձ թւում է այնուամենայնիւ, որ սուլթան Մահմա—Րե-  
շադը գերութեան մէջ է չէ թէ մուսուլմաններին, այլ անհաւատ-  
ների մօտ: Եւ այդ պատճառով՝ եթէ չբացատենք Մալերդիի շատ  
մեծ հեղինակութիւնը, այդ դէպքում բոլոր մուսուլմաններն ինչ-  
պէս մի մարդ պէտք է ուրբի կանգնեն և ազատեն նրան Գերմա-  
նացիներից: Իսկ եթէ մուսուլմաններն այդ քանի համար շատ  
են թոյլ և յոյս չկայ Վանդենհեյմի ու Էնվերի ձեռքերից սուլթա-  
նին փրկելու՝ այդ դէպքում նորա պարտական են մի այլ տեղ,  
ասենք թէ Բաղդադում, նոր խալիֆ ընտրելու: Յամենայն դէպս  
անհաւատների դերի—Սալիֆը չի կարող մուսուլմաններին այդ  
անհաւատների քննախնիքի դէմ սրբազան պատերազմի կանչել:  
Նման անհեթեթ կոչն, ըստ երևոյթին, բացատրուում է նրա վրայ  
զործադրւած բռնադատութեամբ և մուսուլմանների համար, իհար-  
կէ, նա պարտադիր համարել չի կարող...



Մինչ մեծ ու անշնչելի անարգանքի դուռը հասցրեց Թիւր-  
քիային Գերմանիան: Նա նրա հետ վարեց աւելի վատ, քան  
Բելգիայի: Նա Բելգիայից նրա հոգը խլեց, բայց փայլում է աւելի  
վառ փայլով Բելգիական ժողովուրդն ու նա այսօր էլ՝ ինքնան-  
կախ, պետութիւն է թէպէտ անհոգ: Թիւրքիային Գերմանիան կաշ-  
կանդել է ոչ միայն Ֆիզիքական ոյժով, ոչ միայն «Գեբեռով»  
կամ Սանդերսով: Նա կատարելապէս ենթարկել է նրան իւր

այսօրայ ամօթարեր մտայնութեան, նա նրան կոպիտ ոյժի  
երկրպագութիւնն է պատուատել, շոյել նրա բոլոր ստոր արիւն-  
ըռուշտ բնադրները, նա լցրել է նախնական անգթութեամբ օժ-  
տւած թիւրքի արեան մէջ թոյնը նրբացած գերմանական բար-  
բարութեան և, վերջապէս, նա սովորեցրել է Թիւրքիային իւր  
նաւատի հետ խաղալ: Չէ, Գերմանիան չի պղծել Թիւրքիան. օսմանների  
պետութիւնը բաւակոնաչափ ապականւած է եղել,  
երբ գերմանացիների գրկին է ընկել: Բայց Գերմանիայն արել է  
այն ամենը, ինչ իրենից է կախած, թիւրքական քայքայման  
պրոցէսն արագացնելու մտանդութեամբ:

Սարսափելի չէ Ռուսաստանի համար այդ «սրբազան պատե-  
րագմբ», — Ռուսաստանի, որը, սրբազան պատերազմն է մղում,  
Վիլհելմը—ողորմելի կատակերգութիւն է, ու է՛վեր—փաշան ար-  
դէն հաշակել է, թէ կանաչ դրոշը որքան քիչ է ողևորում նրա  
հրոսակներին ուսանքի դէմ մղած կուռում: Բայց ոչինչ, բացի  
աւելորդ խայտառակութիւնից՝ այս նիւթումից Գերմանիայի հա-  
մար չ'պիտի դուրս գայ: Բայց ինչ արժէք ունի այն ժողովուրդը,  
որը նման ծաղրանքն է տանում իւր հաւատի վրայ, և ինչ վի-  
ճակի է նա արժանի:

Ես ինձ թոյլ եմ տալիս պատասխանելու այդ հարցին, ինկատի  
առնելով և իմ անձնական տպաւորութիւններն ու յիշողութիւն-  
ները: 16 տարի առաջ ես եկայ Օսմանեան կայսրութեան հայրե-  
նիքը՝ ամբողջապէս տոգորւած Պետրոգրադի alma mater-ի մեծա-  
հոգի գաղափարներով ու Սորբոննի վսեմ պատգամներով: Իմ մի-  
ջազգային credo-ն միանգամայն ընդգրկում էր այն ժամանակ  
Բելգիական յայտնի գիտնական Լորանի հետեւալ սքանչելի խօս-  
քերով. — «Toutes les nations sont de Dieu» — բոլոր ժողովուրդներն  
են Աստուածանից: Եւ ահա նախ քան որ սեփական միսիան այս  
աշխարհում, իւրաքանչիւրն իւր խօսքը պիտի ասի գալիք սե-  
րունդերին: Ես գիտէի, ինարկէ, որ ազգերն, ինչպէս և մարդիկ—  
զործում են՝ և սխալներ, և յանցանքներ: Բայց ես կիրառում էի  
ժողովրդների նկատմամբ Դոստոևսկու մեզ կտակած մեծ խօս-  
քերը, թէ—պատժիր յանցագործին, առանց մարդու անձնաւո-  
րութիւնը ստորացնելու: Ու ազգերի գալիք դատարանը, իմ երե-  
ւակայութեան մէջ, պիտի որ պատժէ յանցապարտ ժողովրդնե-  
րին, միայն թէ առանց ստորացնելու նոցա ազգային դէմքը, առանց  
դիպչելու նոցա աստուածային էութեան:

Ճաճկական տիրապետութեան ժամանակ ես շրջեցի Մակե-  
դոնիայի դաշտերն ու գիւղերը, ու ամենը, ինչ ես այնտեղ տե-  
սայ՝ իմ սիրտը լցրեց խորն ատելութեամբ դէպ սլաւոնների հա-  
րստահարիչներն ու մարդասպանները: Բայց ես տեսայ նոյնպէս,

Թէ ինչպէս քրիստոնիաների հետ միասին Արդու—Համիրի անաբեկումից տառապում են և իրենք թիւրքերը ու ես տրամադրեցի ռեժիմի սոսկումը վերագրել: Ղլխաւորապէս, կարմիր սուլթանին: Ու այդ պատճառով երբ երիտասարդ—թիւրքերը մի համարձակ շարժումով թօթափեցին իրենցից այդ խայտառակ լուծը՝ երբ խանդավառ տաճիկ սպաները բուլղարական չետնիկները գերկը նետեցին, երբ սիրոյ ու եղբայրութեան կոչը համայն թիւրքիայում հնչեց—ես զգացի մեծ թեթևութիւն: Ես հաւատացի—չէ թէ վերածննդին, այլ տաճիկական ոգու ծննդին: Ես մտածեցի, որ Սամանեան կայսրութեան միւս ժողովրդների ազատութեան ու երջանկութեան համար՝ անհրաժեշտ չ'պիտի համարուի տաճիկ ժողովրդի մահը: Ինձ թւաց, թէ այդ ժողովուրդն ականջալուր եղաւ, վերջապէս, քաղաքակիրթ աշխարհի ձայնին—պատրաստ նրան իւր իրաւահաւասար անդամը ճանաչելու, երբ միայն նա կ'ապացուցի՝ որ կարող է ինքն իրենով ապրելու, իւր հիւթերով, առանց քրիստոնեայ ժողովրդների արիւնը ձծելու:

Նոցա համար, որոնք ինձ այս թուուցիկ ակնարկը կարգաւոր պատիւը մատուցին, աւելորդ է ասել՝ որ իմ պատրանքները շուտով չքացան: Չ'գիտեմ, կ'ասէր արդեօք Լորանը, եթէ մինչ մեր օրերըն ապրէր, Բելզիայի միացող փլատակների վրայ. — «L'Allemagne est de Dieu!», կ'ընդունէր նա արդեօք ժամանակակից Գերմանիայի աստուածային էութիւնը: Իսկ ինչ ինձ է վերաբերում, —ես որոշում եմ խօսել իմ մասին, իհարկէ, միայն այն պատճառով՝ որ թերևս իմ էտրիւցիան ինքնին որոշ հետաքրքրութիւն ներկայացնի որպէս էտրիւցիա մի մարդու, որն ականատէս է եղել թէ համիրեան կարգերի ու թէ երիտասարդ—թրքական գիւցադներգութեան, —ես այժմ Լորանի այդ ֆորմուլան կ'փոխեմ հետեւեալ իմաստով. — ժողովուրդները կարող են «Աստուածանից» համարել, միայն քանի դեռ չեն կորցրել Աստուածային պատկերը: Իհարկէ, իւրաքանչիւր անգամ ամենափոքրիկ ժողովուրդը — լինի դա չերեմիսական թէ վոտեացական—կատարում կամ կատարել է երևէ, մեզ ոչ միշտ հասկանալի, իւր պատմական միտիան, և այդու՝ անհրաժեշտ է: Բայց պատմական անհրաժեշտութեան գլացումը մարդկանց և ժողովրդների սրտերում գուգակցում է իւր արածների համար պատասխանատուութեան զգացումի հետ: Ժողովուրդները չեն կարող սառնասրտօրէն դիտել՝ թէ ինչպէս մէկն իրենցից ոտնահարում է բոլոր Աստուածային ու մարդկային օրէնքները, ինչպէս նա իշնում է աւելի ցած այն մակարդակից, որն ընդունւած տեւալ շրջանից որպէս բարոյական minimum: Նման ժողովուրդն այդ ժամանակ արդէն Աստուածային չէ, ու չի կարող հանդուրժելի լինել: Աստուածանից է—կոխը նրա գէմ, անողո՛

կոխը, մինչ նա նորէն չի ընդունի պատկերն Աստուծոյ կամ չի խորտակւի:

Տաճիկ ժողովուրդն արդէն վաղուց է ի կատար ածել իւր կործանարտը միսիան: Պատմութիւնը ցանկացաւ, որպէսզի նա վերջ դնի քայքայող Բիւզանդիային, բայց նա թոյլ չի տայ տաճիկ մեռած սեղմումին կենսունակութեամբ լի ժողովրդների յոյզերը կաշկանդելու: Վերջին անգամ տաճիկ ժողովրդին վերապահութեամբ թողնեց գոյութեան իրաւունքը: Այժմ նա կորցրել է այդ իրաւունքը—թէ Գերմանիայի ու թէ իւր սեփական մեղքի շնորհիւ: Տաճիկ ժողովուրդը կեանքի ձայնը չ'լսեց ու թոյլ տուաւ, որպէսզի գերմանական ձեռքը նրան դէպ խորխորատը հրի: Շատ անգամ է կարմիր կիսալուսինը բարձրացել համաշխարհային պատմութեան ասպարիզի վրայից: Այժմ նա նորից է պակասում: Ու մենք բոլորեքեան յոյս ունինք, մենք բոլորս հաւատում ենք, մեր մէջ ամեն ինչ է ասում,—որ եւրոպայում այլևս տաճիկական նորալուսին չ'պիտի լինի:

Հշմայր 5  
100% -ով  
8.45.





54

6284

0002002

2013

ՀՀ Ազգային գրադարան



NL0002002

